

Poemata omnia, nunc multo, quam antea, emendatiora / Accesserunt reliquiae Joannis Cottae, Jacobi Bonfadii, Adami Fumani, Nicolai Archii, poetarum Veronensium. [Edited by G.A. Volpi].

Contributors

Fracastoro, Girolamo, 1478-1553
Cottae, Joannis.
Bonfadii, Jacobi.
Fumani, Adami.
Archii, Nicolai.
Volpi, Gio. Antonio, 1686-1766

Publication/Creation

Patavii : J. Cominus, 1718.

Persistent URL

<https://wellcomecollection.org/works/ymqneem6>

License and attribution

This work has been identified as being free of known restrictions under copyright law, including all related and neighbouring rights and is being made available under the Creative Commons, Public Domain Mark.

You can copy, modify, distribute and perform the work, even for commercial purposes, without asking permission.



Wellcome Collection
183 Euston Road
London NW1 2BE UK
T +44 (0)20 7611 8722
E library@wellcomecollection.org
<https://wellcomecollection.org>



F. ix. b

16


9th

10th

2-4

3-11

afue
12/17/11



HIERONYMI FRACASTORII

VERONENSIS
POEMATATA OMNIA,

Nunc multo, quam antea, emendatiora.

Accesserunt reliquiae Carminum

JOANNIS COTTAE, | ADAMI FUMANI,
JACOBI BONFADII, | NICOLAI ARCHII,

Poëtarum Veronensium.



PATAVII. MDCC XVIII.
EXCUDEBAT JOSEPHUS COMINUS.
Superiorum Permissu.



Marchioni Illustrissimo,
S C I P I O N I
M A P H A E O,
N O B I L I V E R O N E N S I,
Eruditissimo, ac Sapientissimo Viro,

Joannes Antonius Vulpus S. P. D.



ULTAE causae me
impulerunt, S C I P I O
M A P H A E E, *Vir illustrissime ac sapientis-*
sime, ut H I E R O N Y M I F R A C A S T O R I I

*Poëmata , itemque JOANNIS COTTAE,
JACOBI BONFADII, ADAMI FUMA-
NI, & NICOLAI ARCHII, Veronensium
Poëtarum, Carmina nonnulla, suavitatis atque
elegantiae plenissima, quae nunc nostris curis
emendata de integro prodeunt, in tuo potissi-
mum nomine apparere vellem. Primum enim,
quam de tua singulari virtute, praestantique
literarum scientia, opinionem jamdiu animo
imbiberam, eam omnibus certo aliquo testimo-
nio significare vehementer cupiebam; non quod
ex meo qualicumque suffragio ullam tibi gloriae
accessionem fieri posse existimarem, quippe hoc
levitatis ac dementiae fuisset non ferendae:
sed potius ut in te observando colendoque ipse
mibi*

mibi satisfacerem, ab eorumque stupore longissime abessem, qui maximorum ingeniorum luce, insolitaeque doctrinae specie nihil admodum commoventur. Deinde illud cogitabam; quemadmodum olim FRACASTORIUS, doctissimis monumentis ad sempiternam memoriam temporis propagatis, Urbis Veronae, in qua natus erat, Italiae totius, ac sui denique saeculi decus atque ornamentum exstitisset, eamque scribendi carminis facultatem adeptus esset, ut uno Virgilio inferior, vel aemulorum confessione judicaretur: sic te ex amplissima vetustissimaeque familia pariter Veronae ortum, divina providentia delectum esse, qui Scriptis editis immortalibus aetatem hanc nostram mi-

rifice illustrares. Nemo satis pro dignitate laudare possit Libros illos tuos vere aureos, in quibus contra falsas quorundam opiniones acerrime disputas, qui futilibus impiisque praeceptis nobilium virorum animos contentionis rixaeque cupidos efficere studebant. Eas nimirum disputationes, simulac typis descriptae circumferri coepere, tanto favore omnes boni prosecuti sunt; ii praesertim, quos curare oportet, ne quid Christiana Respublica detrimenti capiat; ut veteris immanitatis notas, quas barbarorum in Italiam adventus nostris moribus foedissime inusserat, sapientia tandem tua penitus deletum iri praedicarent. Quis autem non valde miretur, hominem Philosophiae semper vacantem, summique
offi-

officii rationem diligentissime perquirentem, si ad mansuetiores Musas oblectamenti causa interdum accesserit, iis palmam eripere, qui aetatem omnem in eo studiorum genere consumserunt? Te vero ejusmodi esse quum alia multa testantur, tum in primis Tragoedia nobilis, quam ad veterum Graecorum lucernam elaboratam, his proximis annis publice spectandam exhibuisti. haec scilicet ubicumque locorum acta est, fletum spectatoribus excitavit; nec tantum quum nova daretur, at decies repetita multitudinis oculos tenere potuit. Praeclarum est, in singulis disciplinis singulos homines excellere; at quanto praeclarius, unum aliquem reperiri, qui quaecumque in disceptationem cadunt, innumerabilia

sane, ac nullis prope terminis definita, animo
universa comprehendat? Si quis hoc fieri neu-
tiquam posse arbitratur, is domum tuam ve-
niat, tecum colloquatur, periculum faciat in li-
teris, in arte dicendi, in differendi subtilitate,
in Physicis, in Geometricis: interroget de pie-
tate, de justitia, de finibus bonorum, de ad-
ministratione reipublicae, de institutis populorum:
historiam sibi promi petat, poëtam aut orato-
rem explicari, veteris lapidis aut numismatis
inscriptionem declarari; nulla ex parte impari-
tum offendet, sed contra omnibus doctrinis et
artibus instructissimum admirari cogetur. Ad
has causas, quas haëtenus memoraui, illa vel
gravissima accedit, te, si quis alius hoc tem-
pore,

pore , cum fucata eloquentia justas inimicitias
suscepisse , nihilque in dicentibus probare solere ,
quod non simplex , non candidum , non rectum ,
non denique utile sit . Est hoc nobilitatis tuae ,
quam animus veritatis studiosus , et qui nemi-
nem fallere postulet , summe decet . quid est
enim tam plebejum , quam vel in vita vel in
oratione mendaciis rem agere ? Quo fit etiam ,
ut ab omni arrogantia superbiaque maxime ab-
horreas , quae vitia plerique nobilium otio dif-
fluentes , eo consilio adhibent , ut nimirum iner-
tiam suam ad populum tegant , ac ne plane
cessare videantur . Et quamquam generis cla-
ritate , ceterisque ornamentis , quae ipse tibi ma-
gna virtute comparasti , nemini concedas , Fra-
trem

3
tremque habeas, apud Principes Germaniae Vi-
ros gratia, opibus, dignitatibus mire florentem,
nihilominus facilem te in audiendis admittendis-
que hominibus praebes, comiter unumquemque
appellas, citiusque fortunae tuae obli-
visceris, quam humanitatis. Accipe igitur, Vir sapien-
tissime, hilari vultu munusculum hoc nostrum,
Poëtasque elegantissimos, cives tuos, et ipse
amare, et aliis commendare velis. Hoc mihi
gratius accidere nihil potest. Vale.

Patavii MDCC XVIII. Kal. Septembris.

LECTORI

BENEVOLO.



NON sum nescius, erudite Lector, plurimos inveniri, qui de Poëtarum studiis, deque universo genere Poëseos ita statuunt, rem esse minimi pretii, & quae magna ingenia ab inquirendae veritatis studio ad nugas & somnia saepe traducat: proptereaque recte Platonem fecisse dicant, qui a Republica illa sanctiore, quam ipse optimis legibus instituebat, eos omnes exclusit, qui versibus & fabulis delectarentur. Hujusmodi hominibus poëmata offerre perinde haberetur, ac si Pentheum Bacchis discerpendum traderes; adeo sunt pertinaci animo ac fero, Musisque inimico. Cum his porro disceptare velle quid est aliud, nisi inanem operam sumere? contracto enim semel supercilio, judicioque facto, citius se spiritum amittere, quam de sententia dimoveri patiantur. Qui si delicias ita odere, ut nihil humanitati dandum putent, omniaque ad veram directamque rationem exigi oportere clamitent, non video, cur ullam aut in victu munditiam, aut in vestitu elegantiam adhibeant: cur artes ullas probent, praeter eas, quae, ut vitae necessitatibus inservirent, rudibus adhuc saeculis inventae sunt. At hos, quoniam communi hominum sensu satis refutantur, & sua ipsi tristitia abunde puniun-

A D L E C T O R E M.

niuntur, Diis iratis suis relinquamus: remque Poëticam hætenus in civitate retineamus, quoad ingenuam ex illa voluptatem capere possumus. ceterum parcat ea moribus juventutis, maledicto abstineat, ne incurrat in famam bonorum, ne prava exempla in scenam immittat: recte facta potius illustret, virtutes laudet, disciplinas ornet, salibus etiam interdum ac deliciis utatur, sed illis innocuis ad hilaritatem, non perniciosus ad corruptelam. Est aliud genus hominum, qui se quidem Musas amare dicunt, & poëmata magni facere, sed qui perverse adeo de Poëtis judicant, ut illis ejusmodi aures esse existimes, quales olim Regi Midæ fuerunt; cui scilicet Jovis filium Apollinem, dignum convivio Deorum citharoedum, ad Panos rustici Numinis suavitatem nimium nugatorem visum fuisse perhibent. Enimvero majus in hæc studia periculum intenditur ab his qui se amicos profitentur, quam ab illis, de quibus antea diximus, reprehensoribus. nam illi quidem suum negotium agunt, ac veluti in alio terrarum orbe collocati, nostra neque attingunt, neque magnopere curant: hi vero importune adsunt, insistant, omnia permiscent, omnia inquinant, & quum elegantiores Musas vix a limine salutaverint, vel in eos magistros inciderint, a quibus nihil sapere docti sint, nihilominus, tamquam ex tripode ac lauru, consulentibus respondent, unumquemque scriptorem trutina examinant, suas cuique dignitatis partes tribuunt, alios probant, alios damnant, indicta sæpe caussa; quod iniquissimum pariter ac stultissimum est. Horum ju
dicio

A D L E C T O R E M.

dicio (ut in praesentia tantummodo leviora perfe-
 quar, & exemplis res illustrior fiat) Catullus, quem
 Aulus Gellius elegantissimum Poëtarum appellare non
 dubitavit, quem omnis antiquitas sic est admirata,
 ut docti cognomine donaverit, asper atque horridus
 est, iis vero numeris gaudet, quos eorum delicatissi-
 mae aures ferre nullo modo possint; penitus insuper
 argutiis caret: (hoc nomine ipsi pueriles ineptias,
 crebras paranomafias, exquisita antitheta, absurdas
 translationes, & reliquas hujusmodi orationis labe-
 honestare consueverunt) ad haec, quod maxime do-
 lendum est, obscuras historias fabulasque confectatur,
 quae lectorem alio properantem, non sine temporis
 dispendio, idemtidem remorantur. Quod si forte de
 Lucretio mentio facta fuerit, tum vero nauseant,
 vehementerque indignantur. nam, praeterquamquod
 scriptor ille *ἀθεῖς* religionem omnem funditus tolle-
 re conatur, longissime quoque abest ab ea suavitate,
 quam ipsi venantur assidue: Ennii, ac Pacuvii vesti-
 giis nimium insistit, verbis utitur obsoletis, hiulcos
 dissolutosque numeros amat, ita denique agrestis, ita
 incomtus est, ut a pueris gratiam omnino inire no-
 luisset videatur. Fuerit Lucretius optimus Latinitatis
 auctor; quid tum? id ipsi in minima laude ponunt:
 non enim Latinam, sed mollem potius & pictam ora-
 tionem requirunt, qualem hoc proximo saeculo inge-
 niosissimi homines, bona Ciceronis, aliorumque vete-
 rum venia, in medium protulerant, nunc vero ingen-
 ti piaculo scelesti quidam oppugnare non verentur.
 Quamobrem & Virgilium accusant, quod antiquiorum
aucto-

A D L E C T O R E M.

auctoritatem secutus, non usquequaque concinnum se
 praebeat: Lucanum, aut Statium, aut Claudianum,
 si diis placet, in condendo carmine rotundiores esse
 ajunt; vel si hoc dicere reformident, imitatione ta-
 men sua, quum aliquid ipsi scribere aggrediuntur,
 quid sentiant, satis aperiunt. Jam de Elegia, ejusque
 scriptoribus, mirum est, quantum a Fabio Quintilia-
 no dissentiant, qui nimirum literis tradiderat, in eo
 genere *sibi tersum atque elegantem maxime auctorem*
Tibullum videri; non deesse tamen, qui Propertium
mallent: Cornelium autem Gallum duriores, Ovidium
lasciviores esse pronunciavit. Inepti scilicet ac prae-
 posterii homines, meliores se harum rerum aestima-
 tores fore confidunt, ac ille olim vir exstiterit, ea
 praesertim aetate natus, qua verius longe certiusque
 judicium de hujusmodi studiis fieri poterat, quam
 hac nostra. nondum enim desierant Latina lingua lo-
 qui, & quid esset Romanae elegantiae, vel taberna-
 rii & aniculae facile dignoscebant. In uno igitur Ovi-
 dio libentissime conquiescunt, hunc unum admiran-
 tur, hunc sibi ad imitandum proponunt: quam vero
 ejus similes evadant, ipsi viderint. nisi forte in opti-
 morum imitatorum numero reponendi propterea
 sunt, quod semper de faece haurientes, & ea potis-
 simum colligentes, in quibus ingenio suo nimium
 indulgit scriptor ille, alioqui dignissimus qui legatur,
 & quantivis pretii, crebris eorundem verborum re-
 petitionibus utuntur: duarum syllabarum voces in fi-
 ne pentametri diligenter collocant, polysyllabis omni-
 bus, tamquam horridioribus, rejectis: penthemi-
me-

AD LECTOREM.

merim, seu semiquinariam caesuram, in hexametro servant: singulis distichis singulas sententias comprehendunt: qui secus fecerit, hunc artis ignarum esse ajunt, magnoque in errore versari affirmant: quod falsas denique, easdemque durissimas leges studiosis adolescentibus imponunt, quas illi violare sine summo scelere non possint. Ab his igitur, si sibi constare velint, consilium hoc nostrum edendi tanto intervallo HIERONYMI FRACASTORII Poëmata, item JOANNIS COTTAE, JACOBI BONFADII, ADAMI FUMANI, NICOLAI ARCHII Carminum reliquias, improbari certe, fortasse etiam derideri, necesse est. FRACASTORIUS etenim, dummodo Virgilianam illam gravitatem, heroicis carminibus scribendis, assequeretur, argutiores Poëtas, quos ipsi tantopere amant, omnino contempsit: reliqui vero, nescio quo malo Genio instigante, ita Catullo aut Propertio addicti sunt, ut Martialis & Ovidii scripta vix umquam attigisse videantur. Sed ista omni oratione omissa, levibusque hominibus valere jussis, tibi, tuaeque fidei, erudite Lector, hos elegantissimos Musarum alumnos custodiendos tradimus: quos & multo emendatiores, quam antea, & pleniores invenies; nonnulla enim addidimus quum ex Gagnaeji, ac Taygeti Carminum Collectionibus, tum ex aliis etiam Libris; quae si legeris, te industriae nostrae non poenitebit. Existimavimus autem, Poëma illud sacrum, quod FRACASTORIUS de JOSEPHO inchoaverat, quamvis longe positum infra SYPHILIDOS dignitatem, ceteris tamen egregii viri munimen-

AD LECTOREM.

nummentis esse adjungendum: sunt enim, & quos magnorum Operum rudimenta delectent, & qui ad ea perficienda excitentur, quae alii aut curis gravioribus, aut infortunio impediti, tantummodo adumbrata reliquere. Ejusdem Poëtae rerum gestarum Narrationem, non illam quidem accuratissime scriptam, (sunt enim in ea nonnulla, quae vix intelligas) verum simplicem, & singularem, ne prorsus abjicere velis. nam ut meliorem de integro daremus, tantum otii non habuimus. Mirabitur fortasse quispiam, atque indigne feret, JACOBUM BONFADIUM, Veronensem a nobis appellatum, quum aliqui e Scriptoribus eum Brixianum fuisse malint. Nos plerisque fidem tribuere satius esse duximus; nec tamen, quid de hac re homines sentiant, multum laboramus. Tu interim, amice Lector, si quid ad juventutis studia promovenda labore nostro collatum esse censes, neque nos indignos putas, quorum conatibus faveatur, hilari fronte hunc Libellum excipe, daque operam sedulo, ne posteritas hanc bonarum literarum causam, quae nobis tanto sumtui est, a te neglectam fuisse, aliquando conqueri possit.



EX AERAE REGIAE
POSTA PATAVI
IN FORNICE
AD PONTIEM
D. BENEDICTI





EX AENEA EFFIGIE
POSITA PATAVII
IN FORNICE
AD PONTEM
D. BENEDICTI.



HIERONYMI FRACASTORII

V I T A,

INCERTO AUCTORE.



HIERONYMUS FRACASTORIUS, Veronensis, Fracastoria perantiqua Veronae, atque ob id valde nobili Familia ortus, non antiquorum modo civium suorum Catulli, & C. Plinii gloriam aemulari, sed omnes prorsus nostrae, & superioris aetatis homines praestanti omnis doctrinae laude, & eximia in pangendis carminibus gloria, longo intervallo superare contendit. Is, Paulophilippo Fracastorio, & Camilla Mascarellia

b

Vi-

Vicetina, summae probitatis parentibus ortus, atque a patre liberaliter educatus, ut primum per aetatem in luce hominum versari coepit, tale de se specimen apud omnes praebuit, ut jam tum ex eo adhuc puero, qui postea vir futurus esset, facile homines conjectarentur. quod immortalis DEI maturo quoque testimonio pridem fuerat confirmatum, quum pene infans, & vix cunis egressus, a matre quadam die in ulnis blande pertractatus, dum gravis forte tempestas repente coorta esset, ipsa fatali de caelo icta fulmine, incolumis fervaretur. Patavium, ad capiendum animi cultum, adhuc adolescens, profectus, ingenti cura, atque indefesso labore, jam tum ad summum gloriae fastigium generosi spiritus indole sibi iter aperuit, quum post bonarum literarum cognitionem, ad arcana cujusque doctrinae, sed Mathematicarum praecipue scientiarum infinita lectione, inusitataque memoria sibi esse penetrandum judicasset. Sed quum Philosophiae

phiae studiis per multos annos operam dedisset, Petro Pomponatio Mantuano praeceptore usus, tanto animi ardore, atque alacritate, Genio suadente, se totum ad Medicinam convertit, tanta porro contentione in Gymnasio per quotidianas Medicorum disceptationes se se exercuit, ut doctores ipsi atque aequalis juvenus, eum ad omnia natum esse divino quodam consilio faterentur, illique maximos Suggestus honores tunc detulerint, quod Patavii ante illum nemini, nisi maturo in studiis, & perfectae demum aetatis viro, contigerat. Studiorum socios, & sodales habuit Patavii, illustriores quosque ejus aetatis juvenes, Gasparem Contarenum, qui postea Cardinalis fuit, Andream Naugerium, & Marcum Antonium Contarenum Patricii ordinis Venetos, eosdem postea clarissimis legationibus ac magistratibus insignes, Joannem Jacobum Bardulonum Mantuanum, qui gravissimus Philosophus fuit, Pomponium ac Lucam Gauricos fratres Astronomiae peritissimos,

b 2 & Joan-

& Joannem Baptistam Rhamnusium, qui postmodum X. Virum Consilii Senatus Venetiarum a Secretis fuit, Graecarum literarum, sed Cosmographiae praesertim atque omnis fere Historiae peritissimum: sed praeter ceteros, Marcum Antonium, Joannem Baptistam, & Rhaimundum Turrianos, nobilissimos fratres Veronenses, praecipue coluit; quibuscum quotidiano fere in convictu Patavii versabatur, quum Hieronymus eorum pater exactae doctrinae, & auctoritatis vir, primum inter medicos in eodem Gymnasio honestissimis conditionibus Suggestus locum obtineret. Sed, exorto demum bello, & everso Patavino Gymnasio, quum nunciata esset illi patris mors, & in patriam iter pararet, Livianus Venetarum copiarum Imperator, Musarum liberalis hospes, & ingeniorum censor longe gravissimus, honestissimis accitum conditionibus in Academiam Forojulensem ad Portum Naonem institutam, in Andreae Naugerii, & JOANNIS COTTAE prae-
cel-

cellentium Poëtarum contubernium evocavit. Ubi quum aliquandiu versatus esset, carminumque, quae ab eo quotidie, ex nobili semper occasione summae dignitatis emanabant, auctoritate universae Italiae carus ac jucundus esse coepisset, illius scripta exinde publico semper excepta plausu, reliquorum ad hanc diem omnium famam opprefferunt. Sed quum pluribus bellis Livianum secutus esset, eorum demum ex ipsa Gallorum ad Abduam victoria fuso ac capto, se in patriam sero contulit, quum omnia pene funditus eversa ac devastata direptionibus, & incendiis paterna bona exposita reperisset. Duxit uxorem vivo adhuc suadenteque patre, dum studiorum causa Patavii moraretur, haud pari felicitate, quum non duorum modo, quos immature sibi ereptos nobili carmine acriter dolet, filiorum funeri interfuisset, nisi praeter Paulumphilippum (quem hodie Veronae praeclaro florentem ingenio admiramur) tertium quoque annis gravem,

b 3

vem, & consilio maturum amisisset. Fuit FRACASTORIUS parva quidem, sed quadrata corporis statura, latis humeris, & barba decenter honestatus: nigra coma proluxaque: facie rotunda, subnigris oculis, naso, ab diutissime contemplandis stellis contracto, simoque. Ceterum totius oris aspectu, ingenium maxime vividum, miram probitatem sincerique animi candorem referente. Domum habuit Veronae, juxta D. Euphemiae: quamquam secessu Caphio, Melsineoque plurimum oblectaretur. de quo quidem Caphio monte, antequam sermo ulterius proferratur, pauca ideo dicenda esse videntur, ne locus, toto Veronensi agro hoc tam eximio cultore celeberrimus, quum is, ingenuo pudore detentus de eo pauca admodum scripserit, omnino ignoretur. Est Caphius mons, ad radices Baldi xv. millia passuum Verona distans, inter Athe-sim, & Benacum medius. ibi, quum paullulum ascenderis, villa in collis jugo, in media planitie ad conspectum Benaci
(non

(non eximiis illa quidem , ut reguli , ac beatioris fortunae homines , opibus ingenioque validiores supra civilis fortunae censum aedificarunt , picturis exornata , sed uno tantum loci Genio , ac situs prerogativa admirabilis) reperitur. Quadrata domus est , ac liberiori undique , praeterquam ab Aquilone , caeli facie coronata : nam qua ab Oriente Athesim ad radices montis ex intima Germania prope Baldum rapido cursu defluentem attingit , Veronam urbem & circumfusas innumera- biles in subiecta planitie villas longissime prospectat : atque in his , omnis generis armenta errantia , & fumantia sub vesperam tecta intuetur . ab Occidente autem Benacum e converso laetissima facies excipit : pari hercle occurrentium collium varietate mirabilior ac jucundior : quum vel altos interdum Benaci fluctus , & beatam Catulli peninsulam , ac veliferas item classes , & piscantium naviculas longe advenientes perspectare , tum diversa oppida apricis promontoriis exposita lubet

contemplari. hinc Bardolinum subiectum: hinc frequenti olea, & citriis colles coronatos: hinc demum nemorosa & laeta virentibus pascuis, nascentium montium juga despectantur. noxios ventorum flatus ad meridiem paullulum exstans ante domum cubitus eminentibus pomiferis arboribus jucundus, ac Baldus mons ad Aquilonem vergens, omnem hiemis duritiem procul expellit: ita tamen, ut & in media aestate quum ex alto Sol urget, obortis Etesijs blandissime ventiletur, nec ardere in caelo Sirius sentiat: & per hiemem, apricum fere semper Solem, & nebulae omnis expertem diem admittat. Benacus porro, qui maritimi litoris naturam aemulatus numquam gelascit, atque omnem hiemis duritiem suaviter frangit, frequenti nobilium troctarum, & carpionum piscatione, non parum momenti ceteris quoque affert commodis. Hic illum interior domus aestivis hibernisque cubiculis atque interioribus conclaviis, ubi amicos benigne atque
hila-

hilariter excipere consueverat, perquam commoda, quod magnopere Musis expetitur, strepitu vacua, atque alti plena silentii, omnibusque munditiis nitida, ad secretiora accedentem studia comiter accipiebat: quando editis aeternae famae carminibus, nobile illius caput fertis, & virenti per omnem Europam laurea coronaret. Vitae genus adamavit quietum, cunctis solutum curis & litibus, quum vir minime ambitiosus & parvo contentus, honestae ac jucundae vitae ad bonam semper frugem percupidus, unam tantum studiorum laudem spectaret: hilari ac frugi mensa, exactissima semper ad tuendam valetudinem ratione instructa: tam aperto, liberali, & perblando semper ingenio, ut quum summa esset morum temperie, facilitateque naturae, non eloquio, non cultu, fastum ullum ostenderet: numquam in alieni operis censura amarulentus aut parcus laudator esse consuevisset: ut etiam Joannis Baptistae Montani, medici clarissimi, illius vel aemuli, vel,

vel, ut plures judicabant, in re medica principatum acriter affectantis, mortem nobili Epigrammate sit profecutus. Medicinam, ad quam perdiscendam se totum ab adolescentia convertit, & in qua nominis celebritate primum inter illustres totius Europae medicos locum obtinebat, toto vitae tempore ita exercuit, ut in affectis corporibus sanandis, in quibus illi mirifica quaedam & divina prorsus vis fuit, nullius quaestus potius quam officii rationem haberet. Et quoniam, hac vitae ratione multorum amicitiam suo sibi beneficio comparaverat, inimicum vero merito habebat neminem, omnes non Venetiae tantum, atque illius orae, sed externi etiam principes & reguli, ut de vel desperata, vel dubia vitae re illum consularent, maximis ad se conditionibus accersebant: a quibus ille discedens, salute eisdem restituta, nullum prorsus pretium, praeter amicum animum in patriam referre umquam volebat. Delectabatur, quum in otio esset, antiquorum historias, & illustria

stria clarissimorum virorum facta perlegere; adeo ut Plutarchus, atque interdum Polybius ex manibus fere numquam exciderent. Mathematicis item scientiis, & praesertim Musicae, oblectandi animi causa studium adhibebat: sed, ex mitioribus omnibus disciplinis, in unam Cosmographiam incumbibat: quam tanto studio quandoque colere consueverat, ut gravioribus quandoque studiis intermissis terrarum omnium ab Lusitanis primum in Oriente, mox a Columbo in Occidente nostro seculo inventarum descriptiones & loca, ligneis orbibus ad amussim affabrefactis, altitudinum & latitudinum adhibitis dimensionibus delinearet. Consuetudo assidua illi erat multum cogitandi, plurima secum animo volvendi: neque enim vel deambulando tempus ullum labi frustra, vir numquam otiosus, patiebatur: ideoque & raro admodum, & nisi plurimis adhortationibus invitatus, loquebatur: tristemque ac severum homines existimabant, quum illius sermonibus
ad

ad hilaritatem saepius conversis, nihil laetius, nihil urbanius posset reperiri. Sed qui herbariae facultati ac simplicibus medicamentis ex antiquorum libris accurate perdiscendis egregiam pridem operam navaverat, non obscurae laudis compositionem atque adversus pestilentes febres mirae potestatis antidotum, quod *Diascordion* appellant, medentibus simul & pharmacopolis necessarium, superioribus annis magna hercle nostri seculi utilitate paravit; quum multis praeterea herbis ab antiquis pridem descriptis, sed nostro aevoo incerta similitudine perobscuris, eruditam claritatem attulerit. Amicos habuit nobiles quosque totius Europae, atque in omni doctrinae genere praestantes viros, ne ullum aut alterum eorum hoc loco commemorem, tam fausto, felici-que semper eventu, ut illum omnes, non ut summae doctrinae ac probitatis virum adamarent, sed quasi quoddam in terras delapsum Numen mirarentur. Sed grassante demum in urbe pestilentia, quum
pri-

primo quoque tempore in suos se Caphios transtulisset, & multum otii nactus esset, superatis hercle omnibus, quicumque plurimos ab hinc annos floruissent, poëtis, SYPHILIDA Petro Bembo, LEONIS X. PONT. M. tunc a Secretis, dicatam, perenni atque eo prope aeterno carmine decantavit: tanta omnium admiratione, ut quum non multos post annos Neapolim ad Jacobum Sannazarium in lucem edita deferretur, vir ille omnium nostrae & superioris aetatis disertissimus, & Virgilianae majestatis affectator egregius, atque alieni carminis laudator alioqui parcus atque amarulentus, Hippolyto Medici Cardinali, qui forte ad eum salutandum nobili eruditorum corona stipatus, atque adeo ipso Montano acri aemulo, accesserat, hunc unum esse confessus sit, a quo non Jovianus modo Pontanus, sed ipsemet quoque in Partu Virginis accurata carminis dignitate, viginti amplius annorum lima ac labore perpoliti, esset victus. Ceterum in amicitiiis alendis ac
con-

conservandis (ut pauci solent) fuit HIERONYMUS in primis diligens ac circumspectus. amabat omnes, omnium semper obsequiis, ac commodis erat intentus, ut, vel in media hieme a Christophoro Cardinale Madrutio Principe Tridentino, qui FRACASTORIUM mirifice diligebat, valetudinis causa accersitus, Tridentum magnis itineribus, semel atque iterum per abruptas convalles, proficisci non gravaretur. Eorum vero, quorum fidem benevolentiamque in se cognitam atque exploratam habebat, mutuis atque iis quidem fere semper majoribus obsequiis prosequeretur, & non viventes solum, quod magnum est, coleret, sed suam in vita functos etiam, quod praestantius est, benevolentiam, quantum in se esset, voverit testatam relinquere. id quod ex postremis illius Scriptis facile patet, quibus Turrianorum Veronensium nobilissimorum fratrum memoriam, quum eorum alterum in Dialogo de Intellectione acriter disputantem, alterum in Dialogo de Ani-

Anima multa differentem & acute percunctantem induceret, posteritati voluit commendare: Andreae porro Naugerii praealtam ingenii vim atque eloquentiam, & Joannis Jacobi Bardulonis Mantuani subtile ac valde acutum in omni philosophia ingenium, quum vel nulla, vel ea certe pauca ingenii sui monumenta reliquerint, suo de Poëtica Dialogo Joanni Baptistae Rhamnusio, tamquam veteri amico & sodali dedicato, apposite atque eleganter posteris manare definivit. Sed, quod ad FRACASTORII gloriam vel maxime pertinet, tanta, vir eximius nullius fastus appetens, & humilia haec atque terrena semper despiciens, non apud suos Veronenses, aut reliquas tantum Italiae civitates, sed in omni etiam Europa auctoritate fuit, ut ex innumerabili diversarum gentium & illustrium procerum multitudine, quae Pischeriam ad CAROLUM V. Caesarem ex Germania Mediolanum & Genuam proficiscentem, atque inde in Algerium expeditionem par-

ran-

rantem visendum convenerat, ipse quoque, qui forte sollemnis pompae die e proximis Caphiis cum jucundioribus amicis spectatum descenderat, solus demonstrante illum palam Madrutio Principe Tridentino, gressum Caesaris aestivo in Sole ac pulvere huc illuc prospectantis tenuerit. Sed postremo, quum Christianae Reipublicae, quae totius orbis Tridenti generale pridem Concilium indixerat, suam non semel operam ac fidem praestitisset, in patriam eo se animo contulit, ut, abdicata prorsus omni antiquae Medicinae opera, quaestuque, quicumque ex ea, vel amplissimus posset provenire, Aesculapio sacra facturus, laeto animo ad Musarum vireta contenderet. quo alacriore mente extremum postea vitae diem, qui exacte Christianam semper pietatem coluisset, quum gravis quotidie aetas praecipitante jam canitie properaret, feliciter clauderet. Scripsit summa ingenii fertilitate nondum senex de Stellis, Astrologiae omnis peritissimus, in
Joan-

Joannis Matthaei Giberti Episcopi Veronensis, & gratissimi Maecenatis gratiam, Librum summae eruditionis P A U L L O III. P O N T. M A X. dicatum, in quo praeter alia multa, quae de Eccentricis orbibus atque Homocentricis differit, de duobus illis praecipue motibus a Joanne Baptista Turriano inventis agit, quorum ope quum aditus ad multa eorum, quae in natura abditissima sunt, pateat, tum via ad ea sine ulla obliquitate demonstranda aperitur, quae circa stellas apparent. Scripsit de Criticis item diebus alterum, contra Galenum. Scripsit graviori aetate, ac plane senex, de Sympathia & Antipathia rerum, & Contagionibus, & Contagiosis Morbis pari ingenii splendore Libros ad Alexandrum Farnesium Cardinalem, eundem liberalissimum Maecenatem, atque inde praeclaram nominis famam latissime propagavit. novissime vero, dum duos Dialogos accurate & eleganter, de Poëtica unum, & de Intellectione alterum conscriptos in manibus

haberet, jam jam editurus, tertium de Anima, quem adversus infana non minus quam impia Pomponatii praeceptoris placita conscripserat, & Josephi historiam, quam heroico carmine fuerat aggressus, summo vate dignam, fatali morbo properante absolvere non potuit. Carmina quaedam ingenii ad majora tendentis praeludia, quae vivens publicari numquam voluit, magni tamen atque ingentis illius spiritus vim referentia exstant. Ex iis, ea praesertim, quibus Caesar Fregosius Palladis virenti olea coronatae caput, nobili gemma vel decenter caelatum, Margaritae Valesiae Navarrae Reginae, Francisci Gallorum Regis sorori, dono misit. Citriorum Epigrammata, & perennis famae Odae, tenera quadam ac praedulci ad Malfesenum suavitate decantatae, ac nusquam apud amicos repertae, ideo perierunt, quod eruditus vir, atque una tantum sciendi gloria contentus, omnem qui ex carminibus inani hercle si non ridenda antiquorum comparatione

pu-

publicatis provenit fastum ita prorsus contempsit atque despexit, ut quod plerique alii summa ope nituntur, ne illorum quidem archetypum apud se in hunc usum esse umquam pateretur. ut, haec etiam qualiacumque sunt, quae nunc in lucem emissa leguntur, non exiguo labore ac cura ab amicis hinc inde collecta, prout dispersa prius quaeque reperiebantur, in unum divinitus redacta sint. Fato functus est septuagenario major, octavo Idus Augusti MDLIII. dum pranderet, apoplexia correptus in mensa, quum nimio aestu damnatos menses, in suis Caphiis, urbe secedens, devitaret. eo quidem tranquilliore vitae excessu, quod Paullumphippum filium tanti nominis haeredem relinqueret, cum bona etiam spe praeclarae posteritatis, quando jam ex eo plures avitae indolis nepotes non semel aut iterum amplexus esset. Ferunt HIERONYMUM, dum langueret, cognito fatali morbo, post multas amicas sibi herbas in olfactum balbutiente lingua efflagitatas,

amisso penitus sermonis usu, manu fac-
pius in verticem exporrecta, iis, qui ade-
rant, innuere voluisse, ut celeriter cucur-
bitula affecto & laboranti cerebro, quo
ille peropportuno remedio se olim Vero-
nae unam Monialium Virginum Divo
Bernardino dicatarum curasse adhuc me-
minerat, subvenirent: sed, re nequaquam
a domesticis intellecta, quum alii alia ad-
hibenda tum esse remedia praedicarent,
frustra expectato remedio, leniter sub
noctem exspirasse. Illius ossa Veronam
paullo post in D. Euphemiae, honorifi-
centissimo relata funere, sunt condita: fle-
bili id carmine hujus seculi celebranti-
bus omnibus Poëtis. Aenea illius & An-
dreae Naugerii effigies scite expressa Pa-
tavii in fornice portae juxta pontem D.
Benedicti, a Patavina juventute atque uni-
verso Gymnasio salutatur: quam Joannes
Baptista Rhamnusius, supremum amici-
tiae munus persolvens, addita antiquo-
rum Arae pervetusta Dicatione ex ruinis
Salonarum urbis Dalmatiae eruta, ad stu-
dio-

diosae posteritatis solatium luculenter exornavit: ut doctissimorum hominum simulacra, qui arcta viventes inter se necessitudine conjuncti fuerant, a posteris quoque in nobilissimo terrarum orbis Gymnasio eodem in loco pariter spectarentur. Ceterum Veronenses gratissimi cives, quod ad perenne FRACASTORII decus vehementer pertinet, ne a Rhamnufio ejusdem amico, pietate in tantum civem superari paterentur, biennio postquam idem Rhamnufius Patavii aeneam FRACASTORII imaginem collocasset, iidem communi consensu, uno omnium nobilissimo decreto, marmoream Veronae statuam praeclara majorum suorum imitatione, qui Catulli Vatis, & C. Plinii, reliquorumque civium suorum memoriam marmoreis imaginibus honorare voluerunt, in publico cum laurea erigendam curarunt: quae hodie Veronae visitur in veteri Arcu lapideo urbis, prope Comitium, in Area quae Dominorum appellatur: nec procul ab eodem

Catullo , ceterisque illustrioribus civibus Veronensibus , artificio Danesii Catanei Carrariensis ex Lunensi agro , praestantissimi hujus aetatis statuarii , non minus pia quam admiranda comparatione conspicitur . Quum autem variis elogiis ab amicis sepulcrum FRACASTORII Veronae ornaretur , ADAMI FUMANI carmen omnium consensu principem locum obtinuit .



EXEM-

EXEMPLUM EX ACTIS CONSILIORUM

Magnificae Communitatis Veronae.

*Die Jovis post Nonam, XXI. Novembris, M. D. LV.
In Camera Consilii, in Consilio Duodecim, & Quin-
quaginta, praesentibus Clarissimis Rectoribus, &
Magnificis Dominis Camerariis, in vocibus Quin-
quaginta octo.*

*Pro erigenda Statua marmorea, Excellentissimo Domino
HIERONYMO FRACASTORIO Poëtae Cla-
rissimo felicitis memoriae, posita fuit Pars infra scripta,
Die XII. Instantis publicata, & nunc repetita, &
capta de Ballotis XLV. Pro, & XIII. Contra. cu-
jus tenor est, videlicet:*

EA FUIT virtus, & diversarum scientiarum co-
gnitio Excellentissimi Domini HIERONYMI
FRACASTORII Civis nostri, ut inopinata ejus mors
ingentis moeroris, & luctus causam non solum nobis,
& cunctis Italiae Civitatibus praebuerit, sed etiam
multis barbaris nationibus, ad quas tanti viri fama
pervenerat. Ille enim Philosophiae, & Medicinae pe-
ritia nostri temporis celeberrimos homines aequavit:
Humaniorum vero literarum scientia, & in primis
Poësi, sicuti multos ex veteribus, ita omnes, qui post
annos mille quingentos aliquod in eo genere scriben-

di nomen habuere, superavit. Testantur divinum illud *SYPHILIDIS*, sive *DE MORBO GALLICO*, Poëma, Heroico carmine scriptum: atque item Libri duo, nuncupati *JOSEPH*, quos morte praeventus absolvere non potuit, compluresque alii lusus Poëtici, qui nuperrime in lucem prodire. Proinde quum patres nostri eos etiam Cives suos, qui ante humani generis Redemptionem singulari quadam eruditione, ac ingenii splendore floruerunt, publicis monumentis, & imaginibus decorandos censuerint; *NOS* etiam, tantum Virum, Nobili genere ortum, tamque illustrem Poëtam, quem nos ipsi aluimus, & in patriae sinu morientem vidimus, pari honoris, & gloriae titulo defraudare non debemus: Et ideo ad propositionem Spectabilis Domini Christophori Fracastorii Provisoris Communis,

VADIT Pars, posita per Spectabiles Dominos Provissores, & Consilium Duodecim, quod majorum nostrorum exemplo, qui Catullum, Plinium, & reliquos Cives suos, qui in diversis scribendi facultatibus praestitere, ex veterum instituto marmoreis imaginibus honestare voluerunt, erigatur ipsius Domini *HIERONYMI* marmorea Statua, Poëtae habitum referens, redimitaque tempora Lauro, supra Arcum viae, Salae hujus Consilii contiguae, juxta ordinem reliquarum constituenda.

Locus Sigilli.

Angelus Zavarisius Cancell. Communis.

SE-

S E L E C T A
DOCTORUM VIRORUM
DE HIERONYMO
FRACASTORIO,
EJUSQUE SCRIPTIS
TESTIMONIA.

*Joannis Pierii Valeriani in Hieroglyphicorum Librum L.
Epistola ad Hieronymum Fracastorium.*

QUAMVIS parva admodum inter nos consuetudo fuerit, eoque secessu Olivetano Veronensis agri, quo mihi per continuum triennium frui temporum eorum permisit quies, dum tu Veronae tuis, ego ibi meis tum studiis tum negotiis incumbebamus, vix ter facultas data, ut esse una possemus; neque antea te Patavii, quo me ad Philosophiae studia contuleram, videre licuerat, quod inde paullo ante discesseras, quam ego advenissem: tua tamen te virtus ita mihi ex eo tempore conciliaverat, ut quem ob summum ingenium, summamque doctrinam plus te uno diligerem, certe neminem haberem, omnium enim voce commendationeque politissimis literis, & liberalium omnium artium studiis florebas, clarusque & celebris habebare: unde meus erga te, quem adhuc ex facie non agnoscebam, coepit cultus, qui mox cum aetate accrevit simul, majoribus scilicet in dies ad virtutem profectumque tuum additis incrementis. Ab eo vero tempore quo bella illa calamitosissima, tam aspera, tam continua, me non modo ex tranquillo eo secessu exturbaverunt, verum tota etiam patria expulerunt, quamdiu foris profugus, errabundus, inops vixi, tui semper memor, atque sollicitus fui, quod vicem etiam tuam, & bonorum omnium ingemiscebam, & ubicumque locorum cives tuos, dispersos etiam ipsos

com-

xxvi T E S T I M O N I A .

comperissem, nunc per Aligeros fratres Petrum & Ludovicum, nunc per Alithaeum, Zavarisium, Turrianos, nunc per alios amicos tuos, quos doctrinae nomine veneror, curabam ut meus erga te amor tibi fieret perspectissimus: idque officii ab aliquibus ex his mihi non indiligenter praestitum confido. Sed quoniam vel his testibus tam locupletibus mihi nondum satisfaciebam, decrevi tandem quaquam ratione possem, aliquod huiusmodi mei erga te animi signum manifestius exhibere. Igitur quum labores meos in Aegyptiorum Hieroglyphica explicanda recense-rem, pleraque id genus commentaria in amicos distribuerem, tuque non in postremis esses, plantas duas insigniores elegi, *Palmam*, & *Laurum*, easque a nostratibus longe diversas, ex Aegyptiorum quippe locis a me primum in Italiam translatas, quas tibi dono mitterem. *Palmam* quidem, ob sublime illud ingenium tuum, quod ad excelsa quaeque prospero eventu se se attollere contendit, cuius eveetus pennis toto primum caelo Epicyclos summovisti, totque priorum Astrologorum machinas demolitus, facilem & permeabilem Planetis viam complanasti. *Laurum* autem, quia tu, re optime in caelo gesta, ad infima mox terrae loca descendisti, tamquam Hercules alter triumphabundus: sed qui in superiorem orbem, non ut ille, de visceribus terrae Cerberum traxeris, qui aconitum ad mortalium perniciem evomeret, sed ab Antipodibus *SYPHILUM* illam tuam admirandi vigoris plantam asportares, quae morbis omnibus, tam cognitis, quam incognitis, praesentanea remedia, & incolumitatem efficacissime conferret. Quod vero ad plantas attinet, spero eas a te benigne suscipiendas, deque earum surculis amicitiae nostrae firmitatem colligari posse, quam diuturnam perpetuamque fore mihi persuadeo: quia meus erga te amor, cultus, & observantia, talia mihi pollicentur; tuque ut ameris ab omnibus, ingenii, doctrinaeque tuae monumenta, uno doctorum omnium ore celebrata deponunt: quorum quidem operum, studiorumque tuorum omnium felicitatem agnoscimus, & omnium posteritati celebrem & illustrem fore plurimum & ex animo gratulamur.

Il Cardinal Pietro Bembo in una Lettera al FRACASTORO, che si legge nel Libro V. del Volume III.

Che se io ho da voi altra volta ricevuto il maggiore & piu illustre dono & il piu pretioso & piu da me estimado & pregiato; che tutti gli altri doni, che io ho gia mai havuti da tutti gli

T E S T I M O N I A . xxvii

gli altri huomini, insieme non sono; Il Poema dico Latin vostro così chiaro & così raro: ec.

In un' altra che seguita immediatamente, allo stesso.

Mi rallegro con V. S. di questa così bella & honorata fatica vostra (*de Sympathia & Antipathia rerum*); la qual vedo sarà con gli altri bellissimi parti del vostro ingegno ad eterno honore del nome vostro. Et piacemi che non habbiate dimenticata la Poesia; perche siate invecchiato assai: sì come l'ho dimenticata io: che non mi ricordo quasi piu d'haver mai fatto verso alcuno. ec.

*M. Simon Fornari sopra quelle parole dell' Ariosto
nella Stanza XV. dell'ultimo libro dell'Orlando:*

Io veggo il FRACASTORO.

GIROLAMO FRACASTORO Veronese, medico, e poeta, e scrittor d'Astrologia in prosa, ma ne' versi a nostri tempi raro, ed incomparabile.

*Lilius Gregorius Gyraldus Dialogo I.
de Poëtis suorum temporum.*

Ejusdem est facultatis (*idest medicus*) HIERONYMUS FRACASTORIUS Veronensis, qui de MORBO GALLICO, ut vulgo dicimus, ipse a barbara voce SYPHILIDA vocat, Libellos tres, ad Petrum Benibum habet in manus, in quibus quum antiquos consecratur poëtas, tum praecipue Pontanum, quem celebrat, aemulatur, egregius certe in confingendis fabulis. apta illi carminis structura: in ea tamen quaedam praelicenter dicta, quae nostri instituti non sunt, ut colligam: leguntur & alia plura ejusdem FRACASTORII quae a doctis probantur.

xxviii T E S T I M O N I A.

Jovita Rapicius Libro V. de Numero Oratorio.

At enim, dicat aliquis, desuetudinem ipsam hujus rhythmī, & diuturnam apud multos rei hujus ignorantiam, desperationem afferre posse. At mehercule Pontani Urania, & Horti Hesperidum: FRACASTORII SYPHILIS, & Synceri de Virginiis Partu libri, & pauca Andreae Naugerii, pauca item COTTAE poemata facile declarant, non esse desperandum, quin intermissa, & diu desueta in consuetudinem revocari aliquando possint. quum enim poematum recte scribendorum ratio diu latuisset; & malos versificatores Latini plurimos, Poëtam nullum haberent, hi quasi de Caelo demissi sunt, qui desitae, & prope obsoletae artis observatione, pertinaci bonorum imitandorum studio, multaque, & jugi exercitatione tantum profecerunt, ut cum antiquis Poëtis conferri jure possint. itaque horum poemata, ut primum perspecta sunt, quasi quaedam Phidiae signa, statim ab omnibus ita sunt probata, ut artem poëticam, quam prius quasi sopitam, ac jam prope extinctam, lugebamus, eam nunc tantorum, & tam excellentium virorum ingenio, & arte suscitaram gaudeamus. &c.

*M. Antonius Flaminius Paraphrasi in Duodecimum
Aristotelis Librum de Prima Philosophia,
pag. 45. Edit. Parisiensis.*

Haec praefatus Aristoteles ad explicandas opiniones Eudoxi, & Callippi de numero Sphaerarum aggreditur, summam totius rei breviter exponens, quod earum rerum tractatio diligens ad Astrologiae potius, quam Primae Philosophiae munus spectare videatur: quamobrem nec nos quidem in iis explanandis quidquam commorati sumus, quum praesertim sciremus, HIERONYMUM FRACASTORIUM hanc partem eleganter, & enucleate interpretatum esse in suis Homocentricis, quem Librum ille hoc anno misit ad PAULUM III. PONT. MAX. Etenim quum Hipparchus, & qui secuti sunt eum, naturalem Astrologiae cum Philosophia societatem diremissent, easque disciplinas interpositis nescio quibus circulis commenticiis & fictis ita distraxissent, ut nulla amplius ratione coire posse viderentur, exstitit aliquando Joannes Baptista Turrianus eximium seculi nostri decus, qui duarum gravissimarum artium dif-

diffensionem, ac dissidium molestissime ferret: itaque magnitudi-
ne fretus ingenii, & doctrinae, quibus rebus, ut ceteris omni-
bus virtutibus, mirabiliter florebat, instituerat eas reconcilia-
re, atque ad pristinam revocare concordiam: jamque hujus pul-
cherrimi conatus praeclara fundamenta jecerat, quum subito
ecce vis mortifera morbi hominem immortalitate dignum inva-
sit, qua ille consumtus ad ea sidera migravit, quae dies ac no-
ctes cogitatione peragrabat, Italiam sua clarissima luce orba-
tam, & gravissimo moerore confectam relinquens. Agendae sunt
igitur immortales gratiae HIERONYMO, FRACASTO-
RIO, viro omni liberali doctrina politissimo atque perfecto,
qui, quum a Turriano homine sibi amicissimo nonnulla semina
ejus disputationis accepisset, ex iis pulcherrimos atque uberri-
mos foetus propagavit, edito Libro divino & plane caelesti, in
quo eorum omnium, quae in cursibus stellarum admirabilia, &
quasi contra rationem accidere videntur in caelo, tam luculen-
te, tamque subtiliter causas persecutus est omnes, ut ex iis lo-
cis venisse, non ut eas ipse reperisse videatur, ita omnia quasi
ante oculos ponit, ita nihil usquam occurrit, quod cum physicis
rationibus, & principiis, ac progressionibus naturae non mira-
biliter consentiat. Itaque magni hujus viri admirabile inge-
nium, & excellentissima doctrina Astrologiae, Philosophiaeque
disciplinas multa jam secula graves inimicitias inter se gerentes
felicissime reconciliavit, easque tam arcto necessitudinis vinculo
conglutinavit, ut nullius ingenii calliditas umquam futura sit
tanta, quae possit amplius earum amicitiam dissociare. Quocir-
ca si sententias Eudoxi, & Callippi. atque iis etiam longe melio-
ra de numero globorum caelestium, deque disparibus eorum
motionibus intelligere aveas, ostendimus tibi fontem, unde pos-
sis uberrimam omnium earum rerum haurire scientiam, & ho-
nestissimam sitim admirabili cum voluptate restinguere.

*Bernardinus Parthenius de Poëtica Imitatione Libro II,
inducens Triphonem Cabrielium cum Trissino, &
Manutio loquentem, judiciumque de qui-
busdam sui aevi Poëtis ferentem.*

De FRACASTORIO, ut de illo etiam quaeramus, quid,
inquit Trissinus, statuemus? video enim nostrorum Poëtarum illum
principem locum omnium consensu facile obtinere, altiusque
quam ceteri evolare. Ornatissimus politissimusque is est, respon-
dit

XXX T E S T I M O N I A .

dit Tripho : in fabulis fingendis excellit, natura sublimis. Quod ut variis carminum generibus, atque argumentis probarit, nusquam tamen dilucidius, ac planius quam in SYPHILI. Illo enim Poëmate tum ingenii sui vim, scribendique judicium praefert, tum quantum imitatio, ac diligentia possit, non obscure demonstrat. Nihil illo, ut semel dicam, absolutius. De reliquis hujus Poëtae scriptis aliis statuendum relinquimus.

Idem pagina 26. Orationis pro Lingua Latina.

Sed praeter ceteros omnes, qui nostra recordatione in hac facultate praestitere, primas FRACASTORIO deferamus, qui tam reconditum argumentum, tam in Poëtarum literis inauditum ea copia ac felicitate potuit tractare. divinum ingenium, quo auctore Medicina tantum sit consecuta. palam ille nihil esse in rebus humanis indicavit, quod in mentem hominum cogitationemque existimetur venire, ne idem felicissime, si tentemus, dicendo adipiscamur.

Onuphrius Panvinus Antiquitatum Veronensium Libro VI.

Bonarum artium, & omnis doctrinae, urbisque nostrae splendidissimum lumen nostro seculo fuit HIERONYMUS FRACASTORIUS, nobilissimus Civis, Philosophus, Medicus, & Poëta omnium, qui post Caesaris Augusti tempora umquam toto terrarum orbe omnium consensu fuerint, procul dubio maximus. Hic multa elegantissime accuratissimeque conscripsit, in quibus principem locum SYPHILIS, idest libri tres, quos de MORBO GALLICO heroicis versibus ad Petrum Bembum divine edidit, tenent. Quibus nihil divinius aut elaboratius ne a Virgilio quidem ipso fieri potuisse existimo. Edidit praeterea Comoediam, cui titulus Joseph.

Homocentrica, & de causis Criticorum dierum per ea quae in nobis sunt.

De Sympathia, & Antipathia lib. I.

De Contagione & contagiosis morbis, eorumque curatione Lib. III.

Alconem, five de cura canum venaticorum, carmine.

Obiit eximius vir superioribus annis Veronae, repentino morbo, non sine maxima literarum jactura, oppressus, cui ex S. G. statua in foro cum reliquis illustribus Veronensibus erecta

T E S T I M O N I A. XXXi

ta est, ejus imagine ad vivum expressa cum hoc quod ego edidi Elogio:

HIER. FRACASTORIO

PAVLI. PHILIPPI. F

EX. PVBLICA. AVCTORITATE

ANNO. CIO DLIX

2. Marius Corradus Libro XIII. de Lingua Latina.

Luferunt alia doctissimi viri, Pontanus, Castilio, Varchius, Jo. Baptista Arcucius, COTTA, Naugerius, FRACASTORIIUS, Amaltheus, Marullus, Gambara, Fascitellus; quorum tamen scriptis non minus, quam Virgilii, Horatii, aliorumque veterum, posteritas omnis adjuvabitur.

*Julius Caesar Scaliger Poëtices Libro VI.
qui & Hypercriticus.*

Ad HIERONYMUM FRACASTORIUM tandem aliquando deventum est: in quo quum nihil soleam desiderare, admirationi potius erit locus, quam castigationi. Quamquam ne superiores quidem Operae tamquam censoris accipiendae sunt, sed quasi vestigatoris. Hoc unum agimus, ut Poëta noster ad maxima quaeque se se accingat: quae si ego in aliorum animadversionibus non sum assequutus, at excitarim saltem nobiles animos ad expeditam illam perfectionem. Divinum igitur Poëma quum sit ejus SYPHILIS, quid agendum sit nobis, si ab sua ipse magnitudine discessisse credi potest aliquando? &c.

*Joannes Matthaeus Toscanus Pepli Italiae
Lib. III. pag. 73.*

Nullum, qui FRACASTORIO Veronensi propius ad Maronis majestatem accesserit, Poëtam Italia umquam protulit. Medicum etiam eum ac Philosophum fuisse illustrem, una cum poëmatis publicata Opera declarant.

Ja-

xxxii T E S T I M O N I A .

Jacobus Augustus Thuanus ad annum 1553.

HIERONYMUS FRACASTORIUS ad exactam Philosophiae & Mathematicarum Artium, ac praecipue Astronomiae (quam & doctissimis scriptis illustravit) cognitionem, summum judicium & admirabile ingenium attulit: quo multa ab antiquis aut ignorata, aut secus accepta adinvenit, & explicavit. Et Medicinam, ut honestissime ac citra lucrum, ita felicissime fecit. Poëticam vero ita excoluit, ut ad Virgilianam Majestatem proxime accessisse eum faterentur aemuli: & in iis Jacobus Sannazarius, alioqui parvus & amarulentus alienae eruditionis laudator, qui, visa ejus SYPHILIDE, non solum Joannem Jovianum Pontanum, sed se quoque ipsum in Opere accurata xx. annorum lima perpolito victum exclamavit. Ei certe hujus seculi ingens miraculum Julius Caesar Scaliger, tamquam illarum quas dixi, Scientiarum & Poëtices summum fastigium consecuto, *Aras* erexit.

*Thomas Bartholinus Dissertatione de
Medicis Poëtis pag. 131.*

HIERONYMUS FRACASTORIUS Veronensis [caput inter Medicos extulit, & praeter alia cedro dignissima Scripta, de MORBO GALLICO, seu SYPHILIDE Libros tres, Petro Bembo inscriptos heroicis versibus concinnavit, qui cum veterum majestate certare valent. Vitam hujus vide apud Joannem Neandrum Syntag. de Med. Orig. pag. 164. Scripsit etiam de cura Canum Venaticorum heroico stylo, cujus titulus est Alcon.



T R E L E T T E R E D I

M. PIETRO BEMBO

A M.

GIROLAMO FRACASTORO,

APPARTENENTI AL POEMA

DELLA SIFILIDE;

che si leggono nel Libro V. del Volume III.

L E T T E R A P R I M A.

MOLTO volentieri ho ricevuto il vostro Poema datomi da M. Leonico insieme con le vostre lettere: & molto di buona voglia & con sommo piacer mio l'ho veduto. Et come che altra volta un' altro effempio di lui toltovi nascosamente mi venisse veduto due o tre anni sono: pure con quella avidità, che harei fatto, se mai veduto non l'havessi; o forse per-aventura con piu, essendomi esso a quella volta piaciuto grandemente, & percio estimando sì come piu emendato mi dovesse etiandio piu piacere quest' altra; io l'ho hora & letto & riletto piu fiate, & ciascuna piu volentieri in tanto; che non ho veduto, ne voluto vedere altro alquanti giorni. Per la qual cosa mi pare potervi dire sicuramente; che egli è di molto maggior prezzo, che voi nol fate nelle vostre lettere: Et che

d

a giu-

xxxiv TESTIMONIA.

a giudicio mio egli è così bella Operetta, & eosì poetica, & così da ogni sua parte ben condotta, & così cara; come altra, che a questo nostro secolo in luce venuta sia. Direi un poco piu oltra: se non fosse, che io ci ho per vostra gratia & per vostra somma cortesia troppa parte. Il primo libro ha molte cose belle anzi tutte & parmi che scrivate in verso cose tolte di mezzo la Philosophia molto poeticamente & molto piu gratiosamente, che non fa Lucretio molte delle sue. Et primieramente bellissima particella è quella, nella quale parlate a me, & tanto bene disposta & ornata; che io non saprei disiderar piu da Virgilio. Et certo, che io non dico piu, di quello, che io stimo. Vedete per questo, quanto è quello, che io vi debbo di tanto & sì honorato & raro & caro dono. Nel quale tuttavia due altre volte vi ricordate di me nel secondo libro: con una delle quali chiudete & finite l'Opera. Bellissima m'è anchor paruta tutta quella parte, che incomincia, Quare age &c. infino a quel verso, Ergo si & nostra &c. Ma del primo libro sopra tutto mirabile è la lamentatione, che fate nel fine, ben ricca & piena di quella copia & abbondanza & vaghezza Virgiliana; che cotanto fa maravigliare, chiunque il legge: & in questa la morte di M. Marco Antonio, & ultimamente quelli cinque versi, Illa tempestate: che mi fan credere, che l'Anima di Virgilio ve gli habbia dettati. Il secondo libro veramente è tutto dall'un capo all'altro leggiadrissimo; & pieno di figure Virgiliane & di vaghezza infinita, forse in qualche parte per cagione della novità delle cose, che vi sono, & per

T E S T I M O N I A . XXXV

& per la varietà delle herbe & medicine , che vi si raccontano: nelle descriptioni delle quali di gran lunga superate la aspettation mia , & credo supererete quella di ciascuno altro . In questo libro la favola del legno non potria esser meglio pensata , ne starci piu propriamente di quello , che ella vi sta , ne in piu atto luogo posta . Ora per sodisfare non solamente a voi , che di cio mi pregate; ma ancora a me stesso , per la parte , che havete voluto che io ci habbia; ho in questa leggiadrissima Operetta notate quelle cose , che harei fatto , se io stesso l'havessi composta , & con quello amore medesimo . Le quali saranno aggiunte con questa lettera; & haveranno insieme le correctioni , che io v' ho pensate sopra . Le quali non voglio che vagliano appo voi , se non in quanto possiate vedere a qual parte pieghi il mio o desiderio o giudicio . Voi poscia togliendo da me solo lo havervene avertito , rassetterete quanto vi parrà da rassettare , con miglior lima , che non è questa mia gia logora & inrugginita : & per niente non mi crediate piu che vi bisogni . D' alcune altre cose ho ragionato con M. Francesco della Torre : che sia il renditor di queste : a cui mi rimetto . Le gratie , che io v' ho a rendere io le riserbo a raccogliere in altro tempo . Hora state sano ; & tenetemi tanto per vostro , quanto è interamente tutto quello , che io sono .

A XXVI. di Novembre MDXXV.

Di Padova .

L E T T E R A S E C O N D A .

RICEVUTA hieri la vostra lettera in risposta della mia sopra i due libri vostri: & veduta quella parte di lei, dove dite aver pensato di lasciarne detti libri la favola dell'argento vivo, & giugnere un altro libro agli due; non mi sono potuto tenere di scrivervi da capo & pregarvi, che non vogliate entrare in questa fatica; la quale io non solamente stimo soverchia, ma oltre accio anchora dannosa. Percio che quando ben faceste che i libri fossero quattro, non che tre; io per me non vi concederei mai, che il fingere due favole in essi così da ogni loro parte nuove & da niuna antica pendenti fosse altro che non ben considerato abbastanza. Dove quella del legno mi sodisfa & empie l'animo maravigliosamente. Senza che per essere il legno cosa nuova, ella vi sta piu propriamente; che non fa quella dello argento, che è cosa trita & ad ognuno familiare, come sapete. Che dove dite che Virgilio fa digressioni ne suoi poemi: vi rispondo, che ancho voi ne fate in questi libri tante, che è bene assai. Benchè altro è digressione, & altro favola del tutto nuova. Anzi Virgilio stesso quando fa la favola d'Aristeo, non la finge tutta da se, ma la trahè & toglie dalle antiche. Di Pindaro non potete trar buono effempio; che è poeta Lirico & Ditirambico: il quale però in tutte le sue opere così diverse non ne finge di nuove, se non due. Del Pontano non parlo. Del quale se io havessi ad imitar cosa alcuna, vorrei imitar di lui le virtù,

tù, & non i vitii. Questo finger le favole in esso è così vitioso; che per questo non si può leggere alcuno de suoi poemi senza stomacho. Oltra che la favola vostra dell' argento; quando ancho vi si concedesse che ella non fosse soverchia; per la infinita imitatione che essa ha di quella di Virgilio non mi piace per se in niun modo. Torno per tanto a dirvi che a me pare che vogliate pigliar fatica a danno vostro. Ne io saprei lodare, anchora se la favola non fosse in consideratione, cotesto vostro pensiero di farne tre libri; quando la qualità della materia del Poema è così compiutamente da ogni sua parte fornita in due; che tutto quello che vi si arrogherà, non potrà essere altro, che portare acqua alla fonte. Contentatevi M. GIROLAMO mio di quello, che fatto avete; che vi prometto che avete fatto assai. Et non vogliate essere voi di quelli pintori; che non fanno levar le mani dalle loro opere. I due libri sono pieni, sono abondevoli di modo; che niente pare che vi manchi, o disiderar vi si possa. Ne per tutto cio dalla favola dell' argento in fuori, v'è pure un verso non dico soverchio, ma solamente otioso. Se vi lascierete la favola, & oltre accio vi giugnerete altre cose; non potrete a giudicio mio porvi giamai tanta fatica & tanto studio; che non sia per parere a dotti & giudiciosi huomini, che habiate voluto far troppo. In somma per nessuna conditio-
ne posso io impetrar da me il concedervi, che quella favola non meriti esser tolta di quei libri. Se io dico per-
avventura piu di quello, che a modesto amico si converrebbe; l'amore che io porto a quella Opera, & l'obbligo
che

xxxviii T E S T I M O N I A.

che io ve n' ho, mi fa così parlare. Ho sopratenuto questa lettera per parlarne prima con M. Leonico, & vederne il parer suo. Il quale è in tutto di questa medesima openione & giudicio: & così a nome suo anchora vi scrivo, quanto è scritto qui sopra. State sano.

*A V. di Gennajo MDXXVI.
Di Padova.*

L E T T E R A T E R Z A.

HO RICEVUTO il bello & grande & singolar dono del vostro Poema Heroico del Mal France-
se, Honorato M. GIROLAMO mio: il qual dono m'è piu caro stato; che veruno altro, che io habbia giamai per tutto'l tempo della mia vita ricevuto o dal favore della fortuna, o dalla benivolenza de gli huomini. Hollo veduto & riveduto con tanto piacer mio; con quanto deuea vedere & frutto del vostro ingegno & della vostra dottrina; & libri, che manderanno innanzi insieme col vostro la memoria del mio nome, a cui sono indirizzati, quanto la latina lingua durerà, con illustre & honoratissimo testimonio & del vostro di me giudicio, & dell' amore che mi portate: de quali due non saprei dire qual piu dolce & piu soave mi sia, o di cui far da me si debba maggiore stima. Vi renderei di cotanta vostra cortesia gratie: se io parole trovar potessi, che bastassero a cio fare convenevolmente. Percio che a pensar di rispondervi con alcun dono, & come si suol dir di remunerarvi; io forza ne ardire non ho. Riserberò adunque & scriverò nel mio
ani-

T E S T I M O N I A. XXXIX

animo assai capace & a ricevere & a rispondere altrui con amore, tutto questo così alto & puro debito che io vi tengo: & pregherò il Cielo, che vi doni vita & prosperità convenevole alla vostra virtù. State sano.

A gli otto d' Ottobre MDXXX.

Di Padova.

I D E M B E M B U S

Historiae Venetae Libro III. pag. 97. Editionis Venetae novissimae. Ad annum M.CCCCXCVI.

JAmque in Urbe advenarum contagione, infectio-
neque fiderum, morbus peratrox initium accepe-
rat is, qui est *GALLICUS* appellatus: quo genita-
libus ante omnia plerumque vitiatis, corpus dolori-
bus afficiebatur, deinde pustulae maculaeque prodi-
bant quum in membris reliquis, tum magnopere in
capite facieque: ac saepe tumores, & tamquam tube-
ra primum subdura, post etiam saniosa exoriebantur.
itaque multi diu vexati membrorum prope omnium
doloribus, deformatique tuberculis, & ulceribus,
ut vix agnoscerentur, miserabiliter interibant. neque
quorum medicamentorum pestilentia indigeret nova
insolensque, sciri poterat. quamobrem annos com-
plures omnibus in Reipublicae municipiis & finibus
licenter pervagata, magnum hominum numerum ab-
sumsit, foedavit multo maximum. Sed quoniam eo
de Morbo *FRACASTORIANI* Libri Tres heroicis
versibus multa cum dignitate venustateque conscripti
vul-

XL TESTIMONIA.

vulgo in manibus habentur, nihil nos quidem attinet haec scribentes commorari, praesertim quod ejus acerbitas & vis multo nunc jam remissior tolerabiliorque facta, vel inventis ad ea mala perfugiis opibusque, vel caelo minus in dies saeviente, plane deferbuit.



HIERONYMI
FRACASTORII

VERONENSIS

SYPHILIDIS;

SIVE DE

MORBO GALLICO

LIBRI TRES,

AD

PETRUM BEMBUM.

HIERONYMI
 FRACASTORII
 SYPHILIDIS,
 SIVE DE
 MORBO GALLICO
 AD PETRUM BEMBUM,
 LIBER I.



QUI casus rerum varii, quae semina
 morbum

Infuetum, nec longa ulli per secula
 visum

Attulerint: nostra qui tempestate per
 omnem

Europam, partimque Asiae, Libyaeque per urbes
 Saeviit: in Latium vero per tristia bella 5

Gallorum irrupit, nomenque a gente recepit:

Necnon & quae cura, & opis quid comperit usus,

Magnaue in angustis hominum solertia rebus,

Et monstrata Deum auxilia, & data munera Caeli

Hinc canere, & longe secreta quaerere causas 10

Aëra per liquidum, & vasti per sidera Olympi

Incipiam: dulci quando novitatis amore

Correptum, placidi Naturae suavibus horti
Floribus invitant, & amantes mira Camoenae.

BEMBE, decus clarum Aufoniae, si forte vacare 15
Consultis LEO te a magnis paullisper, & alta
Rerum mole finit, totum qua sustinet orbem:
Et juvat ad dulces paullum secedere Musas:
Ne nostros contemne orsus, medicumque laborem,
Quidquid id est. Deus haec quondam dignatus Apollo est:
Et parvis quoque rebus inest sua saepe voluptas.
Scilicet hac tenui rerum sub imagine multum
Naturae, fatigue subest, & grandis origo.

Tu mihi, quae rerum causas, quae sidera noscis,
Et caeli effectus varios, atque aëris oras, 25
Uranie, (sic dum puro spatiaris Olympo,
Metirisque vagi lucentes aetheris ignes,
Concentu tibi divino cita sidera plaudant)
Ipsa ades, & mecum placidas, Dea, lude per umbras,
Dum tenues auras, dum myrtea silva canenti 30
Aspirat, resonatque cavis Benacus ab antris.
Dic, Dea, quae causae nobis post secula tanta
Insolitam peperere luem? num tempore ab illo
Vesta mari occiduo nostrum pervenit in orbem,
Ex quo lecta manus solvens de litore Ibero 35
Ausu fretum tentare, vagique incognita ponti est
Aequora, & orbe alio positas perquirere terras?
Illic namque ferunt aeterna labe per omnes
Id morbi regnare urbes, passimque vagari
Perpetuo caeli vitio, atque ignoscere paucis. 40
Commercine igitur causa accessisse putandum est
Delatam contagem ad nos, quae parva sub ipsis
Prin-

Principiis, mox & vires & pabula sensim
 Suscipiens, se se in terras diffuderit omnes?
 Ut saepe in stipulas cecidit quum forte favilla 45
 De face, neglectam pastor quam liquit in arvo,
 Illa quidem tenuis primum, similisque moranti
 Incedit: mox, ut paullatim increvit eundo,
 Tollitur, & victrix messem populatur & agros,
 Vicinumque nemus, flammisque sub aethera jactat. 50
 Dat sonitum longe crepitans Jovis avia silva,
 Et caelum late circum, campique relucet.

At vero, si rite fidem observata merentur,
 Non ita censendum: nec certe credere par est
 Esse peregrinam nobis, transque aequora vectam 55
 Contagem: quoniam in primis ostendere multos
 Possumus, attactu qui nullius hanc tamen ipsam
 Sponte sua sensere luem, primique tulere.
 Praeterea & tantum terrarum tempore parvo
 Contages non una simul potuisset obire. 60
 Aspice per Latii populos, quique herbida Sagrae
 Pascua, & Ausonios saltus, & Iapygis orae
 Arva colunt: spectata, Tyberis qua labitur, & qua
 Eridanus centum fluviis comitatus in aequor,
 Centum urbes rigat, & placidis interfluit undis: 65
 Uno nonne vides ut tempore pestis in omnes
 Saeviit? ut sortem pariter transegimus unam?
 Quinetiam externos eadem per tempora primum
 Excepisse ferunt: nec eam cognovit Ibera
 Gens prius, ignotum quae scindere puppibus aequor 70
 Ausa fuit, quam quos disternat alta Pyrene,
 Atque freta, atque Alpes cingunt, Rhenuisque bicornis:

Quam reliqui, quos lata tenet gelida ora sub Arcto.
 Tempore non alio, Poeni, sensistis, & omnes
 Qui laetam Aegyptum metitis, foecundaque Nilo 75
 Arva, & palmiferae silvas tondetis Idumes.

Quae quum sic habeant se se, nempe altius isti
 Principium labi, rerumque latentior ordo,
 (Ni fallor) graviorque subest, & major origo.

Principio quaeque in terris, quaeque aethere in alto
 Atque mari in magno Natura educit in auras,
 Cuncta quidem nec forte una, nec legibus iisdem
 Proveniunt, sed enim, quorum primordia constant
 E paucis, crebro ac passim pars magna creantur:
 Rarius ast alia apparent, & non nisi certis 85
 Temporibusve, locisve, quibus violentior ortus,
 Et longe sita principia: ac nonnulla prius, quam
 Erumpant tenebris & opaco carcere noctis,
 Mille trahunt annos, spatiosaque secula poscunt.
 Tanta vi coeunt genitalia semina in unum. 90

Ergo & morborum quoniam non omnibus una
 Nascendi est ratio, facilis pars maxima visu est,
 Et faciles ortus habet, & primordia praesto.
 Rarius emergunt alii, & post tempore longo
 Difficiles causas, & inextricabile fatum, 95
 Et sero potuere altas superare tenebras.

Sic elephas facer Ausoniis incognitus oris,
 Sic lichen latuere diu, quibus incola Nili
 Gens tantum, regioque omnis vicina laborat.

De genere hoc est dira lues, quae nuper in auras 100
 Exiit, & tandem se se caligine ab atra
 Exemit, durosque ortus, & vincula rupit.

Quam

Quam tamen (aeternum quoniam dilabitur aevum)
Non semel in terris visam, sed saepe fuisse
Ducendum est, quamquam nobis nec nomine nota 105
Haecenus illa fuit: quoniam longaeva vetustas
Cuncta situ involvens, & res, & nomina delet:
Nec monumenta patrum feri videre nepotes.

Oceano tamen in magno sub Sole cadente,
Qua misera inventum nuper gens accolit Orbem, 110
Passim oritur, nullisque locis non cognita vulgo est.
Usque adeo rerum causae, atque exordia prima
Et caelo variare, & longo tempore possunt.
Quodque illic fert sponte aër, & idonea tellus,
Huc tandem annorum nobis longa attulit aetas. 115
Cujus forte suo si cunctas ordine causas
Nosse cupis, magni primum circumspice mundi
Quantum hoc infecit vitium, quot adiverit urbes.
Quumque animadvertas tam vastae femina labis
Esse nec in terrae gremio, nec in aequore posse, 120
Haud dubie tecum statuas reputesque, necesse est,
Principium, sedemque mali consistere in ipso
Aëre, qui terras circum diffunditur omnes,
Qui nobis se se insinuat per corpora ubique,
Suetus & has generi viventium immittere pestes. 125
Aër quippe pater rerum est, & originis auctor.
Idem saepe graves morbos mortalibus affert,
Multimode natus tabescere corpore molli,
Et facile affectus capere, atque inferre receptos.
Nunc vero, quoniam ille modo contagia traxit, 130
Accipe: quid mutare queant labentia secla.

In primis tum Sol rutilus, tum sidera cuncta

Tellurem, liquidasque auras, atque aequora ponti
Immutant, agitantque: utque ipso sidera caelo
Mutavere vicem, & sedes liquere priores, 135
Sic elementa modis variis se grandia vertunt.
Aspice, ut, hibernus rapidos ubi flexit in Austrum
Phoebus equos, nostrumque videt depressior orbem,
Bruma riger, duratque gelu, spargitque pruina
Tellurem, & gelida glacie vaga flumina sistit. 140
Idem, ubi nos Cancro propior spectavit ab alto,
Urit agros, arent nemora, & sitientia prata,
Siccaque pulvereis aestas squallescit in arvis.
Nec dubium, quin & noctis nitor, aurea Luna,
Cui maria alta, omnis cui rerum obtemperat humor: 145
Quin & Saturni grave fidus, & aequior orbi
Stella Jovis: quin pulchra Venusque, & Martius ignis,
Ac reliqua astra etiam mutant elementa, trahantque
Perpetuum, & late magnos dent undique motus:
Praecipue sedem si quando plurima in unam 150
Convenere, suo vel multum devia cursu
Longe alias tenuere vias. haec scilicet annis
Pluribus, & rapidi post multa volumina caeli
Eveniunt, Diis fata modis volventibus istis.
Ut vero evenisse datum est, numerumque diesque 155
Exegere suos, praefixaque tempora fatis,
Proh quanta aërios tractus, falsa aequora quanta,
Telluremque manent! alibi quippe omnia late
Cogentur spatia in nubes, caelum imbribus omne
Solvetur, summisque voluti montibus amnes 160
Praecipites secum silvas, secum aspera saxa,
Secum armenta trahent: medius pater impete magno
Aut

Aut Padus, aut Ganges super & nemora alta, domosque
Turbidus, aequabit pelago freta lata sonante.

Aestates alibi magnae condentur, & ipsae 165
Flumina speluncis flebunt arentia Nymphae.

Aut venti cuncta invertent, aut obice clausi
Excutient tellurem imam, & cum turribus urbes.

Forſitan & tempus veniet, poſcentibus olim
Natura, fatiſque Deum, quum non modo tellus 179

Nunc culta, aut obducta mari, aut deſerta jacebit,
Verum etiam Sol ipſe novum (quis credere poſſit?)

Curret iter, ſua nec per tempora diffluēt annus.

Aſt inſueti aeſtus, inſuetaque frigora mundo
Inſurgent, & certa dies animalia terris 175

Monſtrabit nova, naſcentur pecudesque feraeque
Sponte ſua, primaque animas ab origine ſument.

Forſitan & majora audens producere tellus

Coeumque, Enceladumque feret, magnumque Typhoëa,
Auſuros patrio Superos detrudere Caelo, 180

Convulſumque Oſan nemoroſo imponere Olympo:

Quae quum perſpicias, nihil eſt, cur tempore certo
Admirere novis magnum marceſcere morbis

Aëra, contagiesque novas viventibus aegris

Sidere ſub certo fieri, & per ſecula longa. 185

Bis centum fluxere anni, quum flammea Marte
Lumina Saturno triſti immiſcente, per omnes

Aurorae populos, per quae rigat aequora Ganges,

Inſolita exarſit febris, quae pectore anhelō

Sanguineum ſputum exagitans (miſerabile viſu) 190

Quarta luce frequens fato perdebat acerbo.

Illa eadem Aſſyriae gentes, & Perſidos, & quae

Eu

Euphratem, Tigrimque bibunt, post tempore parvo
 Corripuit, diteſque Arabas, mollemque Canopum:
 Inde Phrygas, inde & miſerum trans aequora vecta 195
 Infecit Latium, atque Europa faeviit omni.

Ergo age jam mecum, ſemper ſe ſe aethera circum
 Volventem, Superûmque domos, ardentiaque aſtra
 Contemplare, animumque agitans per cuncta, require,
 Quis ſtatus illorum fuerit, quae ſigna dedere 200
 Sidera, quid noſtris caelum portenderit annis:

Hinc etenim tibi forte novae contagis origo
 Omnis, & eventus tanti via prima pateſcet.
 Aſpice, candentes magni qua Cancer Olympi
 Excubat ante fores, & brachia pandit aperta. 205

Hinc dirae facies, hinc ſe diverſa malorum
 Oſtendent portenta: una hac ſub parte videbis
 Magna coiſſe ſimul radiis ardentibus aſtra,
 Et conjuratas ſparſiſſe per aëra flammas:
 Flammas, quas longe tumulo Sirenis ab alto 210

Proſpiciens ſenior Vates, quem dia per omnes
 Caelicolûmque domos duxit, docuitque futura
 Uranie: miſeras, inquit, defendite terras,
 O Superi; inſolitam video per inania ferri
 Illuviem, & magnos caeli tabeſcere tractus. 215

Bella etiam Europae miſerae, bella impia, & agros
 Auſoniae paſſim currentes ſanguine cerno.
 Dixit, & illa etiam ſcriptis ventura notavit.

Mos Superûm eſt, ubi ſecula vagus Sol certa peregit,
 Ab Jove decerni fata, & cuncta ordine pandi, 220
 Quaecumque eventura manent terrasque, polumque.
 Quod tempus quum jam noſtris venientibus annis

In-

Instaret, rerum summus fator, & Superûm Rex
 Jupiter acciri socios in rebus agendis
 Saturnum, Martemque jubet: bipotentia Cancer 225
 Limina portarum referat, Diisque atria pandit.
 Conveniunt, quibus est fatorum cura gerenda.
 Impiger ante alios flammis ferroque coruscans
 Bellipotens Mavors, animis cui praelia & arma,
 Vindictaeque manent, & ovantes sanguine caedes. 230
 Post placidus curru invectus rex Jupiter aureo
 Insequitur (ni fata obstant) pater omnibus aequus.
 Postremus, longaue via tardatus & annis
 Falcifer accedit Senior, qui haud immemor irae
 In Natum veteris, Nato & parere recusans, 235
 Saepe etiam cessit retro, & vestigia torfit,
 Multa minans, multumque animo indignatus iniquo.
 Jupiter at folio ex alto, quo se solet uno
 Tollere, percenset fata, & ventura resolvit,
 Multum infelicis miserans incommoda terrae, 240
 Bellaque, fortunasque virûm, casuraque rerum
 Imperia, & praedas, adaperataque limina morti:
 In primis ignota novi contagia morbi:
 Morbi, qui humanae nulla mansuescat opis vi.
 Absensere Dei reliqui: concussus Olympus 245
 Intremuit, tactusque novis defluxibus aether.
 Paullatim aërii tractus, & inania lata
 Accepere luem, vacuasque insuetus in auras
 Marcor iit, caelumque tulit contagia in omne.
 Sive quod ardenti tot concurrentibus astris 250
 Cum Sole, e pelago multos terraue vapores
 Traxerit ignea vis, qui misti tenuibus auris

Cor-

Correptique novo vitio, contagia visu
 Perrara attulerint: aliud five aethere ab alto
 Demissum late aërias corruperit oras. 255

Quamquam animi haud fallor, quid agat, quove
 ordine caelum,

Dicere, & in cunctis certas perquirere causas
 Difficile esse: adeo interdum per tempora longa
 Effectus trahit, interdum (quod fallere possit)
 Miscentur fors, & varii per singula casus. 260

Nunc age non id te lateat, super omnia miram
 Naturam, & longe variam contagibus esse.
 Solis nam saepe arboribus fit noxius aër,
 Et tenerum germen, florumque infecit honorem:
 Interdum segetem, & fata laeta, annique labores 265
 Corripuit, scabraque ussit rubigine culmos,
 Et vitiata parens produxit semina tellus.

Interdum poenas animalia sola dedere,
 Aut multa, aut certa ex ipsis. memini ipse malignam
 Luxuriem vidisse anni, multoque madentem 270

Autumnum perflatum Austro, quo protinus omne
 Caprigenum pecus e cunctis animantibus unum
 Corruit. a stabulis laetas ad pabula pastor
 Ducebat: tum forte, alta securus in umbra
 Dum caneret, tenuique gregem mulceret avena, 275

Ecce aliquam tussis subito irrequieta tenebat,
 Nec longe via mortis erat: namque acta repente
 Circum praecipiti lapsu, revomensque supremam
 Ore animam, focias inter moribunda cadebat.

Vere autem (dictu mirum) atque aestate sequenti 280
 Infirmas pecudes, balantumque horrida vulgus

Pestis

Pestis febre mala miserum pene abstulit omne.
Usque adeo varia affecti sunt semina caeli,
Et variae rerum species, numerusque vicissim
Inter mota subest, interque moventia certus. 285
Nonne vides, quamvis oculi sint pectore anhelos
Expositi mollesque magis, non attamen ipsos
Carpere tabem oculos, sed se se immergere in imum
Pulmonem? & pomis quamquam sit mollior uva,
Non tamen iis vitiatur, at ipsa livet ab uva. 290
Nempe alibi vires, alibi sua pabula defunt:
Ast alibi mora certa, nec ipsa foramina multum
Non faciunt, hinc densa nimis, nimis inde soluta.

Ergo contagium quoniam natura genusque
Tam varium est, & multa modis sunt semina miris, 295
Contemplator & hanc, cujus caelestis origo est:
Quae, sicut desueta, ita mira erupit in auras.
Illa quidem non muta maris, turbamque natantum,
Non volucres, non bruta altis errantia silvis,
Non armenta bouum, pecudesve, armentave equorum
Infecit, sed mente vicens ex omnibus unum
Humanum genus, & nostros est pasta sub artus.
Porro homine e toto, quod in ipso sanguine crassum
Et sordens lentore foret, foedissima primum
Corripuit, se se pascens uligine pingui. 305
Tali se morbus ratione & sanguis habebant.
Nunc ego te affectus omnes, & signa docebo
Contagis miserae: atque utinam concedere tantum
Musa queat, tantumque velit defendere Apollo,
Tempora qui longa evolvit, cui carmina curae, 310
Haec multas monumenta dies ut nostra supersint.
Forte

Forte etenim nostros olim legisse nepotes,
Et signa, & faciem pestis novisse juvabit.
Namque iterum, quum fata dabunt, labentibus annis
Tempus erit, quum nocte atra sopita jacebit 315
Interitu data: mox iterum post secula longa
Illa eadem exsurget, caelumque aurasque revifet,
Atque iterum ventura illam mirabitur aetas.

In primis mirum illud erat, quod labe recepta,
Saepe tamen quater ipsa suum compleverat orbem 320
Luna prius, quam signa satis manifesta darentur.
Scilicet extemplo non se se prodit aperte,
Ut semel est excepta intus, sed tempore certo
Delitet, & sensim vires per pabula captat.
Interea tamen insolito torpore gravati, 325
Sponteque languentes animis & munera obibant
Aegrius, & toto segnes se corpore agebant.
Ille etiam suus ex oculis vigor, & suus ore
Dejectus color haud laeta de fronte cadebat.
Paullatim caries foedis enata pudendis 330
Hinc atque hinc invicta locos, aut inguen edebat.
Tum manifesta magis vitii se prodere signa.
Nam, simulac purae fugiens lux alma diei
Cesserat, & noctis tristes induxerat umbras,
Innatusque calor noctu petere intima fuetus 335
Liquerat extremum corpus, nec membra fovebat
Obsita mole pigra humorum, tum vellier artus,
Brachiaque, scapulaeque gravi, suraeque dolore.
Quippe, ubi per cunctas ierant contagia venas,
Humoresque ipsos, & nutrimenta futura 340
Polluerant, Natura malum secernere fuenta

Infe-

Infectam partem pellebat corpore ab omni
 Exterius: verum crasso quia corpore tarda
 Haec erat, & lentore tenax, multa inter eundum
 Haerebat membris exsanguibus, atque lacertis. 345
 Inde graves dabat articulis extenta dolores.
 Parte tamen levioze, magisque erumpere nata,
 Summa cutis pulsa, & membrorum extrema petebat.
 Protinus informes totum per corpus achores
 Rumpebant, faciemque horrendam, & pectora foede
 Turpabant: species morbi nova: pustula summae
 Glandis ad effigiem, & pituita marcida pingui:
 Tempore quae multo non post adaperata dehiscens,
 Mucosa multum sanie, taboque fluebat.
 Quinetiam erodens alte, & se funditus abdens 355
 Corpora pascebat misere: nam saepius ipsi
 Carne sua exutos artus, squallentiaque ossa
 Vidimus, & foedo rosa ora dehiscere hiatu,
 Ora, atque exiles reddentia guttura voces.
 Ut saepe aut cerasis, aut Phyllidis arbore tristi 360
 Vidisti pinguem ex udis manare liquorem
 Corticibus, mox in lentum durescere gummi.
 Haud secus hac sub labe solet per corpora mucor
 Diffluere: hinc demum in turpem concreescere callum.
 Unde aliquis ver aetatis, pulchramque juventam 365
 Suspirans, & membra oculis deformia torvis
 Prospiciens, foedosque artus, turgentiaque ora,
 Saepe Deos, saepe astra miser crudelia dixit.
 Interea dulces somnos, noctisque soporem
 Omnia per terras animalia fessa trahebant: 370
 Illis nulla quies aderat, sopor omnis in auras

Fugerat: iis oriens ingrata Aurora rubebat:
 Iis inimica dies, inimicaque noctis imago.
 Nulla Ceres illos, Bacchi non ulla juvabant
 Munera: non dulces epulae, non copia rerum, 375
 Non urbis, non ruris opes, non ulla voluptas,
 Quamvis saepe amnes nitidos, jucundaque Tempe,
 Et placidas summis quaesissent montibus auras.
 Diis etiam sparsaeque preces, incensaeque templis
 Tura, & divitibus decorata altaria donis: 380
 Dii nullas audire preces, donisve moveri.
 Ipse ego Caenomanum memini qua pingua dives
 Pascua Sebina praeterfluit Ollius unda,
 Vidisse insignem JUVENEM, quo clarior alter
 Non fuit, Ausonia nec fortunatior omni: 385
 Vix pubescentis florebat vere juventae,
 Divitiis, proavisque potens, & corpore pulchro:
 Cui studia aut pernicis equi compescere cursum,
 Aut galeam induere, & pictis splendescere in armis,
 Aut juvenile gravi corpus durare palaestra, 390
 Venatuque feras agere, & praevertere cervos:
 Illum omnes Ollique Deae, Eridanique puellae
 Optarunt, nemorumque Deae, rurisque puellae:
 Omnes optatos suspiravere hymenaeos.
 Forſan & ultores Superos neglecta vocavit 395
 Non nequidquam aliqua, & votis pia Numina movit:
 Nam nimium fidentem animis, nec tanta timentem
 Invasit miserum labes, qua faevior usquam
 Nulla fuit, nulla umquam aliis spectabitur annis.
 Paullatim ver id nitidum, flos ille juventae 400
 Disperiit, vis illa animi: tum squallida tabes

Artus

Artus (horrendum) miseros obduxit: & alte
Grandia turgebant foedis abscessibus ossa.

Ulcera (proh Divûm pietatem) informia pulchros
Pascebant oculos, & diae lucis amorem, 405
Pascebantque acri corrosas vulnere nares.

Quo tandem infelix fato, post tempore parvo
Aetheris invisas auras, lucemque reliquit.

Illum Alpes vicinae, illum vaga flumina flerunt:
Illum omnes Ollîque Deae, Eridanique puellae 410
Fleverunt, nemorumque Deae, rurisque puellae:
Sebinusque alto gemitum lacus edidit amne.

Ergo hanc per miseras terras Saturnus agebat
Pestem atrox, nec saeva minus crudelis & ipse
Miscebat Mavors, conjunctaque fata ferebat. 415

Quippe lue hac nascente, putem simul omnia diras
Eumenidas cecinisse fera & crudelia nobis.

Tartareos etiam barathro dira omnia ab imo
Excivisse lacus, Stygiaque ab sede laborem,
Pestemque, horribilemque famem, bellumque, ne-
cemque. 420

Dii patrii, quorum Ausonia est sub numine, tuque
Tu Latii, Saturne, pater, quid gens tua tantum
Est merita? an quidquam superest dirique gravisque,
Quod sit inexhaustum nobis? ecquod genus usquam
Aversum usque adeo caelum tulit? ipsa labores, 425
Parthenope, dic prima tuos, dic funera regum,
Et spolia, & praedas, captivaeque colla tuorum.

An stragem infandam memorem, sparsumque cruorem
Gallorumque, Italûmque pari discrimine, quum jam
Sanguineum, & defuncta virûm, defunctaque equorum

Corpora volventem, cristasque atque arma trahentem
 Eridanus pater acciperet rapido agmine Tarrum?
 Te quoque spumantem, & nostrorum caede tumentem,
 Abdua, non multo post tempore, te pater idem
 Eridanus gremio infelix suscepit, & altum 435
 Indoluit tecum, & fluvio solatus amico est.

Aufonia infelix, en quo discordia priscam
 Virtutem, & mundi imperium perduxit avitum.
 Angulus anne tui est aliquis, qui barbara non fit
 Servitia, & praedas, & tristia funera passus? 440
 Dicite vos, nullos soliti sentire tumultus,
 Vitiferi colles, qua flumine pulcher amoeno
 Erethenus fluit, & plenis lapsurus in aequor
 Cornibus, Euganeis properat se jungere lymphis.

O patria, o longum felix, longumque quieta 445
 Ante alias, patria o Divum sanctissima tellus,
 Dives opum, foecunda viris, laetissima campis
 Uberibus, rapidoque Athesi, & Benacide lymphis,
 Aerumnas memorare tuas, summamque malorum
 Quis queat? & dictis nostros aequare dolores, 450
 Et turpes ignominias, & barbara jussa?
 Abde caput, Benace, tuo & te conde sub anne,
 Victrices nec jam Deus interlabere lauros.

En etiam, ceu nos agerent crudelia nulla,
 Nec lacrimae planctusve forent, en dura tot inter, 455
 Spes Latii, spes & studiorum, & Palladis illa
 Occidit: ereptum Musarum e dulcibus ulnis
 Te miserum ante diem crudeli funere, MARCE
 ANTONI, aetatis primo sub flore cadentem
 Vidimus extrema positum Benacide ripa, 460

Quam

Quam media inter saxa sonans Sarca abluit ūnda.
 Te ripae flere Athesis, te voce vocare
 Auditae per noctem umbrae manesque Catulli,
 Et patrios mulcere nova dulcedine lucos.

Tempestate illa Aufoniam Rex Gallus opimam 460
 Vertebat bello, & Ligurem ditione premebat.
 Parte alia, Caesar ferro superabat & igni
 Euganeos, placidumque Silim, Carnumque rebellem:
 Et totum luctus Latium, moerorque tenebat.



Quodammodo in his legibus, tametsi non
 in tota hactenus, sed in parte
 hactenus per nos, tametsi non in tota
 in parte per nos, tametsi non in tota
 - Tamen, si in his legibus, tametsi non
 Veritas, sed in parte, tametsi non
 Parte, sed in parte, tametsi non
 Veritas, sed in parte, tametsi non
 Veritas, sed in parte, tametsi non

AD PATRONUM HONOREM

LIBER II.

De rebus, tametsi non in tota

De rebus, tametsi non in tota

De rebus, tametsi non in tota

De rebus, tametsi non in tota

De rebus, tametsi non in tota

De rebus, tametsi non in tota

De rebus, tametsi non in tota

De rebus, tametsi non in tota

De rebus, tametsi non in tota

De rebus, tametsi non in tota

HIERONYMI
FRACASTORII

SYPHILIDIS,

SIVE DE

MORBO GALLICO

AD PETRUM BEMBUM,

LIBER II.



UNC age, quae vitae ratio, quae
cura adhibenda

Perniciem adversus tantam, quid tem-
pore quoque

Conveniat (nostri quae pars est alte-
ra coepti)

Expeditam, & miranda hominum comperta docebo.

Quippe nova quum re attoniti, multa irrita primum s

Tentassent, tamen angustis solertia major

In rebus, crescensque usu experientia longo

Evicere: datumque homini protendere longe

Auxilia, & certis pestem compescere vinclis,

Victorem & se se claras attollere in auras.

Credo equidem & quaedam nobis divinitus esse

Inventa, ignaros fatis ducentibus ipsis.

B 3

Nam,

Nam, quamquam fera tempestas, & iniqua fuerunt
 Sidera, non tamen omnino praesentia Divum
 Absuit a nobis, placidi & clementia caeli. 15
 Si morbum insolitum, si dura & tristia bella
 Vidimus, & sparsos dominorum caede penates,
 Oppidaque, incensaeque urbes, subversaue regna,
 Et templa, & raptis temerata altaria sacris:
 Flumina dejectas si perrumpentia ripas 20
 Evertere fata, & mediis nemora eruta in undis,
 Et pecora, & domini, correptaue rura natarunt:
 Obseditque inimica ipsas penuria terras:
 Haec eadem tamen, haec aetas (quod fata negarunt
 Antiquis) totum potuit sulcare carinis 25
 Id pelagi, immensum quod circuit Amphitrite.
 Nec visum fatis, extremo ex Atlante repostos
 Hesperidum penetrare sinus, Praesumque sub Arcto
 Inspectare alia, praeuptaque litora Rhapti,
 Atque Arabo advehere, & Carmano ex aequore merces:
 Aurorae sed itum in populos Titanidis usque est
 Supra Indum, Gangemque supra, qua terminus olim
 Catygare noti Orbis erat: superata Cyambe,
 Et dites ebena, & felices macere silvae.
 Denique & a nostro diversum gentibus Orbem, 35
 Diversum caelo, & clarum majoribus astris
 Remigio audaci attigimus, ducentibus & Diis.
 Vidimus & Vatem egregium, cui pulchra canenti
 Parthenope, placidusque cavo Sebethus ab antro
 Plauserunt, umbraeque sacri manesque Maronis; 40
 Qui magnos stellarum orbes cantavit, & hortos
 Hesperidum, caelique omnes variabilis oras.

Te

Te vero ut taceam, atque alios, quos fama futura
 Post mutos cineres, quos & venientia secla
 Antiquis conferre volent, at, B E M B E, tacendus 45
 Inter dona Deum nobis data non erit umquam
 Magnanimus L E O, quo Latium, quo maxima Roma
 Attollit caput alta, paterque ex aggere Tybris
 Assurgit, Romaeque fremens gratatur ovanti.
 Cujus ab auspiciis jam nunc mala sidera mundo 50
 Cessere, & laeto regnat jam Jupiter orbe,
 Puraque pacatum diffundit lumina caelum.

Unus, qui aerumnas post tot, longosque labores
 Dulcia jam profugas revocavit ad otia Musas,
 Et leges Latio antiquas, rectumque piumque 55
 Restituit: qui iusta animo jam concipit arma
 Pro re Romana, pro religione Deorum.
 Unde etiam Euphrates, etiam late ostia Nili,
 Et tantum Euxini nomen tremit unda refusi,
 Atque Aegaea suos confugit Doris in Isthmos. 60

Ergo, alii dum tanta canent, dumque illius acta
 Inclyta component, dum forte accingeris & tu
 Condere, & aeternis victurum intexere chartis,
 Nos, quos fata vocant haud tanta ad munera, lusus
 Inceptos, quantum tenuis fert Musa, sequamur. 65

Principio, quoniam affecti non sanguinis una
 Est ratio, tibi sit morbo spes major in illo,
 Sanguine qui insedit puro: verum, quibus atra
 Bile tument, spissoque resultant sanguine venae,
 Major in iis labor est, pestisque tenacius haeret. 70
 Quare operae pretium est validis atque acribus uti
 Omnibus hos contra, miseris nec parcere membris.

Quinetiam meliora sibi promittere cuncta
 Ille potest, qui principiis novisse sub ipsis
 Serpentem tacite valuit per viscera labem. 75
 Namque, ubi pasta diu, vires per pabula longa
 Auxerit, & jam se vitium firmaverit intra,
 Heu quanto tibi libertas speranda labore est!
 Ergo omnem impendes operam te opponere parvis
 Principiis, memorique animo haec praecepta reconde.

In primis ego non omni te assuescere caelo
 Exhorter: fuge, perpetuo quod flatur ab Austro,
 Quod caeno, immundaeque grave est sudore paludis.
 Protenti potius campi mihi liber & agri
 Tractus, & apricis placeant in collibus aerae, 85
 Et molles Zephyri, pulsusque Aquilonibus aër.
 Hic (jubeo) tibi nulla quies, nulla otia sunt.
 Rumpe moras, agita assiduis venatibus apros
 Impiger, assiduis agita venatibus urfos.
 Nec tibi sit labor aërii cursu ardua montis 90
 Vincenti, rapidum in valles deflectere cervum,
 Et longa lustrare altos indagine saltus.
 Vidi ego saepe, malum qui jam sudoribus omne
 Finisset, silvisque luem liquisset in altis.
 Sed nec turpe puta dextram summittere aratro, 95
 Et longum trahere incurvo sub vomere fulcum:
 Neve bidente solum, & duras proscindere glebas,
 Et valida aëriam quercum exturbare bipenni,
 Atque imis altam eruere ab radicibus ornum.
 Quinetiam, exercere domi quo te quoque possis, 100
 Parvam mane pilam versa mihi, vespere versa.
 Et salu, & dura potes exsudare palaestra.

Vin-

Vince malum: nec te fallat, quod desidis otii
Assidue desiderium, lectique sequetur.

Tu lecto ne crede, gravi ne crede sopori: 105

His alitur vitium, & placidae sub imagine pacis
Decipit, e dulcique trahit fomenta quiete.

Necnon interea effugito, quae tristitia mentem
Sollicitant: procul else jube curasque, metumque
Pallentem, ultricesque iras, omnemque Minervae 110

Addictum studiis animum: sed carmina, sed te
Delectent juvenumque chori, mixtaeque puellae.

Parce tamen Veneri, mollesque ante omnia vita
Concubitus; nihil est nocuum magis: odit & ipsa
Pulchra Venus, tenerae contagem odere puellae. 115

Quod sequitur, victus ratio tibi maxima habenda est;
Nec fit cura tibi, neve observantia major.

Principio, quoscumque amnes, quoscumque paludes,
Quosque lacus liquidi pascunt, quosque aequora, pisces,
Omne genus procul amoveo. sunt, quos tamen usus 120
Liberius, quum res cogit, concedere possit.

Omnibus his est alba caro, non dura, tenaxque,
Quos petrae, & fluviorum adversa marisque fatigant:
Tales nant pelago phycides, rutilaeque per undas
Auratae, gobiique, & amantes saxea percae. 125

Talis dulcissimum fluviorum scarus ad ora
Solus saxa inter depastas ruminat herbas.

Sed neque, quae stagnis volucres, quaeque amnibus altis
Degere amant, liquidisque cibum perquirere in undis,
Laudarim: tibi pinguis anas, tibi crudior anser 130

Vitetur, potiusque vigil Capitolia fervet:

Viteturque gravi coturnix tarda sagina.

Tu

Tu teneros lactes, tu pandae abdomina porcae,
Porcae heu terga fuge, & lumbis ne vescere aprinis,
Venatu quamvis toties confeceris apros. 135
Quin neque te crudus cucumis, non tubera captent,
Neve famem cinara, bulbisve salacibus exple.
Non placeat mihi lactis amor, non usus aceti,
Non fumosa mero spumantia pocula Baccho,
Qualia Cyrnaei colles, campique Falerni, 140
Et Pucinus ager mittunt: aut qualia nostris
Rhetica dat parvo de collibus uva racemo.
Nempe Sabina magis placeant, dilutaque tellus
Quae tulit, & multo domuerunt Najades amne.
At, tibi si ex horto victus, mensaeque Deorum 145
Sunt animo, atque olerum simplex & inemta voluptas,
Non mentae virides, non laeta sisymbria defunt,
Intybaque, & toto florentes frigore sonchi,
Et sia fontanis semper gaudentia rivis,
Et thymbrae suaves, & odoriferae calaminthae: 150
Laeta meliphylla, & riguo buglossus ab horto
Carpantur, plenisque ferax erucula palmis,
Atque olus, atque rumex, & falsi gramina chrithmi.
Ipsa lupum dumeta ferent: hinc collige primos
Asparagos, albae asparagos hinc collige vitis, 155
Quum nondum explicuit ramos, umbracula nondum
Texuit, & virides jussit pendere corymbos.
Singula sed longum est, nec percensere necesse,
Jamque aliud vocor ad munus; juvat in nova Musas
Naturae nemora Aoniis deducere ab umbris: 160
Unde mihi si non e lauro intexere fronti
Serta volent, tantaque caput cinxisse corona,

At

At faltem ob fervata hominum tot millia, dignum
Cenfuerint querna redimiri tempora fronde.

Vere novo, fi quem morbus tenet, aut & in ipfo 165
Autumno, fi firma aetas, fi fanguis abundat,
Regalem, mediamve lacerti incidere venam
Proderit, atque extra foedatum haurire cruorem.
Praeterea, quocumque habeat te tempore peftis,
Corruptum humorem, & contagem educere turpem
Ne pigeat, faciliq; luem deponere ab alvo.
Ante tamen ducenda para, concreta resolve,
Et craffa attenua, & lentore tenacia frange.

Ergo Coryciumque thymum fit cura, thymumque
Pamphylium, thymbrae fimilis qui durior exit, 175
Prima tibi coxiffe, lupique volubile gramen,
Foeniculumque, apiumque, & amari germina capni.
His polyporum hirtos imitata filicula cirros
Additur, & lymphis tangi renuens adiantus:
His sterile afplenum, his pictam phyllitida junge. 180
Quorum ubi decoctum permultis ante diebus
Ebiberis, crudumque humorem incoxeris omnem,
Tum fcilla medicare acri, & colocynthide amara,
Helleboroque gravi, necnon quae in litore furgens,
Qua ludit maris unda, ter evariata colorem, 185
Ter flores mutata die, rem nomine fignat,
Herba potens radice, fuum cui zinziber adde:
Adde etiam anguineum cucumin, Nabathaeaque tura,
Myrrhamque, bdellamque, hammoniacique liquorem,
Et lacrimam panaceam, & dulci Colchica bulbo. 190

His actis, fi forte tibi frigentia corda,
Et molles animi fuerint, nec acerba placebit

In primis tentare, brevique exstinguere pestem,
Sed placidis agere, & per tempora lenibus uti,
Tum superest tibi cura animum ad fomenta relicta 195
Vertere, contagisque ad tenuia semina caecae,
Illa quidem consueta modis inserpere miris.
Profuerint igitur, quaeque exsiccantia, quaeque
Marcori resinosa solent obsistere putri.
Tales sunt myrrhae lacrimae, sunt talia tura, 200
Cedrusque, aspalathusque, immortalisque cupressus,
Et bene cum calamo spirans redolente cyperus.
Ergo nec desint casiae, nec desit amomum,
Macerve, agallochumve tibi, nec cinnama odora.
Est etiam in pratis illud, juxtaque paludes 205
Scordion, omnigenis quod tantum ob stare venenis,
Contagique solet, parvo quaerenda labore
Herba tibi: viret ipsa comis imitata chamaedrym,
Flore rubens, referensque allî cum voce saporem.
Aurora nascente hujus frondemque comantem 210
Radicesque coque, atque haustu te prolue largo.
Sed neque carminibus neglecta filebere nostris,
Hesperidum decus, & Medarum gloria, citre,
Silvarum: si forte sacris cantata Poëtis
Parte quoque hac medicam non dedignabere Musam.
Sic tibi sit semper viridis coma, semper opaca,
Semper flore novo redolens: sis semper onusta
Per viridem pomis silvam pendentibus aureis.
Ergo, ubi nitendum est caecis te opponere morbi
Seminibus, vi mira arbor Cithereia praestat. 220
Quippe illam Citherea, suum dum plorat Adonim,
Munere donavit multo, & virtutibus auxit.

Quo-

Quorumdam inventum est, vitrei intra concava vasis,
 Cui collum oblongum est, venter turgescit in orbem,
 Aut hederæ folia, aut Ida mittente maniplos 225
 Dictamni, Illyricamve irim, rhamnive nigrantem
 Radicem, aut inulas coquere: in sublime solutus
 Effertur vapor, & tenuis vacua omnia complet.

Ast, ubi frigenti occurſavit ab aëre vitro,
 Cogitur, & rorem liquidus densatur in udum, 230
 Decurritque vagis per aperta canalia rivis.

Destillantis aquae cyathum sub lumina prima
 Luciferi potare jubent, stratisque parare
 Sudorem, nec certe ab re: vis utilis olli est,
 Reliquias morbi tenues dispergere in auras. 235

Interea, si membra dolor convulsa malignus
 Torqueat, oesypo propera lenire dolorem,
 Mastichinoque oleo: lentum quibus anseris unguen,
 Emulsumque potes lini de semine mucum,
 Narcissumque, inulamque, liquentiaque addere mella,
 Coryciumque crocum, & vilem componere amurcam.
 At, fauces atque ora malus si eroserit herpes,
 Tange nitro, & viridi medicata aerugine lymphæ
 Semina inure mala, & serpentem interfice pestem.

Verum ipsos ope non alia consumere achores, 245
 Urentum quam vi, poteris, quibus addere debes
 Pingue aliquid, quod secum intus siccantia portet.
 Haec eadem, & miseros artus si qua ulcera pascunt,
 Tollere, concretosque valebunt solvere callos.

Si vero aut haec nequidquam tentasse videbis, 250
 Aut vires animique valent ad fortia quaeque,
 Nec differre cupis, quin te committere acerbis

Festi-

Festines, diramque brevi consumere pestem;
Hinc alia inventa expediam, quae tristitia quanto
Sunt magis, hoc tanto citius finire labores, 255
Aerumnasque mali poterunt: quippe effera labes
Inter prima tenax, & multo fomite vivax
Nedum se haud vinci placidis & mitibus, at nec
Tractari finit, & mansuescere dura repugnat.
Sunt igitur styracem in primis qui, cinnabarimque, 260
Et minium, & slymmi agglomerant, & tura minuta,
Quorum suffitu pertingunt corpus acerbo,
Absumuntque luem miseram, & contagia dira.
At vero & partim durum est medicamen & acre,
Partim etiam fallax, quo faucibus angit in ipsis 265
Spiritus, eluctansque animam vix continet aegram.
Quocirca totum ad corpus nemo audeat uti
Judice me: certis fortasse erit utile membris,
Quae papulae informes, Chironiaque ulcera pascunt.
Argento melius persolvunt omnia vivo 270
Pars major: miranda etenim vis insita in illo est:
Sive quod id natum est subito frigusque caloremque
Excipere, unde in se nostrum cito contrahit ignem,
Quodque est condensum, humores dissolvit, agitque
Fortius, ut candens ferrum flamma acrius urit: 275
Sive acres, unde id constat compagine mira,
Particulae nexuque suo vinclisque solutae
Introrsum, ut potuere seorsum in corpora ferri,
Colliquant concreta, & semina pestis inurunt:
Sive aliam vim fata illi, & Natura dedere. 280
Cujus & inventum medicamen munere Divûm
Digressus referam. quis enim admiranda Deorum
Mu-

Munera praetereat? Syriae nam forte sub altis
Vallibus, umbrosi nemora inter glauca salicti,
Callirhoë qua fonte sonans decurrit amoeno, 285
Fama est cultorem Diis sacri agrestibus horti,
Cultorem nemorum, sectatoremque ferarum,
Ilcea labe gravem tanta, dum molle cyperum,
Et casiam, & silvam late fragrantis amomi
Irrigat, haec orasse Deos, & talia fatum: 290

Dii, quos ipse diu colui, tuque optima tristes,
Callirhoë, quae sancta soles depellere morbos,
Cui nuper ramosa ferens ego cornua cervi
Aëria victor fixi capita horrida quercu:
Dii, mihi crudelem misero si tollere pestem 295
Hanc dabitis, quae me afflictat noctesque diesque,
Ipse ego purpureas, ipse albas veris & horti
Primitias, vobis violas, ego lilia vobis
Alba legam, primasque rosas, primosque hyacinthos,
Vestraque odoratis onerabo altaria fertis. 300

Gramen erat juxta viridans. Sic fatus, ut aestu
Fessus erat, viridi desedit graminis herba.
Hic Dea, vicino quae se se fonte lavabat,
Callirhoë liquido ex antro per lubrica musco
Saxa fluens, juveni dulci blandita susurro, 305

Lethaeum immisit somnum, sparsitque sopore
Graminea in ripa, & salicum nemus inter opacum;
Atque illi visa est sacro se flumine tollens

In somnis coram esse, pia & sic voce locuta:
Ilceu, in extremo Diis tandem audite labore, 310
Cura mei, tibi nulla salus, quacumque videt Sol,
Speranda est terram magnam super. hoc tibi poenae

Dat

Dat Trivia, & precibus Triviae exoratus Apollo;
 Ob sacrum jaculo percussum ad flumina cervum,
 Et nostris affixa tibi capita horrida truncis. 315
 Nam, postquam illa feram exanimem per gramina vidit
 Abscisso capite, & sacro sparsa arva cruore,
 Omnibus ingemuit silvis, dirumque precata est
 Auctori. oranti Latous tanta Sorori
 Affuit, & pestem misero immisere nefandam 320
 Durus uterque tibi: quin & quacumque videt Sol,
 Interdixit opem: quare tellure sub ima,
 Si qua salus superest, caeca sub nocte petenda est.
 Est specus arboribus tectum, atque horrore verendum
 Vicina sub rupe, Jovis qua plurima silva 325
 Accubat, & raucum reddit coma cedria murmur.
 Huc, ubi se primis Aurora emittet ab undis,
 Ire para, & nigrantem ipsis in faucibus agnam
 Mactato supplex, atque, Ops tibi maxima, dic, hanc,
 Dic, ferio. nigram tum Noctem, umbrasque silentes,
 Umbrarumque Deos, ignotaque numina Nymphas
 Et thya venerare, atrae & nidore cupressi.
 Hic tibi narranti causam, auxiliumque vocanti
 Haud aberit Dea, quae caecae in penetralia terrae
 Deducat te sancta, & opem tibi sedula praestet. 335
 Surge age, nec vani speciem tibi concipe somni.
 Illa ego sum, quae culta vago per pinguia fonte
 Dilabor, Dea vicinis tibi cognita ab undis.
 Sic ait, & se caeruleo cita condidit amne.
 Ille autem, ut placidus cessit sopor, omina laetus 340
 Accipit, & Nympham precibus veneratur amicam.
 O sequor, o quocumque vocas, pulcherrima fontis
 Vicini

Vicini Dea, Callirhoë. Tum postera primum
 Exurgens Aurora, suos ubi protulit ortus,
 Monstratum Jovis in silva sub rupibus altis 345
 Antrum ingens petit, & nigrantem tergora primo
 Vestibulo sistit pecudem, magnaeque trementem
 Maëtat Opi: tibi que, inquit, ego hanc, Ops maxima, maëto.
 Tum Noctem, Noctisque Deas, ignota precatur
 Numina. jamque simul thyan, atramque cupressum 350
 Urebat, quum vox terrae revoluta cavernis
 Longe audita sacras Nympharum perculit aures:
 Nympharum, quibus aëra solo sunt condita curae.
 Extemplo commotae omnes, ac coepta reponunt,
 Sulphureos forte ut latices, & flumina vivi 355
 Argenti, mox unde nitens concreveret aurum,
 Tractabant, gelidoque prementes fonte coquebant.
 Centum ignis spissi radios, centum aetheris ulti,
 Bis centum concretorum terraeque marisque
 Miscuerant, nostros fugientia semina visus. 360

At Lipare, Lipare, argenti cui semina, & auri
 Cura data, & sacrum flammis adolere bitumen:
 Continuo obscurae latebrosa per avia terrae
 Ilcea adit, firmanisque animum sic incipit ipsa:
 Ilceu (namque tuum nec nomen, nec mihi labes 365
 Ignota est, nec, quid venias) jam corde timorem
 Exue. nequidquam non te huc carissima mittit
 Callirhoë. tibi parva salus tellure sub ima est.
 Tolle animos, & me per opaca silentia terrae
 Insequere: ipsa adero, & praesenti numine ducam. 370
 Sic ait, & se antro gradiens praemittit opaco.
 Ille subit, magnos terrae miratus hiatus,

Squalentesque situ aeterno, & sine lumine vastas
Speluncas, terramque meantia flumina subter.
Tum Lipare: hoc quodcumque patet, quam maxima
terra est, 375
Hunc totum sine luce globum, loca subdita nocti
Dii habitant: imas retinet Proserpina sedes,
Flumina supremas, quae sacris concita ab antris
In mare per latas abeunt resonantia terras.
In medio dites Nymphae, genera unde metalli, 380
Aerisque, argentique, aurique nitentis origo:
Quarum ego nunc ad te miserans ipsa una Sororum
Advenio, illa ego, quae venas per montis hiantes,
Callirrhoae haud ignota tuae, fumantia mitto
Sulphura. sic ibant terra & caligine tecti. 385
Jamque exaudiri crepitantes sulphure flammae,
Conclusique ignes, stridentiaque aera caminis.
Haec regio est late, variis ubi foeta metallis,
Virgo ait, est tellus: quorum vos tanta cupido
Exercet, superas caeli qui cernitis auras. 390
Haec loca mille Deae caecis habitamus in antris,
Nocte Deae & Tellure fatae, queis munera mille,
Mille artes. studium est aliis deducere rivos,
Scintillas aliis rimari, & sparsa per omnem
Semina tellurem flammaram, ignisque corusci. 395
Materiam miscent aliae, massamque coërcent
Obicibus, multa & gelidarum inspergine aquarum.
Non procul eruptis fumantia tecta caminis
Aetnaei Cyclopes habent, versantque, coquuntque
Vulcano stridente, atque aera sonantia cudunt. 400
Laeva haec abstrusum per iter via ducit ad illos.

Dexte-

Dexterâ sed sacri fluvii te sistet ad undam,
 Argento fluitantem undam, vivoque metallo,
 Unde salus speranda. & jam aurea tecta subibant,
 Rorantesque domos spodiis, fuligineque atra 405
 Speluncas varie obductas, & sulphure glauco.
 Jamque lacus late undantes, liquidoque fluentes
 Argento juxta astant, ripasque tenebant.
 Hic tibi tantorum requies inventa laborum,
 Subsequitur Lipare, postquam ter flumine vivo 410
 Perfusus, sacra vitium omne reliqueris unda.
 Sic fatur, simul argenti ter fonte salubri
 Perfundit, ter virgineis dat flumina palmis
 Membra super, juvenem toto ter corpore lustrat
 Mirantem exuvias turpes, & labe maligna 415
 Exutos artus, pestemque sub anne relictam.

Ergo age, quum primum caeli te purior aër
 Accipiet, nitidamque diem, Solemque videbis,
 Sacra para, & castam supplex venerare Dianam,
 Indigenasque Deos, & Numina fontis amici. 420

Sic Virgo, & juvenem tanto pro munere grates
 Solventem e nocte aetherias educit in oras,
 Dimittitque alacrem, atque optata in lumina reddit.

Accepit nova fama fidem, populosque per omnes
 Prodiit haud fallax medicamen: coeptaque primum 425
 Misceri argento fluitanti axungia porcae.

Mox etiam Oriciae simul adjuncta est terebinthi,
 Et laricis refina aëriae. sunt, qui unguen equinum
 Ursumve adhibent, bdellae, cedrique liquorem.
 Nonnulli & myrrhae guttas, & macula tura 430
 Adjiciunt, miniumque rubens, & sulphura viva.

Haud vero mihi displiceat, componere si quem
Trita melampodia, atque arentem juverit irim,
Galbanaque, & lasser grave olens, oleumque salubre
Lentisci, atque oleum haud experti sulphuris ignem. 435

His igitur totum oblinere, atque obducere corpus
Ne obscoenum, ne turpe puta: per talia morbus
Tollitur, & nihil esse potest obscoenius ipso.

Parce tamen capiti, & praecordia mollia vita.
Tum super & vittas astringe, & stuppea nocte 440
Vellera: dein stratis tegmento imponere multo,
Dum fudes, foedaeque fluant per corpora guttae.
Haec tibi bis quinis fatis est iterasse diebus.

Durum erit: at, quidquid tulerit res ipsa, ferendum est.

Aude animis. tibi certa salus stans limine in ipso 445

Signa dabit: liquefacta mali excrementa videbis

Affidue sputo immundo fluitare per ora,

Et largum ante pedes tibi mirabere flumen.

Ora tamen foeda erodent ulcuscula: sed tu

Lacte fove, & cocto cytini, viridisque ligustri. 450

Tempore non alio generosi pocula Bacchi

Annuerim sumenda tibi, purumque Falernum,

Et Chia, & pateris spumantia Rhetica largis.

Sed jam age vicinae victor gratare saluti:

Ultima adest tibi cura, eadem & placidissima, corpus 455

Abluere, & lustrare artus, ac membra piare

Stoechade, amaracinisque comis, & rore marino,

Verbenaque sacra, & bene olentibus heracleis.

H I E R O N Y M I
F R A C A S T O R I I

S Y P H I L I D I S,
S I V E D E
M O R B O G A L L I C O
A D P E T R U M B E M B U M,
L I B E R I I I.



ED jam me nemora alterius felicia
Mundi,
Externique vocant saltus: longe asso-
nat aequor
Herculeas ultra metas, & litora
longe

Applaudunt semota. mihi nunc magna Deorum
Munera, & ignoto devecta ex Orbe canenda 5
Sancta arbos, quae sola modum requiemque dolori,
Et finem dedit aerumnis. age, Diva, beatum,
Uranie, venerare nemus, crinesque revinctam
Fronde nova, juvet in medica procedere palla
Per Latium, & sanctos populis ostendere ramos: 10
Et juvet haud umquam nostrorum aetate parentum
Visa prius, nullive umquam memorata referre.

Unde aliquis forsan novitatis imagine mira
Captus, & heroas, & grandia dicere facta
Afluetus, canat auspiciis majoribus ausas 15
Oceani intacti tentare pericula puppes.
Necnon & terras varias, & flumina, & urbes,
Et varias memoret gentes, & monstra reperta:
Dimensasque plagas, altoque orientia caelo
Sidera, & insignem stellis majoribus Arcton. 20
Nec taceat nova bella, omnemque illata per Orbem
Signa novum, & positas leges, & nomina nostra.
Et canat (auditum quod vix venientia credant
Secula) quodcumque Oceani complectitur aequor
Ingens, omne una obitum mensumque carina. 25
Felix, cui tantum dederit Deus. at mihi vires
Arboris unius fatis est, usumque referre:
Et quo inventa modo fuerit, nostrasque sub auras
Advena per tantum pelagi pervenerit aequor.
Oceano in magno, ardenti sub fidere Cancri, 30
Sol ubi se nobis media jam nocte recondit,
Hac ignota tenus, tractu jacet insula longo:
Hispanam gens inventrix cognomine dixit:
Auri terra ferax: sed longe ditior una
Arbore: voce vocant patrii sermonis Hyacum. 35
Ipsa teres, ingensque, ingentem vertice ab alto
Diffundit semper viridem, semperque comantem
Arbuteis silvam foliis: nux parva, sed acris
Dependet ramis, & plurima frondibus haeret.
Materia indomita est, duro & pene aemula ferro 40
Robora, quae resinam sudant incensa tenacem.
Dissectae color haud simplex. in cortice, lauri

Exte-

Exteriore viret levor, pars altera pallet
Buxea: at interior nigro suffusca colore est, (45
Juglandemque, ebumque inter. quod si inde ruberet,
Jam poterat variis aequare coloribus Irim.
Hanc gens illa colit, studioque educere multo
Nititur: hac late colles campique patentes,
Hac omnis vestitur ager: nec sanctius illis
Est quidquam, aut potiore usu: quippe omnis in illa 50
Spes jacet hanc contra pestem, quae caelitus illic
Perpetua est. validos abjecto cortice ramos
Multa vi tundunt, aut in segmenta minuta
Elimant, puroque scobes in fonte reponunt,
Dum bibulas noctemque diemque emaceret humor. 55
Inde coquunt: nec non illos ea cura fatigat,
Vulcano ne forte furens erumpat aquae vis,
Et superundantem spumam projectet in ignes.
Spuma quippe linunt, si quidquam e corpore toto
Abscedit, si quidquam aegros depascitur artus. 60
Dimidia absumta, superest quodcumque, reponunt,
Divini laticis. quin & segmenta relictæ
Rursus, ut ante, coquunt, addentes suaveliquens mel.
Scilicet hunc unum mensis accedere potum
Et lex ipsa jubet gentis, mandatque sacerdos. 65
Servatum at laticem, & decocti pocula primi
Bina die quaque assumunt, quum surgit ab ortu
Lucifer, & sero egreditur quum Vesper Olympo.
Nec prius abstant potu, quam menstrua cursum
Luna suum, & totum peragrans perfecit orbem, 70
Fraternalque iterum convenerit aemula bigas.
Interea caecis se se penetralibus abdunt,

Quo neque vis venti, non halitus aëris ullus
Infinuet se se, & gelidis afflatibus obsit. (75

Quid mirandum aequae memorem, super omnia victum
Quam tenuem, quam magna sibi jejunia poscant?

Quippe solet satis esse, ipsum dum corpus alatur:
Dum superet vita, & tantum ne membra fatiscant.

Ne tamen ah ne tanta time, facer ilicet haustus
Ille modo ambrosiae, vires reficitque fovetque, 80

Inque occulta gerit jejunis pabula membris.

Nectare ab epoto binas, non amplius, horas

Imponunt se se stratis, medicamen ut intro
Large eat, & calido sudorem e corpore ducat.

Interea vacuas pestis vanescit in auras. 85

Et (dictu mirum) apparet jam pustula nulla:

Jamque nomae cessere omnes, jam fortia liquit

Membra dolor, primoque redit cum flore juvena:

Et jam Luna suum remeans nova circuit orbem.

Quis Deus hos illis populis monstraverit usus: 90

Qui demum & nobis casus, aut fata tulere

Hos ipsos: unde & sacrae data copia silvae,

Nunc referam. Missae quaesitum abscondita Nerei

Aequora, in occasum, Solisque cubilia, pinus

Litoribus longe patriis, Calpeque relictis, 95

Ibant Oceano in magno, pontumque secabant,

Ignaraeque viae, & longis erroribus actae.

Quas circum innumerae properantes gurgite ab omni

Ignoti nova monstra maris Nereïdes udae

Adnabant, cellas miratae currere puppes, 100

Salsa super pictis volitantes aequora velis.

Nox erat, & puro fulgebat ab aethere Luna,

Lumi-

Lumina diffundens tremuli per marmora ponti,
 Magnanimus quum tanta heros ad munera fatis
 Delectus, dux errantis per caerula classis, 105
 Luna, ait, o, pelagi cui regna haec humida parent,
 Quae bis ab aurata curvasti cornua fronte,
 Curva bis explesti, nobis errantibus ex quo
 Non ulla apparet tellus, da litora tandem
 Aspicere, & dudum speratos tangere portus, 110
 Noctis honos, caelique decus, Latonia Virgo.
 Audiit orantem Phoebe, delapsaque ab alto
 Aethere, se in faciem mutat, Nereïa quali
 Cymothoë, Clothoque natant, juxtaque carinam
 Astitit, & summo pariter nans aequore fatur: 115
 Ne nostrae dubitate rates: lux crastina terras
 Ostendet, fidoque dabit succedere portu.
 Sed vos litoribus primis ne insistite: dudum
 Ultra fata vocant: medio magna insula ponto
 Est Ophyre; huc iter est vobis, hic debita sedes 120
 Imperiique caput. simul haec effata, carinam
 Impulit: illa levi cita dissecat aequora cursu.
 Aspirant faciles aerae, & jam clarus ab undis
 Surgebat Titan, humiles quum surgere colles
 Umbrosi procul, & propior jam terra videri 125
 Incipit. acclamant nautae, terramque salutant,
 Terram exoptatam. tum portu & litore amice
 Excepti, Diis vota piis in litore solvunt.
 Quassatasque rates, defessaque corpora curant.
 Inde, ubi quarta dies pelago, crepitanque vocavit 130
 Vela Notus, remis insurgitur, altaque rursus
 Corripiunt maria, & laeti freta caerula fulcant.

Linquitur incerto fluitans Anthylia ponto,
Atque Hagia, atque alta Ammerie, exsecrataque tellus
Cannibalum, & ripa Gyane nemorosa virenti. 135
Protinus innumerae panduntur turribus altis
Insulae Oceano in vasto, quas inter opacis
Undantem silvis unam, cursuque sonantem
Fluminis aspiciunt, magno qui spumeus alveo
In mare fulgentes auro subvectat arenas. 140
Hujus in ora placet pronas appellere puppes.
Invitant nemora, & dulces e flumine lymphae.
Jamque solo viridante alacres, ripaque potiti
In primis Terram ignotam, Nymphasque salutant
Indigenas, Geniumque loci, teque, aurifer Amnis, 145
Quisquis in ora maris nitida perlaberis unda.
Tum duram Cererem, & patrii carchesia Bacchi
Aggere in herbofo expediunt: dein quaerere, si qui
Mortales habitent: pars fulvam fluminis undam
Mirari, mixtamque auro disquirere arenam. 150
Forte per umbrosos silvarum plurima ramos
Assidue volitabat avis, quae picta nitentes
Caeruleo pennas, rostro variata rubenti
Ibat nativo secura per avia luco.
Has juvenum manus ut silvas videre per altas, 155
Continuo cava terrificis horrentia bombis
Aera, & flammiferum tormenta imitantia fulmen
Corripiunt, Vulcane, tuum, dum Theutonas armas,
Inventum, dum tela Jovis mortalibus affers.
Nec mora, signantes certam sibi quisque volucrem, 160
Inclusam, salicum cineres, sulphurque, nitrumque,
Materiam accendunt servata in reste favilla.

Fomite correpto diffusa repente furit vis
Ignea circumsepta, simulque cita obice rupto
Intrusam impellit glandem: volat illa per auras 165
Stridula: & exanimes passim per prata jacebant
Dejectae volucres: magno micat ignibus aër
Cum tonitru, quo silva omnis, ripaeque recurvae,
Et percussa imo sonuerunt aequora fundo.
Pars avium nemus in densum conterrita, & altos 170
Se recipit scopulos: quorum de vertice summo
Horrendum una canit (dictu mirabile) & aures
Terrificis implet dictis, ac talibus infit:

Qui Solis violatis aves, sacrasque volantes,
Hesperii, nunc vos, quae magnus cantat Apollo, 175
Accipite, & nostro vobis quae nunciat ore.
Vos, quamquam ignari, longum quaesita, secundis
Tandem parta Ophyrae tetigistis litora ventis.
Sed non ante novas dabitur summittere terras,
Et longa populos in libertate quietos; 180
Molirique urbes, ritusque ac sacra novare,
Quam vos infandos pelagi terraeque labores
Perpeffi, diversa hominum post praelia, multi
Mortua in externa tumuletis corpora terra.
Navibus amissis pauci patria arva petetis, 185
Frustra alii socios quaeretis magna remensi
Aequora: nec nostro deerunt Cyclopes in Orbe.
Ipsa inter se se vestras Discordia puppes
In rabiem ferrumque trahet: nec fera manet vos
Illa dies, foedi ignoto quum corpora morbo 190
Auxilium silva miseri poscetis ab ista,
Donec poeniteat scelerum, nec plura loquuta

Hor-

Horrendum stridens densis se se abdidit umbris.
 Ollis ossa rigor subitus percurrit, & omnis
 Palluit, ac gelida fugit formidine sanguis. 195
 Tum vero sacras volucres, Divosque precati,
 In primis Solem, & sanctum servantia lucum
 Numina supplicibus venerantur agrestia votis:
 Pacem orant, rursusque Ophyren, fluviumque salutant.
 Interea e silvis nigrum genus ora comasque, 200
 Ad naves nova turba virum concurrat inermis,
 Pectora nudi omnes, evincti frondibus omnes
 Paciferis: tanta qui cellas mole carinas
 Mirati, vestesque virum, fulgentiaque arma,
 Vix satis expleri possunt: & ab aethere missi 205
 Sive homines, sive heroës sint, sive Deorum
 Numina, adorantum ritu, precibusque salutant:
 Ante alios ipsum regem; cui munera laeta,
 E ripis collectum aurum, & cerealia dona,
 Et patrios fructus, & mella liquentia portant. 210
 Vestibus ipsi etiam nostris, & munere multo
 Donati, exceptique mero nova gaudia miscent.
 Non aliter, quam si mensis, dapibusque Deorum
 Mortalis quisquam adscitus, felixque futurus,
 Hauriat aeternum, caelestia pocula, nectar. 215
 Ergo, ubi amicitiae securos foedere utrimque
 Firmavere animos, habita & commercia gentis,
 Ipsi inter se se reges in litore laeti
 Complexu jungunt dextras, & foedera firmant.
 Alter gossipio tenui pectusque femurque 220
 Praecinctus, viridi limbum pingente smaragdo,
 Ora niger: jaculo armatur cui dextera acuto,
 Squa-

Squamosi spoliū sustentat laeva draconis :
 Alter at intexto laenam circumdatus auro ,
 Quam subter rutila arma micant , capiti aerea cassis 225
 Infidet , & pictae volitant in vertice cristae :
 Fulgenti ex auro torques cui candida colla
 Cingunt , atque ensis lateri dependet Iberus .
 Et jam commixti populi , hospitioque recepti ,
 Hi tectis domibusque , altis in navibus illi , 230
 Laetitia ludisque dies per pocula ducunt .

Forte loco lux festa aderat , Solique parabant
 Ultori facere umbroso sacra annua luco .
 Hesperiaeque , Ophyraeque manus convenerat omnis .
 Hic convalle cava , ripae viridantis in herba , 235
 Selectorum ingens numerus , matresque virique
 Confusi , plebs atque patres , puerique senesque
 Astabant , animis tristes , & corpora foedi ,
 Squallentes crustis omnes , taboque fluentes :
 Quos circumfusus albenti in veste sacerdos 240
 Pura lustrat aqua , & ramo frondentis Hyaci .
 Tum niveum ante aras caedit de more juvencum ,
 Et juxta positum pastorem sanguine caesi
 Respergit , pateraue rigat : Solique potenti
 Ad numeros Paeanā canit : nec caetera turba 245
 Non sequitur , maētantque fues , maētantque bidentes ,
 Visceribusque veru tostis epulantur in herba .

Obstupuit gens Europae ritusque sacrorum ,
 Contagemque alio non usquam tempore visam .
 At Dux multa animo tacitus secum ipse volutans , 250
 Hic erat ille , inquit , morbus , (Dii avertite casum)
 Ignotum interpres Phoebi quem dira canebat .

Tum

Tum regem indigenam, (ut sermo fandique facultas
Jam communis erat) cui sint solennia Divûm,
Scitatur: quid tanta astat convalle sub alta 255
Languentum miseranda manus: quid pastor ad aras
Sacra inter, caesi respersus sanguine tauri.
Quem contra, Hesperiae o heros fortissime pubis,
Rex ait, hi gentis ritus, haec sacra quotannis
Ultori de more Deo celebramus: origo 260
Antiqua est, veteresque patrum fecere parentes.
Quod si externorum mores, hominumque labores
Audivisse juvat, primaeva ab origine causam
Sacrorum, & pestis miserae primordia pandam.
Forfitan Atlantis vestras pervenit ad aures 265
Nomen, & ex illo generis longo ordine ducti.
Hac & nos, longa serie, de stirpe profecti
Dicimur, heu quondam felix & cara Deûm gens,
Dum Caelum colere, & Superis accepta referre
Majores fuisse boni: sed, Numina postquam 270
Contemni coeptum est luxu fastuque nepotum,
Ex illo quae sint miseros, quantaque secutae
Aerumnae, vix fando umquam comprehendere possem.
Insula tum prisca regis de nomine dicta
Ingenti terrae concussa Atlantia motu 275
Corruit, absorpta Oceano: quem mille carinis
Sulcavit toties, terrae regina marisque.
Ex illo & pecudes, & grandia quadrupedantum
Corpora, non ullis umquam reparata diebus
Aeternum periere: externaque victima sacris 280
Caeditur, externus nostras cruor imbuat aras.
Tum quoque & haec infanda lues, quam nostra videtis
Cor-

Corpora depasce, quam nulli aut denique pauci
 Vitamus, Divûm offensis, & Apollinis ira
 De caelo demissa omnes grassatur in urbes. 285

Unde haec sacra novo primum solennia ritu
 Instituire patres, quorum haec perhibetur origo.

Syphilus (ut fama est) ipsa haec ad flumina pastor
 Mille boves, niveas mille haec per pabula regi
 Alcithoo pascebat oves: & forte sub ipsum 290

Solstitium urebat sitientes Seirius agros:

Urebat nemora: & nullas pastoribus umbras

Praebebant silvae: nullum dabat aura levamen.

Ille gregem miseratus, & acri concitus aestu,

Sublimem in Solem vultus & lumina tollens, 295

Nam quid, Sol, te, inquit, rerum patremque Deumque

Dicimus, & sacras vulgus rude ponimus aras,

Maestatoque bove, & pingui veneramur acerra,

Si nostri nec cura tibi est, nec regia tangunt

Armenta? an potius Superos vos arbitrer uri 300

Invidia? mihi mille nivis candore juvencae,

Mille mihi pascuntur oves: vix est tibi Taurus

Unus, vix Aries caelo (si vera feruntur)

Unus, & armenti custos Canis arida tanti.

Demens quin potius Regi divina facefso, 305

Cui tot agri, tot sunt populi, cui lata ministrant

Aequora, & est Superis, ac Sole potentia major?

Ille dabit facilesque auras, frigusque virentum

Dulce feret nemorum armentis, aestumque levabit.

Sic fatus, mora nulla, sacras in montibus aras 310

Instituit regi Alcithoo, & divina faceffit.

Hoc manus agrestum, hoc pastorum caetera turba

Exse-

Exsequitur: dant tura focis incensa, litantque
 Sanguine taurorum, & fumantia viscera torrent.
 Quae postquam rex, in folio dum forte federet 315
 Subjectos inter populos, turbamque frequentem,
 Agnovit, Divûm exhibito gavîsus honore,
 Non ullum tellure coli, se vindice, Numen
 Imperat, esse nihil terra se majus in ipsa:
 Caelo habitare Deos, nec eorum hoc esse, quod infra est.
 Viderat haec qui cuncta videt, qui singula lustrat,
 Sol pater, atque animo secum indignatus, iniquos
 Intorsit radios, & lumine fulsit acerbo.
 Aspectu quo Terra parens, correptaque ponti
 Aequora, quo tactus viro subcanduit aër. 325
 Protinus illuvies terris ignota profanis
 Exoritur. primus, regi qui sanguine fuso
 Instituit divina, sacrasque in montibus aras,
 Syphilus, ostendit turpes per corpus achores.
 Insomnes primus noctes, convulsaque membra 330
 Sensit, & a primo traxit cognomina morbus,
 Syphilidemque ab eo labem dixere coloni.
 Et mala jam vulgo cunctas diffusa per urbes
 Pestis erat, regi nec saeva pepercerat ipsi.
 Itur ad Ammericen silva in Cartheside Nympham, 335
 Cultricem nemorum Ammericen, quae maxima luco
 Interpres Divûm responsa canebat ab alto.
 Scitantur, quae causa mali, quae cura superfit.
 Illa refert: spreti vos o, vos numina Solis
 Exercent: nulli fas est se aequare Deorum 340
 Mortalem: date tura Deo, & sua ducite sacra,
 Et Numen placate; iras non proferet ultra,

Quam

Quam tulit, aeterna est, nec jam revocabilis umquam
 Pestis erit. quicumque solo nascetur in isto,
 Sentiet. ille lacus Stygios, fatumque severum 345
 Juravit. sed enim, si jam medicamina certa
 Expetitis, niveam magnae mactate juvencam
 Junoni, magnae nigrantem occidite vaccam
 Telluri: illa dabit felicia semina ab alto:
 Haec viridem educet felici e semine silvam: 350
 Unde salus. simul obticuit: specus intus, & omne
 Excussum nemus, & circum stetit horror ubique.
 Illi obeunt mandata: sua ipsi altaria Soli
 Instituunt: niveam, Juno, tibi, magna, juvencam,
 Nigrantem, Tellus, mactant tibi, maxima, vaccam. 355
 Mira edam. (at Divos juro, & monumenta parentum)
 Haec sacra, quam nemore hoc toto vos cernitis, arbor,
 Ante solo numquam fuerat quae cognita in isto,
 Protinus e terra virides emittere frondes
 Incipit, & magna campis pubescere silva. 360
 Annua confestim Soli facienda sacerdos
 Ultori nova sacra canit. deducitur ipse
 Sorte data, qui pro cunctis cadat unus ad aram,
 Syphilus: & jam farre sacro, vittisque paratis
 Purpureo stabat tincturus sanguine cultros: 365
 Tutatrix vetuit Juno, & jam mitis Apollo,
 Qui meliorem animam miseri pro morte, juvencum
 Supposuere, feroque solum lavere cruore.
 Ergo ejus facti aeternum ut monumenta manerent,
 Hunc morem antiqui primum statuere quotannis 370
 Sacrorum. ille tuum testatur, Syphile, crimen,
 Victima vana, sacras deductus pastor ad aras.

D

Illa

Illa omnis, quam cernis, inops miserandaque turba
 Tacta Deo est, veterumque luit commissa parentum.
 Cui votis precibusque piis numerisque sacerdos 375
 Conciliat vates Divos, & Apollinis iras.
 Lustrati ingentes ramos, & robora sanctae
 Arboris advectant tectis: libamine cujus
 Vi mira infandae labis contagia pellunt.
 Talibus, atque aliis tempus per multa trahebant 380
 Diversis populi commixti e partibus orbis.
 Interea, Europae fuerant quae ad cara remissae
 Litora, jam rursus puppes freta lata remensae
 Mira ferunt: late (proh fata occulta Deorum!)
 Contagem Europae caelo crebrescere eandem, 385
 Attonitasque urbes nullis agitare medelis.
 Quinetiam gravior naves it rumor in omnes,
 Illo eodem classem morbo, juvenumque teneri
 Haud numerum exiguum, & totis tabescere membris.
 Ergo haud immemores, diras cecinisse volucres, 390
 Affore, quum silva auxilium poscatur ab illa,
 Continuo faciles Nymphas, Solemque precati,
 Intacti nemoris ramos, & robora ab alto
 Convectare parant luco, medicataque sumunt
 Pocula, pro ritu gentis: quo munere tandem 395
 Contagem pepulere feram. quin dona Deorum,
 Haud patriae obliti, & felicem ad litora silvam
 Nostra jubent ferri, caelo si forsitan isto
 Assimilem pellant labem. nec fata secundos
 Ipsa negant Zephyros, facilisque aspirat Apollo. 400
 Munera vos Divum primi accepistis, Iberi,
 Praesens mirati auxilium: nunc cognita Gallis,
 Ger-

Germanisque, Scythisque, orbe & gavisa Latino
 Jam nunc Europam vecta est Huyacus in omnem.
 Salve, magna Deum manibus fata semine sacro, 405
 Pulchra comis, spectata novis virtutibus arbor:
 Spes hominum, externi decus, & nova gloria mundi:
 Fortunata nimis, natam si Numina tantum
 Orbe sub hoc, homines inter gentemque Deorum
 Perpetua sacram voluissent crescere silva. 410
 Ipsa tamen, si qua nostro te carmine Musae
 Ferre per ora virum poterunt, hac tu quoque parte
 Noscêris, caeloque etiam cantabere nostro.
 Si non te Bactra, & tellus extrema sub Arcto,
 Non Meroë, Libycisque Ammon combustus arenis, 415
 At Latium, at viridis Benaci ad flumina ripa
 Audiet, & molles Athesi labente recessus.
 Et sat erit, si te Tiberini ad fluminis undam
 Interdum leget, & referet tua nomina B E M B U S .

F I N I S .



HIERONYMI
FRACASTORII

VERONENSIS

JOSEPH

LIBRI DUO,

A D

ALEXANDRUM FARNESIUM

CARDINALEM AMPLISS.

HIERONYMI
FRACASTORII

VERONENSES
JOS. E. P. H.

LIBRI DUO
ALEXANDRI PARISIENSIS
CARDINALEM APOSTOLICUM
FORS. 1717. 8vo. 1/2
G. 1717. 8vo. 1/2
N. 1717. 8vo. 1/2
D. 1717. 8vo. 1/2
H. 1717. 8vo. 1/2
I. 1717. 8vo. 1/2
K. 1717. 8vo. 1/2
L. 1717. 8vo. 1/2
M. 1717. 8vo. 1/2
N. 1717. 8vo. 1/2
O. 1717. 8vo. 1/2
P. 1717. 8vo. 1/2
Q. 1717. 8vo. 1/2
R. 1717. 8vo. 1/2
S. 1717. 8vo. 1/2
T. 1717. 8vo. 1/2
U. 1717. 8vo. 1/2
V. 1717. 8vo. 1/2
W. 1717. 8vo. 1/2
X. 1717. 8vo. 1/2
Y. 1717. 8vo. 1/2
Z. 1717. 8vo. 1/2

HIERONYMI FRACASTORII

JOSEPH,

A D

ALEXANDRUM FARNESIUM

CARDINALEM AMPLISS.

LIBER I.



UAE veterum Heroum, divae, facta
inclyta, Musae,
Et monumenta aevi longis obscura
tenebris
Illustrare novis numeris, & carmine
sacro

Ferre per aetates omnes, perque ora nepotum
Gaudetis, famamque virum proferre sub auras, 5
Nunc, o, nunc populi illius, quem maximus unum
Delegit Deus, & generis longo ordine ducti
Principe ab Abramo, veteres evolvite fastos:
Et Juvenem cantate pium, quem magnus Iacob
Isacides genuit: dederat cui nosse futura 10
Per somnos monstrata Deus. vos dicite, quanta
Ille tulit, Phariis tandem dum victor in oris

Imperium gereret magnum, populumque beatum
Conderet, unde salus hominum, spes unde futura
Vitae erat, & clausi referandum limen Olympi. 15

Nec minus, Italiae Juvenis decus (omnia quando,
Quae canimus, tua, FARNESI, sunt maxima iussa)
Ipse ades : & , plenum scopulis dum currimus aequor,
Da faciles in vela auras, da numine dextro

(Namque Deus mihi semper eris) tua grandia vota 20
Posse sequi, pelagique omnes superare labores.

En, primas fulcantem undas me litora Joppes,
Me juga Samariae, nemorosaeque pascua Sichen,
Jordanisque vocat : curvis en vallibus Hebron
Applaudit, caeloque simul tua nomina tollit, 25
ResponSATque Tabor voces, & sidera pulsat.

Noverat infernus Pluton, cui multa futuri est
Scire datum, in fatis Abrami e sanguine sacram
Progeniem terris promitti, Tartara per quam
Evertenda forent. metuenti talia Pastor 30

Rexque idem Sichenus erat suspectus Iacob,
Invisusque nimis : tum quod nec sanctius alter
Justitiam legemque Dei servaret, & aris
Tura daret : tum quod bisseña prole beatus
Natorum, populum in sanctum concrefcere solus 35

Posse videbatur. quare hanc intentus in unam
Progeniem, dabat omnem operam, quo perdere posset :
Praesertim egregium puerum, cui sidera fausta
Nascenti, & late felix arriserat aether.

Qui patre longaevo Rachele e conjuge cara 40
Natus, erat patri ante alios dilectus Ioseph.

Hunc forma insignem Charites studia inter alebant

In-

Ingenua, & mores, & avitae legis amorem?
Cui mens alta inerat quaedam divina futuri,
Atque animus semper summi admirator Olympi, 45
Et pia religio, & puero prudentia major.

Ex his invidiam Daemon tacitumque ferebat
Fratribus in reliquis odium, & mortale venenum.
Nec tantis non ipsa malis Fortuna fovendis
Affuit, augendisque odiis. nam forte per aestum 50
Quum fraterna cohors pecudes ad pabula nota
Lanigeras una silvas duxisset in altas,
Iliceaque umbra residerent, primus Ioseph
In fratres conversus ait: mea somnia, fratres,
Audite, illa quidem mira, &, nisi me mea fallunt 55
Auguria, haud vani speciem referentia somni.
Namque, sub Auroram quum se se sidera condunt
Casura jam nocte, & solus nunciat ortum
Lucifer, ipse meas spicas offerre videbar
Sacras ante aras, pariter vos ponere vestras. 60
Sed nostri caelum fasces se tollere in altum,
Et rutilam insignes late diffundere lucem:
Vestri autem obscuri, atque humiles summittere se se,
Utpote adorantes nostros. Cui grandior annis,
Atque odio in puerum non parvo accensus Iudas, 65
Vane puer, quid mira vocas tua somnia? numquid
Forte, inquit, Deus illa aliquis tibi mittit ab alto?
Credo equidem, nam vina Deum dicuntur habere.
Augurium quodnam somno tibi fingis ab isto?
An forsan Rex noster eris? tibi pone coronam 70
E lauro, noceant regi ne vina futuro.

Talia dicenti fratrum quoque cetera turba

Adcla-

Adclamant, regemque novum, dominumque salutant,
Et puero illudunt, tum patri haec somnia narrant.

At senior, cui non aberat Deus, omnia mente 75
Evolvitur tacita, atque in nato grande futurum
Nescio quid spectans, aliis tamen omnia vultu
Dissimulat, puerumque monet nos ludere somnos.

Ille autem, cui fata Deus majora parabat,
Post paullo in somnis aliud quid pondere majus 80
Conspexit. nempe in celsa sibi sede locato
Sub pedibus Solem ac Lunam stellasque minores
Undique adorantes divinos reddere honores.

Quorum ille interpret, (talem nam Numina mentem
Indiderant,) rursus fraternas omnia ad aures 85
Detulit. illi autem non celavere parenti

Somnia, non offensum animum, non pectora amara.
Obstupuit primum genitor, puerumque vocatum
His, velut interpret somni, duro increpat ore:
Tene igitur pater ac mater fratresque, ait, & plebs
Omnis adorabit? tu sede locabere in alta,
Nos infra viles humilesque precabimur? ah te
Si malus hic error tenet, & spes impia nutrit,
Pone animum hunc, levibusque istis & inanibus umbris
Tolle fidem, teque his fallacibus eripe monstis: 95
Quae Dii, si mala sunt & iniqua, immittere nobis
Non fuisse boni, ac potius mala Numina, Manes
Inferni exitium in nostrum ludibria fingunt.

Sic falsa ex adytis referunt oracula, sic &
Auguria ex avibus, dissectis omina ab extis. 100
An tibi non Belus, non est tibi notus Anubis,
Atque Ops, atque Hecate, non cetera turba Deorum,
Quos

Quos miserae Gentes aris, templisque dicatis
Ob responsa colunt, lex autem nostra prophanat?
Vade age, & haec nobis posthac ne somnia perfer. 105
Sic ait, & natos alios per dulcia mulcens
Dicta pater, jubet in Sichen, saltusque virentes
Ducere molle pecus, puerum consistere Ioseph
Se penes. expediunt juvenes mandata paterna,
Felicesque Hebron valles, & amoena vireta 110
Invisunt: sed non virides in vallibus herbae,
Non umbrae nemorum, placidaeve e collibus aurae,
Non volucrum cantus inimica insomnia possunt
Ex animis delere: eadem per singula versant,
Exacuuntque odia, atque iris laxantur habenae, 115
Injunguntque minas: dirae serpentibus atris
Eumenides instant. atque haec per talia jam Sol
Condiderat geminos ortus, quum luce sequente
Castra movere parant, Dothainque in pascua laeta
Ducere oves, quo plus patriis ab ovilibus absint, 120
Producantque magis redditum, quae invisa gerebant.

Ergo aliam atque aliam solito plus forte morati
Quum traherent cum nocte diem, miratus abesse
Hos tantum genitor, confestim accersit Ioseph:
Ique, ait, o mihi care puer, fratresque require 125
In Sichen, patrique refer, quae causa morandi:
Nam timeo, nequid male faustum evenerit illis,
Aut pecori. Ille viam, nulla est mora, corripit, & jam
Advolat in Sichen: sed fratribus & grege nusquam
Compertis, quid agat, dubius huc spectat & illuc, 130
Omnia collustrans oculis: modo nomine fratres
Magna voce vocat: tantum nemora alta vocanti

Re-

Respondent, vallesque cavae. Forte ilicis altae
Frondator ramorum aderat, qui, ut vidit anhelum
Ancipitemque sui puerum, noto obvius illi, 135
Quid quaeris, puer? inquit: oves si forte paternas,
Si fratres, ne quaere istis in vallibus illos,
Quandoquidem audiui dicentes, saltibus ex his
In Dothaïn cedamus: ibi fratresque pecusque
Invenies: dein monstrat iter, qua tramite recto 140
Ocyus inveniat laetissima pabula, namque
Plurima pars exusta aret, nec gramina nutrit.
Ille datum festinat iter: jamque ultima Sichen
Emensus, Dothaïn laetus propiora tenebat,
Quum specula longe venientem vidit ab alta 145
Plena odii fraterna cohors, ac protinus, en Rex
Noster, ait, quem Sol, quem Luna, & sidera adorant.
Nos famuli viles ad pastoralia nati,
Per deserta die rabido sub Sole vagamur:
Nocte in speluncis, patulave sub arbore somnos 150
Captamus, tecti rude lana & pellibus hirtis,
Despecti, vilique polenta, & flumine pasti.
Ille patris mensa virgata in veste recumbens
Lactibus haedorum, & lumbo pinguescit ovili,
Repleturque mero: tum stertens impia nobis 155
Somniat. huncne igitur, fratres, atque ista feremus
Opprobria? anne adeo caeci exspectabimus, ut jam
Grandior, atque animis fidens & patris amore
Nos premat, & ditionem omnem & fausta omnia patris
Surripiat, sic vera nimis sua somnia reddens? 160
Heu fratrum ignarae mentes, & pectora caeca.
Cur potius, dum testis abest, dumque omnia nobis
Dant

Dant animos, non hunc capimus? cur protinus istis
 Confossum gladiis, puteo non condimus illo,
 Qui prope contegitur dumis & sentibus atris? 165
 Dicemusque fame rabidorum ursive lupive,
 Qui multi deserta habitant haec, dente peremtum.

Talia jactabant inter se se effera fratres
 Consilia. at, cunctis aderat qui major & annis,
 Et major pietate Ruben, Dii talia nobis 170
 Avertant, ait; ah vestras ne sanguine, fratres,
 Fraternali maculate manus, neve ira Deorum
 Hoc velit, ut scelus ob tantum nos, & domus, & grex
 Una omnes pereamus. abest si testis, at ipse
 Est testis Deus: ipse Deus, quem nulla latere 175
 Facta queunt, quique hic & nos nunc spectat, & audit.
 Si tamen est animus vobis secludere prorsus
 Hunc puerum, sine caede ejus, sine sanguine in illum
 Trudite vicinum puteum, & dimittite fatis,
 Haec vero suadebat, uti jam caede remota 180
 Mox ipse ad puteum sera jam nocte rediret,
 Extraheretque illum, & misero sua pignora patri
 Redderet, ac fratrum tandem componeret iras.
 Verba omnes movere. placet sine caede prehensum
 Projicere in puteum, & miserum dimittere forti. 185
 Tum Ruben, a vobis fuerint quaecumque peracta,
 Horum me infontem videat Deus. ac procul inde
 Discessit, filvisque latens se condidit altis,
 Visurus rerum eventum. & jam laetus Ioseph
 Festinans aderat: contra fratrum impia turba 190
 Circumfusa ruit minitans, manibusque revinctis
 Nunc, inquit, tua vana tibi quid somnia profint,
 Aspi-

Aspicias: numquid regi parebimus omnes?
Ille pavens, stupidusque rei novitate precari,
Talia ne infanti facerent, Superosque vocare 195
Nequidquam: quando impatiens magis & magis urget
Crescens corde furor, facibus furialis Erynnis
Instat atrox, Daemonque malus, qui obsistere fatis
Posse putans, cunctorum aciem vertebat in unum.
At puer, ut nullis precibus, nullisve moveri 200
Fratrum corda videt lacrimis, sed jam impete multo
Compelli in foveam, quod restat, lumina tollens
In caelum, tales fundebat ad aethera questus:
Dii Abrahæ, Dii magni Isac, Dii patris Iacob,
Vos ego si sancte colui, si iussa paterna 205
Semper obii, semperque pie & sine crimine vixi,
Aspicite: & si fata mihi nunc ultima dant, ut
Jam moriar, miserum saltem servate parentem.
At vos o, tenere, fratres, quos semper amavi,
Majoresque habui, curate, hæc tristitia ad aures 210
Ne patris adveniant, sed me rapuisse latrones
Dicite, quo saltem spe se soletur inani
Viventis nati, Stygias nec tendat ad umbras
Ante diem: deserta ipse intumulatus arena
Emoriar. lacrimae dicenti talia fusæ 215
Ex oculis cecidere, simul voxque ipsa repressa est.
Et jam etiam fratrum sedari pectus & ira
Cooperat, Isachar quum, ne desistite, fratres,
Dixit, ab incepto, quin vinctum & fune ligatum
In foveam mittamus: ibi suspensus in imo 220
Sistatur fundo, donec meliora parent Dii
Consilia, atque cibum interea capiamus in herba,
Quan-

Quandoquidem jam Sol invitat, & altior hora.
Assensere omnes dictis, puerumque revinctum
Ad puteum flentem ducunt: hic fune ligata 225
Arboris ad truncum pendentis desuper altae
Demittunt pavitantem intro, fundoque relinquunt
Suspendum. at ipsi circum per gramina fusi
Implentur vili cerere, & cariotide pingui.

At Deus, aetherio terras qui spectat ab axe, 230
Infontem aspiciens, illo & miseratus amore,
Quo mare, quo terras, quo caelum condidit altum,
Unum ex aligeris, qui circum mille, Ministris,
Exspectant mandata, vocat: fidissime, & inquit,
Vade age, Samariamque tibi notissima dudum 235
Arva pete, &, quem scis fatis ad magna vocari
Isacidae puerum, qui caeco poscit ab antro
Auxilium, & fraterna odia & facta impia plorat,
Hunc inopem solare: nec est mandare necesse,
Quae referas, cui nota mea est & aperta voluntas. 240
Sic ait, & nutu placido, quo fidera cursu
Perpetuo ducit, Juvenem dimittit. at ille
Aetherias humeris accingit tenuibus alas,
Queis caelum illaesum penetrat, queis nubila tranat,
Praevertitque fuga Zephyros. jamque aethera scindens,
Aërios tractus, & inania lata secabat.

Qualis, ubi in liquidis stagnis, aut ardea longe est,
Aut albus conspectus olor, sacer accipitrum rex
Post varios gyros sublimis ab aethere lapsus
Immotis secat alta ruens oculo ocyus alis. 250
Impete non alio Volucer caelestis adibat
Samariae terras; primus quem vertice summo

Exce-

Excepit Tabor, insuetum frondescere silvas
Miratus, terramque nova vestirier herba,
Et varios praeter solitum summittere flores. 255
Excepere illum prognatae monte Napeae,
Et divina Deo cecinerunt: omnia rupes
Responfant, ipsa antra Deum, silvaeque salutant.
At sacer Interpres Divorum, ut vertice ab alto
Lumina deflexit terris, ac gramine fufos 260
Vescentesque videt fratres, ast inde camelos
Mercatorum Arabum spectat, Jovis omnia facta
Imperio, hinc animum ad miserum convertit Ioseph;
Descenditque celer: puteique in margine summo
Ut stetit, extemplo nova lux effulfit in antro, 265
Miratum & subitus puerum circumstetit horror.
Quem pius Interpres placida sub imagine, & ipso
Ore puer puerum dictis solatur amicis:
Pone metum, Diis care, patrum Deus ille tuorum,
Qui caelum regit, huc alto me ex aethere mittit, 270
Qui referam mandata tuos solantia luctus.
Hinc primum mittere foras, sed venditus auro,
Nomine mancipii: tum Nili in regna fereris,
Atque iterum vendere illic, multosque per annos
Servus eris, tunc ne vetita atque injusta libido 275
Te alliciat, neu Dii alieni, & falsa, caveto,
Numina decipiant, vestrum si semper habebis
Corde Deum, ipse aderit semper tibi, te bona semper,
Quidquid ages, quocumque iëris, fortuna sequetur.
Quin, magis ut fidas animis, tibi magna parantur 280
Imperia, & tempus veniet, quum vera videbis
Somnia visa tibi, quum te fratresque paterque

Sup-

Supplice adorabunt fletu: misereberis illis,
Nec miseros patiere fames ut perdat iniqua:
Quin ipsos, natosque eorum, ipsosque nepotes 285
In partem imperii, atque in tua regna vocabis:
Ingens ut tandem populus concre scat, arenae
Instar: quem Deus Aegypti de parte superba
Deducet tandem, & pedibus super aequora siccis
Pertransisse dabit, mox haec in regna reducet, 290
Lacte novo quae regna fluent, & melle perenni.
Mox (anni properate) diem felicia secla
Aspicient, secla illa diem, quam tanta futuram
Vatum oracla canunt, quum demittatur ab alto
Magna Dei Soboles, vestro de sanguine creta, 295
Quae scelus antiquum tollat, quae limina Caeli
Clausa diu, magnique fores praepandat Olympi.
Nec plura effatus Caelum se tollit in altum.

At juvenis, quamquam stupefactus Numine tanto,
Restitit, & rerum confusus imagine multa, 300
Laetatur tamen, atque animum per singula versat,
Speque futurorum praesentem corde dolorem
Discutit, atque oculos in caelum & fidera tollens
Sic fatur: Rex terrarum, Rex aetheris alti
Omnipotens, patrum Deus & tutela meorum, 305
Respice nos, & nostra tuo sub Numine si spes
Est omnis, super his primum miserere parentis.
De me autem quidquid statuet tua recta voluntas,
Seu laetum, seu triste pares, nihil ipse recuso.
Unum oro, si Parca mihi vidisse negabit 310
His oculis felicem illam, semperque beatam,
Optatamque diem, qua tandem ex aethere summo

Descendet tua Progenies, da cernere saltem
 In speculo, atque umbra monstra mihi, speque fideque
 Noscere da, puroque ejus de fonte lavari. 315
 Dixit, & ex imo traxit suspiria corde.

Interea e Madian, stacten, bdelaque ferentes,
 Cinnamaque, & liquidam styracen, & pingua tura
 Transibant Arabes, qua stabant gramine laeto
 Vescentes juvenes simul & diversa loquentes. 320
 Qui ut primum videre viros, Deus, inquit Iudas,
 O fratres, meliora parat, quam nostra ferebant
 Consilia: his etenim si mercatoribus ipsum
 Vendamus puerum, tum lucro, auroque piati
 Fraternali a morte immunes reddemur, & ad nos 325
 Posthac nec fama adveniet, nec nomen Ioseph;
 Sive Arabes isti Aegyptum, seu barbara regna,
 Marmaricam, Libyamve petant. ergo unus ad illos
 Mittatur, qui mancipii sub nomine, merce
 Proposita pretium statuatur, responsa reportet. 330
 Dicta placent, qui pacta ineat, jam mittitur: ipsi
 Interea speluncam adeunt, funemque ligatum
 Arboris ad truncum solvunt, & in aethera sursum
 Suspensum educunt puerum: qui talis in auras,
 Qualis mane rosa, aut riguo narcissus in horto, 335
 Prodiit, & formae servato vera decore
 Signa dedit, certumque Dei praesentis amorem.
 Jamque aderat mercator Arabs, & nuncius una
 Vile satis pacti pretium. proh Jupiter, ille,
 Quem tanta in fatis promissa, & tanta manebant 340
 Imperia, argenti bis deno venditur asse,
 Mancipium infelix. jam curvo terga camelo

Exci-

Excipitur. Nili ignotas jam fertur in oras.

At quadrupes, ceu divino sub pondere, vector
Insolitos dedit hinnitus, & signa recentis 345

Laetitiae: jamque & grato facilisque, levisque
Sessori tergum, fellamque accommodat aptam,
Agglomeransque pedes, retro focia agmina linquit.

At fratres, puer ut cessit, mala nuncia patri
Quis ferat, & quo infanda tegant facta impia pacto,
Ambigui, tandem statuunt praemittere vestem

A puero ereptam, caprino sanguine tinctam
Qui ferat, inventamque inter nemora avia dicat:

Danque placet mandata dari: qui instructus abunde
Omnia, longaezum non haec miseranda parentem 355

Exspectantem adit, & monstrato sanguine & ipsa
Veste, ait: hanc nostrae nemora inter devia primae
Invenere canes: cuius sit vestis, & unde

Hic cruor, ignari, patrem primum esse monendum
Duximus, ut te (siquid agendum est) consule agatur.

At pater, ut notam, maculisque & sanguine vestem
Consperfam vidit: quis te, carissime Joseph,

Quis Divum, ut tecum morerer, spes una fenestae,
Nate, meae, quis casus, ait, tam durus ademit?

Heu mala te silvae fera sustulit. ite per alta 365
Vos nemora, &, siquid misero de corpore restat,

Omae afferte mihi, saltem ut suprema sepulcri
Dona feram: vel & ipse, feris laniandus, in altis

Proripiar silvas: dabitur natoque patrique
Mors eadem. haec dicens, foedatos pulvere canos 370

Vellebat, lacerosque sinu exscindebat amictus:

Et famuli tandem collapsum in tecta reportant.

Parte alia Ruben, ut serum se vesper in orbem
 Intulit, ad caulas pecudes pecudumque magistri
 Quum redeunt, saltusque vacant pastoribus omnes, 375
 Desertum ad puteum solus redit, atque ibi Joseph
 Terque quaterque vocat. non respondente vocanti
 Ullo, sollicitus, puerum ne forte necassent,
 Rem spectare parat, caesaque ex ilice conto
 Scalam aptat, solersque imum se mittit in antrum, 380
 Omnia collustrans. verum, postquam omnia dudum
 Rimatus, puerum quaesitum haud reperit usquam.
 Ambiguus tandem reliquos perquirere fratres
 Destinatus: ac pecoris vestigia nota secutus
 Per noctem, demum inventos, de fratre quid actum
 est, 385
 Inter multa rogat. rem totam ex ordine pandunt.
 At Ruben, ut puerum audivit superesse, nec ullis
 Affectum damnis, hinc, fratres, inquit, eamus
 Ad miserum genitorem, & spe viventis & auras
 Spirantis gnati saltem (quod nunc datur unum) 390
 Solemur, rapuisse Arabes de more, relicta
 Veste, levi pueri fugientis vulnere tincta:
 Pastores ita ferre. aliquemque adducere testem
 Expediet, neque enim deerunt, qui dicere possint
 Se vidisse Arabes. his ergo rite paratis 395
 Patrem adeunt, & quae possunt, solatia jungunt.
 Ille autem, quamvis aliqua spe forte levatur,
 Non tamen aeternas lacrimas planctusque perennes
 Comprimere, aut tristi meditari gaudia mente
 Ulla potest, sed vitam aegram noctesque diesque 400
 In tenebris, hominum fugiens consortia, ducit.

Inte-

Interea puerum laetus deportat Ioseph
Mercator, plenis miratus cedere votis
Omnia. non illis terrae exarsere diebus:
Non ventis agitatae ullae tolluntur arenae 405
Ex solito: puerum Charites comitantur euntem,
Et Caeli favor, & faustis Spes dextera pennis.
Jamque pererratis Judaeae finibus, altae
Incipiunt turres & moenia Osyridis urbis
Apparere procul, campis ubi fusa Juventus 410
Munera militiae exercent: hi vincere cursu
Contendunt pedibus, hi fulvo in pulvere sudant
Luctantes, alii duro sub pondere cestus.
Pars volucres exercet equos, cursuque fatigat,
Aut inferre hosti versas post terga sagittas 415
Discit equo currente, aut hastam tollere campo.
Ergo Arabes postquam accessere, & pulcher Ioseph,
Mirati pugnas, placidi & praeludia Martis,
Consistunt, oculisque intenti & pectore toto
Vix satis expleri possunt. quos forte magister 420
Militiae, Eunuchus Regis, cui summa potestas
Et duri data erant Mavortia munera belli,
Ut vidit, confestim ad se se accedere iussos
Compellat. geritisne ullas, quas vendere, merces,
Optetis? quaedam, dixere, & aromata, & istum 425
Gestamus puerum, domino qui si placet, ultro
Munus habe: aut emtum si mavis, pro indole tanta
Da quodvis: pretium est magnum tua gratia nobis.
Ille autem, haud umquam ingratum, mercator, habebis
Fetifarum: accipiam puerum, at tu munere largo, 430
Speque tua maiore, mihi donabere multo.

His dictis recipit puerum, quem veste decora
 Induit, & sagulum donat, quo purpura limbo
 Fulva nitet, tum donat equum: laetissimus ille
 Altior it juvenes inter pulcherrimus omnes. 435
 Quem custode dato laetus praemittit ad urbem
 Fetifar, & carae uxori commendat habendum.
 Interea seras invexerat Hesperus horas,
 Et juvenum campis cedens manus omnis apertis
 Ibat ovans comitata ducem, ac jam pulcher Ioseph 440
 Ut dominam invisit, thalami & cognovit herilis
 Officia, ipse humilis fervorum se agmine miscens
 Obvius it domino. media se qualis arena
 Monstrat gemma nitens, radiisve micantibus aurum,
 Talis & ipse puer multis in millibus ibat. 445
 Quem matres, populusque omnis mirantur, ut ipso
 Incessu, gravis ore, pedes non dimovet usquam
 A duce, non oculos, sed semper totus in illo est.
 Nec minus, intra aedes ut ventum, epulaeque paratae,
 Ipse ulli deest officio, seu corpore opus sit, 450
 Seu celeri ingenio. sed enim super omnia mira est
 Grataque sedulitas, apta & prudentia cana.
 Quo factum est parvo post tempore, Fetifar illum
 Non thalamo ut tantum ipse suo praefecerit unum,
 Sed domui, & rerum ei summam commiserit omnem.
 Scilicet auspiciis & Diis cuncta ire secundis
 Fetifaro sint visa, agri producere fruges
 Uberius, sobolem armentum, sibi crescere honores.
 Omnia quae, ostento quodam permotus, Ioseph
 Attribuit puero, vatumque oracula suadent. 460
 Arbor erat Persaea, Deo sacrata Camefi,

Aedi-

Aedibus in mediis, quam vectam e Perside fertur
Orbe pererrato monumentum insigne futurum
Ipsa suis manibus plantasse nepotibus Isis.
Hanc apis externis veniens insedit ab oris, 465
Insignis fulgore & versicoloribus alis
Pulcher apis: quem mox examen grande secutum
Pendentem ramo longum traxere racemum.
Protinus ostentum ad vates defertur. at ipsi
Venturum externis aliquem portendere ab oris 470
Declarant, ingens populus quem deinde sequatur,
Ipsum qui fortunae opibus super aethera tollat
Fetifarum, largosque simul promittat honores.
Ergo his auguriis tantis censetur Ioseph
Monstrari, hinc majore illum dignatur honore 475
Fetifar, hinc omnes adamant: sed maxime Iempfar
Pulchra ducis conjux prae cunctis diligit unum,
Nescia adhuc, quanto jam sit devota furori,
Quis Deus infideat miseram. suspiria nondum
Emittit, nondum lacrimas: sunt omnia laeta 480
Dulciaque, & nondum quidquam persentit amari.
Quae malus, infernas sedes, Cocytia regna,
Qui regit, humani generis turbator & hostis
Ut vidit Pluton, semenque accrescere felix
Isacidum, invisam sobolem, vocat ocyus unum 485
Servorum, quibus insidiae fraudesque dolique
Sunt animo, queis mille artesque viaeque nocendi,
Ique, ait, & pulchram circum insinuatus Iempfar
Falle dolo, & primas escas, quas sensit amoris,
Tu flabris accende, imis illum ossibus ignem, 490
Illam immitte facem, quam nec vis ulla Deorum,

Non hominum exstinguat: mox ipsum accendere Ioseph,
 Si possis, omni arte stude. quod vincere si qua
 Non dabitur, tu perge tamen, pete rursus Iempfar,
 Acrius ure, furorem adde, inspiraue venenum: 495
 Queis monstribus agitata domum permisceat omnem,
 Inque odium, furiasque omnem convertat amorem.
 I celer, & nihil inde doli scelerisque relinque.
 Ille hilaris, promptusque malis sumtam e Styge lym-
 pham

Miscet Acidalio latici, tum ex anguibus unum 500
 Tisiphones capit, atque sinu mala semina condit.

Fetifari dein tecta petens, nutricis Iempfar
 Induit Iphicles formam, dominamque salutans
 Audi, ait, o mihi cara, miser quis casus Ioseph
 Torquet ad extremum vitae: vidi ipsa gementem 505
 Nuper, & optantem supremæ munera vitae.

Quaerenti mihi quæ tanti sit causa doloris,
 O mater, ne quaere, inquit, nam, sive tacebo,
 Sive edam, omnino moriar: præstatque tacendo
 Et vitam, & nostri causam finire doloris. 510

Cui ego: non sic, o fili, nam vulnera sæpe
 Auxilium patefacta & opem invenere salubrem.
 Dic audacter, amasne? hæc si tibi causa doloris,
 Spera, & fide, puer, namque ipsum vel tibi amorem
 Eripiam magicis, vel tu potiere cupito. 515

Erubuit: tum dixit, amo. Dii sunt mihi testes,
 Hunc quantum eluctans cepi, quam invitus amorem,
 Infidum in dominum qui me facit. at mihi sit mors
 Exoptanda magis, fidum periisse juvabit.

Sic ait, & fufis lacrimis pulchra ora rigabat. 520

Ut

Ut video, puer hic dominam te deperit: & ni
Opportune adsis, nimio moriturus amore est.
Cui virgo, o nutrix, quam dura & tristia narras!
Namque & amo hunc puerum, & vellem succurrere
posse:

Sed me jura Deum, sed vincla jugalia primum 525
Obsistunt: tum me tanto male sana periclo

Objiciam, & duri haud formidem conjugis arma?

Et nutrix, o nata, ipsorum crimina amantum

Dii ridere solent: solvendi jura mariti

Causa potens & justa tibi est depellere mortem 530

A puero, qui nec culpam commiserit umquam,

Culpa nisi est vel amare nimis, vel amore perire.

Audendum est in amore, pericla nec ulla timenda

Prudenti, Dii deinde ipsos tutantur amantes,

Queis amor, & pietas est prima & maxima cura. 535

Est mihi aqua, in dubiis rebus quae assumpta videre

Vera facit, dubiique omnis pars ultra legenda est.

Hanc dabo, si hac in re ancipiti stat cernere verum.

Ac Stygiam demonstrat aquam, medicataque fonte

Pocula Acidalio. placet, o carissima nutrix, 540

Virgo, inquit, totumque manu capit ipsa venenum

Intrepida, atque uno craterem exhauriit haustu.

His actis puerum Iphicle se vertit ad ipsum,

Et gressu ad thalamum illius contendit anili:

Qui laudes Superum Regi & divina legebat. 545

Ut vero in thalami mentitus limine Daemon

Constitit, & puero caelestem assistere Ioseph

Custodem vidit minitanti, ensisque coruscum

Vibrantem, extemplo subita formidine captus

Hor-

Horruit, & retro gressusque animumque reduxit, 550
Aufugitque celer: nocturnaeque alitis oti
Effigiem capit, & tecto se sistit in alto.



H I E R O N Y M I
F R A C A S T O R I I

J O S E P H ,

A D

ALEXANDRUM FARNESIUM

C A R D I N A L E M A M P L I S S .

L I B E R II.



T MISERA, ut Stygios latices de-
sumsit Iempfar,
Solaque permanfit, totis ardere me-
dullis
Visa sibi est, tota in subitum conver-
tier ignem;

Suspiransque gemenque, unum deposcit Ioseph.
Et modo se imponit stratis, paullumque morata 5
Assurgit, modo mutat & hunc, modo mutat & illum,
Fastiditque locum infelix, nec se capit usquam.
Non secus ac solet ille, acris praecordia causus
Cui torret, vel quem diplas calcata momordit.
Tandem ait, heu quidnam est, quod me tam faevi-
ter urit? 10
Est ne amor, an sumti latices? nempe est amor iste,
Quo

Quo moriâr, nisi formosus succurrat Ioseph.
 Tu mihi nunc succurre, puer, succurrere namque
 Ipsa etiam tibi constituo. moriemur amando
 Infantes ambo. Dii tanti criminis haud me 15
 Auctorem videant, non haec Aegyptia tellus.
 Dum licuit, potuique, tori concordia jura
 Servavi, nunc major agit me visque, Deusque,
 Imperioque premit. sic sit mihi Numen amicum,
 Ut nosco experiorque Deum, quem femina non est 20
 Contra stare potens. Deus hic custodiet ambos:
 Quin &, fuetus amare, teget solatia nostra.
 Dixerat, impatiensque morae vocat ocyus Efren,
 Unam ex ancillis, dominae quae fida solebat
 Ferre vigil mandata, vigil responsa referre. 25
 Vade, ait, & puero dic, huc accedat, Ioseph,
 Si vacat, & domini si nulla negotia nostri
 Impediunt. abit illa cita, & mandata facessit.
 Nec longe post jussus adest formosus Ioseph.
 Quem solum admissum virgo mutata colore 30
 Juxta astare facit: tum corde & voce tremente
 Care, inquit, puer, atque oculis mihi gratior ipsis,
 Verane tu dominae dices, quaecumque rogabit?
 Vera equidem (an fallam dominos?) ait ille, fatebor.
 Tu quodvis pete. & illa: Puer, te perditte amare 35
 Audio: si verum est, debent me nulla latere,
 Nec si ego sim, quam perditte amas, nam (vera fatebor)
 Ipsa etiam te perditte amo. tu nec mihi amanti,
 Nec tibi ego crudelis ero: da jungere dextram:
 Qualis eris, quantoque a me donaberis auro! 40
 Sic ait, & summis puero dedit oscula labris.

Ille

Ille pudore rubens, & secum mente revolvens,
Quae Divûm Interpres puero mandaverat olim,
Dii ne alieni illum, aut prava, aut injusta libido
Alliceret, taciteque Deum sibi adesse precatus 45
Haec tandem responsa dedit: Quod perditte amare
Audis me, domina, illicitum si forsan amorem
Audis, non ullam fateor me perditte amare:
Nec sic ipse etiam a quoquam peramarier opto,
Praecipue a domina. scis rebus me omnibus unum 50
Praefecisse ducem, seclufa conjuge tantum.
Anne igitur legisque meae, dominique mei sim
Proditor? ah Stygias potius detrudar ad umbras,
Esca vel alitibus, media intumulatus arena,
Mittar: & haec dicens dominam, thalamumque reli-
quit. 55

Illa autem, ut se se illufam, & spe funditus omni
Dejectam vidit, tamquam qui fulminis ictu
Percutitur, primum stupefacta immotaque paullum
Constitit, inde imo ducens fufpiria corde,
Astringensque manus, se se refupina cubili 60
Stravit inops animi, defertaque fanguine pallens.

At malus haec fummo tecti de culmine Daemon
Aspiciens, ave depofita, convertit anum se
Rurfus in Iphiclen, miseramque revifit Iempfar,
Atque ait, o, quinam cafus te, nata, malignus 65
Infequitur? quid cor cecidit? quid pallor in ore eft?
Ah ne animis cade, ne te ipfam defere, nata.
En praefto tibi fum nutrix tua, pone timorem.
Respice me. audito nutricis nomine paullum
Erexit se se in cubitum, tum lumina torquens, 70
O nu-

O nutrix, quondam nutrix, nunc dira noverca,
 Occidisti, inquit, miseram me, nec puer ille
 Perdite amat, nec se (quod longe est pejus) amari
 Sustinet, aut ullis precibus donisve movetur.
 Projeci memet, genus, & decus omne pudore 75
 Foedavi amisso, fractae spes, foedera rupi
 Conjugii: tu causa mali, tu criminis hujus
 Principium. quid restat ad haec, nisi caetera ferro
 Conficere, & meritam hanc animam demittere ad
 Orcum?

Cui dictis falsa Iphicle respondet amaris: 80
 Heu, mulier rerum ignara, & male conscia amorum,
 Quid mirum, puer insuetus plenusque pudore,
 Ceu virgo intacta, ad primos si expavit amoris
 Aggressus, de te dubius, metuensque pericli?
 Non ita res tractanda fuit, nec tu tamen omnem 85
 Spem depone, rudem puerum nam rursus adibo,
 Arguam, & ignarum, quae sint facienda, docebo.
 Tu tantum triduo expecta, lux quarta benignum
 Sidus habet, miseros fidus quod spectat amantes
 Conjungitque. sub hoc Hymenaeus fidere primum 90
 Natus, & ipse puer Venere enitente Cupido.
 His dictis se se paullum solatur Iempfar,
 Erexitque cadentem animum. meliora ferant Dii,
 Vade, ait; interea sacras venerabimur aras,
 Fundemusque preces, & amica vocabimus astra. 95
 Ergo, ubi luce nova rutilum Sol aureus orbem
 Implevit, visura Deos se se ornat Iempfar,
 Pulchra auro, spectanda ostro, spectanda pyropo,
 Sed forma spectanda magis, proprioque decore.

Quam

Quam matrum numerosa cohors comitatur euntem, 100
 Nec non & famulis praeses formosus Ioseph
 Lumina dejectus, dominaeque sui misertus
 It comes. ipse tamen sanctas procedere ad aras
 Patronam putat, ut commissi criminis oret
 Exposcatque Deos veniam, & deponat amorem. 105
 Contra autem illa rogat Divosque & sidera cuncta,
 Ut faveant votis, & sint in amore secundi.
 Haec eadem celebrat demens & luce sequenti,
 Atque alia, donisque etiam majoribus aras
 Accumulans, pecudum fibras rimatur & exta. 110
 Verum, ubi quarta dies rediit, Solque igneus orbi
 Illuxit, lux sancta, inquit, lux optima, salve,
 Sidera vos, salvete, quibus conjungere amantes
 Est amor, & sobolem mundo servare perennem.
 Tum puerum acciri carum jubet. ocyus ille 115
 Nil metuens, & jam dominae securus amorum
 Advenit. illa itidem sperans fore prospera cuncta,
 Nutricis decepta dolis, ut vidit amatum
 In manibus puerum, meus es, meus, inquit, & ipsa
 Sum tua: quid prohibet, ne nos jungamur amantes? 120
 Iste torus communis erit: ne gaudia differ,
 Neu fortem contemne tuam. tum pallia captat,
 Et trahit ad se se puerum. stupet ille pudorem
 In domina amissum, tandemque his vocibus infit:
 Qui furor, aut quaenam mala mens, olim inclyta conjux
 Fetifari, nunc haec adigit te talia posse
 Moliri? certe Eumenidum nunc te una sororum
 Exagitat, nam (quam reris) non est tua nutrix
 Iphicle, sed de Stygiis emissis tenebris

Dira-

Dirarum una, dolis quae te decepit & astu 130
Illa eadem me aggressa malis conatibus ausa est,
Sed vetuit tentare Deus. vidi ipse retrorsum
Cedentem, & formam mentitam, & fumida novi
Sulphura, nidoremque atrum post terga relictum.
Talia dictabat puer. at post ostia Daemon 135
Qui stabat, clausos magno conamine postes
Impulit, intravitque ferox, & lumine torvus
Tartaream effudit vocem, qua terruit omnes.
En ego mentita Iphicle, en ego sum una sororum
Eumenidum, una e Stygiis emissa tenebris? 140
Nunc faxo, experiare. sinuque cita eripit anguem
Pestiferum, qui secreta sub veste latebat,
In puerumque jacet. Custos caelestis at illum
Reppulit, atque omnes conatus fecit inanes.
At coluber, sibi ut in puerum sublata potestas, 145
In miseram insidias omnes molitur Iemphar,
Perque solum tacite repens, ventremque retorquens
Lubricus, in vestem insinuans se illabitur: inde
Interiora petens & viscera cuncta pererrans,
Tartareum virus jaculatur ad intima cordis. 150
His monstris puer interea pavefactus, amictus
Immemor aufugit, seque in sua tecta recepit.
Quem virgo ut fugisse videt, utque acre venenum
Sensit, in insanum subito conversa furorem,
Clamorem immensum tollit, quo ipsa atria, & omnis 155
Intremuit domus, & timuit vicinia tota.
Non secus, ac si Vulcanus penetralia cuncta
Involvat, caeloque furens incendia jactet.
Currite io, matres, scelus atque audite nefandum
Man-

Mancipii Hebraei, qui nunc, proh Iupiter, ausus 160
Fetifari est magni sacrum violare cubile,
Vimque inferre mihi, nisi nutrix tempore in ipso
Promta tulisset opem, & sceleratum veste relicta
Ejecisset. io fugitivum apprehendite, servi,
Ite citi, properate, viarum claudite cuncta 165
Effugia, & domini scelus hoc afferte sub aures.
Talia vociferans misera effundebat Iempfar.
Omnia quae falsa Iphicle confirmat, & auget,
Dignum morte fore, hoc sceleris qui admittere tantum
Audeat; exacuitque animos. clam deinde recedit 170
Nulli visa, & avi similis se immiscuit atris
Nubibus, & Stygias sedes atque impia Ditis
Regna petit, laetoque refert crudelia facta.
Interea miser a servis comprehensus Ioseph
Ducitur, & nemo est, qui dicere multa volentem 175
Auscultare velit miserum, non Fetifar ipse,
Quem jam res audita acri compleverat ira:
Non tamen ut morti damnet, sed turre sub ima,
Carceris esse locus miseris ubi sueverat, illum
Intrudi jubet, & vigili custode teneri, 180
Tantum olyra vili, limoso & flumine pasci.

At juveni caelestis erat custodia major
Aliger aetherius, summo qui missus ab axe
Carceris intrarat portas, ubi proxima terras
Nox omnes caecis tenebris obduxit & umbra: 185
Ergo alias puero notus, solatur amico
Ore illum, firmatque animum, tollitque timorem
Luce nova, excussa noctisque & carceris umbra.
Omnia quae postquam custos Aegyptius alta

Prospexit de turre, Deus, Deus, inquit, in illa 190
 Luce viget, nosco splendorem & verba notavi:
 Nec Deus est illic, nisi & hujus criminis insons
 Est puer. infontem servabit Jupiter aequus.
 Ex illo custos juvenem veneratur Ioseph,
 Et pascit meliore cibo, quam dura jubebant 195
 Fetifari mandata, & duri carceris omne
 Tollit onus, ferrumque pedum, visitque frequenter,
 Solaturque, & saepe in caelum educit apertum.
 Jamque quater binos Phoebe compleverat orbes,
 Quum duo, quorum alter pincerna Pharaonis, alter 200
 Pistor erat Regis, prae suspitione veneni
 In Cerere inventi, conclusi carcere eodem
 Cum puero Isacide fuerant. hi tempore parvo
 Post, utrique una viderunt somnia nocte,
 Somnia, quae mox mane novo dum mutua versant, 205
 Ignari, quid portendant monstrarentve futurum,
 Sollicitis nutant animis. quod pulcher Ioseph
 Conspiciens, Quidnam, juvenes, tam pectore tristes
 Vos hoc Sole novo video? Nos somnia facta
 Nocte hac sollicitos reddunt, quae exponere, nemo est,
 Qui sciat hic, dixere: quibus sic pulcher Ioseph:
 Somnia vos narrate, Deus dignoscere forsan
 Illa dabit. Dicemus, ait, pincerna, priorque
 Ipse edam. nam Vitis erat pulcherrima ternis
 Laeta propaginibus, gemmas turgescere primum 215
 Palmitibus, mox & flores exire videbam,
 Post flores gravidis uvas pendere racemis:
 Quos jam maturos manibus premere ipse videbar,
 Vinaque diffundens pateris spumantia plenis

Regi

Regi larga dabam, solito Rex more bibebat. 220
 Cui puer interpres: Quidnam tua somnia monstrent,
 Expediam. vitam illa tuam pulcherrima Vitis
 Ostendit: gemmae, flores, uvaeque secutae,
 Sunt fructus, quos tu peperisti temporis hujus
 Curriculo: dabitur merces, & honoribus ipse 225
 Restituere tuis, & pristina pocula Regi
 Consueto de more dabis: terna illa propago
 Tres luces, quibus haec veniant tibi prospera, mon-
 strat.

Tu vero, quum te carum gratumque Pharaon
 Accipiet, nostri (si qua hujus gratia facti est) 230
 Sis memor, immeritumque isto dic carcere claudi.
 Tum pistor simulac vidit dicta omnia recte
 Congruere, ipse etiam, dixit, mea somnia pandam.
 Nam capiti imposita ipse meo tria plena canistra
 Spectabam, duo farinae inferiora, supremum 235
 Omni opere plenum, omni illo pistoria quod scit
 Ars facere, & nostrum ingenium, sed cuncta volucres
 Exesse, & secum latas deferre per auras.

Cui bonus interpres: Divum est novisse futura,
 Falli hominum est. dicam, quidnam tamen augurer ipse
 His super. illa, quibus vidisti plena canistra,
 Sunt opera & vitae fructus: duo prima, ubi simplex
 Farina est, vitae monstrant duo tempora prima,
 In quibus & simplex vita & sincera peracta est:
 Summum opere infido plenum est, & fraude, dolisque
 Omnibus, ingenium quae, aut ars pistoris iniqui
 Extudisse valet, quae sunt jam cognita Regi.

At merces horum meritorum & praemia, foedae

Sunt volucres, corvi immundi, milvique rapaces.
 Vulturique, caput qui effossaque lumina palcent 250
 In cruce suspenso: tribus haec ventura diebus
 Terna canistra notant: tamen haec me fallere possunt,
 Si tu animo possis mutari, nam & Deus ipse
 Saepe solet mutare mala & convertere fata.
 Talia tractabant juvenes. & tertia jam lux 255
 Orbi inuenta aderat, quum custos carcere aperto
 Pincernam infontem, noxa poenaeque solutum
 Declarat, miserum Regis decreta severi
 Pistorem damnare cruci. de carcere uterque
 Ducitur haud aequa forte, & longe impare fato. 260
 Hic ad tigna, ille ad Regem stipatus ovantum
 Et laetus clamore virum, & clangore tubarum.
 Vertitur interea ter Solis cursus in alta
 Solstitia, atque novum mundo portaverat annum:
 Forteque Rex dulcem prona jam nocte quietem 265
 Ducebat, Deus ex alto quum somnia in illum
 Immisit, miranda adeo, ut cedente sopore
 Attonitus Rex magnum aliquid portendere visa
 Crederet. ergo omnes jubet e regione vocari
 Chaldaea, Aegyptoque, quibus cognoscere cursus 270
 Metirique vias caeli, & momenta minuta
 Astrorum, casusque hominum, & praenoscere futura est
 Cura audax, nec non magicis qui incumbere sacris
 Consuevere, & qui ex adytis oracula Divum
 Consulere, & caesarum oviumque boumque per exta
 Rimari secreta solent, qui noscere flammae,
 Qui fluitantis aquae motus, qui jungere arenae
 Fatalem numerum, & cognoscere fulminis iras,
 Qui-

Quique vias fervare avium, & dignoscere cantus,
 Denique, divini rerum quicumque vocantur. 280
 Quorum ingens numerus magni plena atria Regis
 Intrarant, alii longis capita alta tiaris
 Induti, aut alii spectandi cornibus hirtis,
 Auratis alii strophis: longissima mento
 Cunctis pendet barba, ipso stat pallor in ore. 285
 Quos simulac ad se Rex alta a sede vocavit,
 Somnia visa docet primum, dein munera larga
 Promittit, largosque illis proponit honores,
 Somni qui interpretes fuerit: noctemque diemque
 Responso tempus statuit. sed noxque diesque 290
 Venerat, & nemo apparet, qui somnia Regi
 Enodare queat, nulli sua fidera, nulli
 Ars magica, aut quaesita aris oracula profunt:
 Non artes aliae, non barbae, altaeque tiarae.
 Ergo hinc irasci, & tristis moerere Pharaon, 295
 Nec quemquam audire, ac solo in conclave latere.
 Hic Regis pincerna, memor, quae in carcere Joseph
 Fecit, & ipsorum quam verus somnia vates
 Exposuit, subito Regem petit, atque ita fatur:
 Peccavi, Rex magne, tibi, quae in carcere vidi, 300
 Non referens. nam scis, ut mecum pistor iniquus
 Carcere damnatus fuerit sub turre magistri
 Militiae, eunuchi. forte illo carcere eodem
 Fetifari puer Hebraeus, puto crimine falso
 Missus erat. duo nos (ita suasi) somnia quaedam 305
 Nocte habita a nobis, juveni narramus. at ille
 Divino quodam afflatu visa omnia nobis
 Exponens, mihi, te, dixit, lux tertia ab isto

Carcere deducet, multis & honoribus auctum
 Restituet primo officio: te, pistor inique, 310
 Lux eadem in cruce constituet, te immunda volucrum
 Agmina depascent, corvi, milvique rapaces,
 Vulturique, nisi ipse animum convertere possis
 In melius, sic namque Deus mutatur & ipse.
 Omnia quae evenisse vides. tua somnia certe 315
 Hic puer exponet, magnum nam Numen in illo est.
 Auditis Rex laetus ait, vade ocyus ergo,
 Duc puerum, & nostro jussu de carcere solve.
 Ille celer mandata facit, puerumque parumper
 Ornat, detondetque comas, vestemque ministrat; 320
 Tum Regi adducit timidum. Rex omnia lustrat
 In puero, sibi cuncta placent, sic denique fatur:
 Te, puer, hi dicunt exponere somnia, numquid
 Vera ferunt? ait ille: Deus, Rex optime, solus
 Somnia nosse potest, & ficui maximus ille 325
 Hoc dederit. potero ipse meo pro Rege precari
 Atque orare Deum: forsan dabit, omnia quando,
 Quae Regum sunt, ipse solet curare Deum Rex
 Atque hominum. dein paullum animoque & mente
 moratus,
 Nunc inquit, Rex magne, mihi tua somnia pande. 330
 Fluminis ad ripas Nili stare ipse videbar,
 Rex ait, & septem ecce boves e flumine pulchrae
 Exire, & late errantes per litora pasci
 Florentes herbas, loton, medamque virentem,
 Et suavem mynianta, quibus pinguescere, quantum 335
 Plena solet, sacras quae ducitur hostia ad aras.
 Vix oculos verti, ecce aliae per litora septem

Defor-

Deformes, aegraeque, quibus vix pellis adhaeret
Ossibus, apparere boves, quae carice summa
Vix pastae & dura paliuro & sentibus hirtis 340
Corpora macra, suis nervis vix ducta, trahebant.
Obstupui. nam dira fames atque ardor edendi
Improbis exegit tantum has, ut pingua septem
Corpora prima boum congressae tota vorarent.
Mox iterum dulcis me habuit sopor alter, & ecce 345
Rursus septem uno spicae consurgere culmo,
Pulchraeque gravaeque & onustae pondere multo.
Mox septem prodire aliae tenuesque & inanes
Exili e stipula, scabraque urigine tostae,
Quae succum & decus omne aliarum absumere visae
Sunt mihi. miratus, postquam sopor ille recessit,
Somnia proposui multis, sed dicere nemo
Scit sensum & portenta horum: te si manet ista
Gloria, si te unum e tantis haec somnia poscunt,
Toto animo laetare, puer: te fama sequetur 355
Perpetua, & tantis a me ditabere donis,
Ut te non videat majorem Aegyptia tellus.
Cui juvenis: Rex magne, Deus te diligit, ipse est,
Somnia qui immisit, nec, quae illa intelligat, esse ars
Ulla potest, quae auctore Deo non utitur: unde 360
Nec vates potuere tui, quibus omnibus est ars
Absque Deo. Primum septem felicibus annis
Largius undantem solito, majoreque Nilum
Flumine rumpentem ripas, secumque trahentem
Felicem limum, foecundaeque aequora arenae 365
Fortunata nimis tellus Aegyptia cernet.
His annis tantum messis, tantum uberis illa

Colliget, ut non sufficiant solita horrea messi.
 Ubertatem istam pingues nimiumque nitentes
 Monstravere boves septem, quae e flumine Nili 370
 Exivere, herbas pingues per litora pasta.
 Hanc etiam & spicae septem, quas pondere onustas
 Laetasque plenasque uno consurgere culmo
 Vidisti, pariter monstrant: nam somnia visa
 Non duo re, sed idem ostendunt. nunc porrige mentem,
 Optime Rex: nam septem annos, qui deinde sequentur
 Infelix steriles durosque Aegyptus habebit.
 Ipse intra ripas demisso flumine Nilus
 Curret iners, supraque caput limumque feracem
 Non tollet: sicca arebunt arva omnia, sicca 380
 Solstitia, & nulli descendant montibus amnes
 Consueti pluviarum amnes sub fidere Cancri:
 Aethiopum populis nec hiems aestiva redibit.
 Agricola infelix nullo versabit aratro
 Arva, nec arenti mandabit femina terrae, 385
 Sed miseros edet annona cogente juvencos.
 Haec septem docuere boves per litora siccae,
 Deformes, macraeque, quibus vix ossibus haerens
 Pellis erat. haec septem illae rubigine tostae,
 Squallentesque situ spicae, & sine pondere turpes 390
 Ostendunt: duplici exemplo te commonet ipse;
 Qui novit ventura, Deus, quo tu quoque solers
 Commovere magis, damnoque occurrere possis.
 Quod facere ut valeas, si me fortasse requiris,
 Sic habeas. majora para primum horrea, & omne, 395
 Quod superat segetum his septem felicibus annis,
 Coge illic, servaque vigil: dein multa talenta

Auri-

Aurique, argentique in fruges undique emendas
 Impende, annorum quantum penuria septem
 Exposcet ventura fami, campisque ferendis. 400
 Talia narrabat juvenis, quae singula mente
 Rex volvit tacita. tandem & sic voce profatur:
 Hoc certe Deus in puero, nec talia dici
 Absque Deo potuere, nec illi Aegyptia tellus
 Aut Chaldaea videt similem. tum amplectitur illum 405
 Laetitia illacrimans. post me tota ista secundum
 Te aspiciet regio, servatoremque vocabit.
 Sic ait, & chlamydem gemmis ostroque nitentem
 Ferre dat, atque auri torquem circumdare collo.
 Mos erat, ut gemma caelata, insignis & auro 410
 Annulus, antiquo regum de more vocatus
 Regius, a nullo, nisi Rege Pharaone, posset
 Gestari, aut siquis foret ipso ab Rege secundus:
 Hunc sibi Rex digito detractum imponit Ioseph,
 Quo populus post regem illum sciat esse secundum. 415
 Praeterea, qua se solennibus ipse diebus
 Invectum mula populis urbique solebat
 Ceu quemdam monstrare Deum, sic mandat & ipsum
 Urbe vehi, mulaque eadem procedere Ioseph,
 Praeclamante tuba, Regi inclinate secundo 420
 Quisque caput, sanctoque novos conspergite flores
 Servatori hominum, solus qui somnia Regis
 Exposuit, qui plena Deo praecordia gestat.
 Talibus ornatus donis, & honoribus auctus
 Isacides juvenis, cuncto acclamante senatu, 425
 Praeficitur toti Aegypto. Qui sedulus omni
 Ingenio curaque in primis horrea ubique

Magna

Magna parat, mox frugum ingentibus undique acervis
 Collectis, partim terra Memphitide natis,
 Partim emtis aliunde implet, stipatque, nec ullum 430
 Dat rebus spatium: regionem lustrat, equorum
 Imminuit numerum, atque hominum: Dii cuncta se-
 cundant.

Urbs erat Helipolis, Solis de nomine dicta,
 Cujus Rex, idem & templi Phoebique sacerdos
 Supremus natam formae & virtutis habebat 435
 Insignis, quam saepe Deus consultus Apollo
 Dixerat haud ulli indigenae thalamo esse locandam:
 Conjugium externum fato majore parari,
 Quo genus, & clari tollantur in astra nepotes.
 Ergo istaec juvenem monstrare oracula Ioseph 440
 Censet & antistes templi, & Rex ipse Pharaon.
 Quo circa, quum jam septem felicibus annis
 Aegypto in tota ubertas, atque omnia ubique
 Laeta forent, placuit Regi dignis hymenaeis
 Et thalamo Ifacidem juvenem sociare jugali; 445
 Laetitiamque augere, diesque inducere festos.
 Ergo haec per ludos & per convivia laeta
 Dum fiunt septem foecundi messibus anni
 Jam finem, ubertasque, omnis jam copia habebat.
 Jamque pererratis Geminis per sidera Cancri 450
 Sol altos agitabat equos, Aegyptia quum gens
 Miratur Nili nulla incrementa videri,
 Sed purum & nulla permistum flumen arena
 Ipsum inter ripas tristi procedere cursu.
 Jam tellus foecunda prius, nunc aret, hiatque 455
 Usta siti, nec spes Cereris promittitur ulla.

Semi-

Semina si qua etiam laetis sparguntur in arvis,
Aut nullos edunt foetus, aut protinus omne
Enatum foedae vitio rubiginis aret,
Aut abit in lolium infelix, fluidumve papaver. 460
Vivitur ex annis lapsis, retroque coacto
Foenore, quod primo sterili vix sufficit anno.
Verum, ubi dira fames homines se vertere ad herbas,
Et pecus immeritum, atque immunda animalia adegit,
Regem urbes & rura adeunt, subsidia poscunt. 465
Rex ad Praefectum cunctos dimittit Ioseph,
Servatorem hominum. populis hinc horrea aperta,
Et justum indictum pretium: gaza undique & omnes
Congestae portantur opes: aeraria Regis
Complentur: nec adhuc quartus se verterat annus. 470
Quid facerent miserae gentes? sola arva supersunt,
Quae vendant, si emtorem habeant, nam solus Ioseph
Esse potest pro Rege emtor. ergo ille rogatur,
Arva emat, & miseris det opem, nec pacta recuset.
Reddituum cujusque agri quintam dare Regi 475
Promittunt, sic pacta ineunt, sic foedera firmant.

Interea, externas quoniam penuria terras
Haec eadem affligit, populos it fama per omnes,
Aegyptum sat frumenti, quod vendat, habere.
Ergo & Sichenus natos affatur Iacob: 480
Cur non Aegyptum, nati, cur regna beata
Non petitis, cur non nobis alimenta paratis?
Num perimat nos ista fames? mandata capeſſunt
Natorum deni: fratrum natu ultimus aſtat.

Ut vero Aegyptum petiere, & Oſyrida terram 485
Frumentis praefectum adeunt, & supplice cultu

Aere

Aere dato frumenta rogant. cognovit Ioseph
 Germanos, statuente Deo, non cognitus illis.
 Praeteritique memor, quamvis injuria multum
 Facta potest, tamen & patris, fratrisque misertus 490
 Benjamin, his etiam parcit, tum fatur ad illos:
 Unde, & quoniam hominum ad nostras acceditis oras?
 Illi autem: e terra Canaam, de sanguine Jacob
 Venimus huc cogente fame, quae plurima perdit
 Samariam. domus est nobis plenissima, primus 495
 Est pater, undeni nati, parvique nepotes,
 Pastorumque manus, vernarum est plurima turba.
 Venimus ergo ad te, nobis alimenta rogantes,
 Ne pereat gens tanta: tibi iusta aera dabuntur.
 Nec nos immemores erimus. pater optimus urbem 500
 Ipse regit Sichen, pastor, cui millia multa
 Sunt pecudum: quovis pretio da vivere tantum.
 His verbis quamquam frater commotus, & aegre
 Abstenuit lacrimis, ficto tamen omnia vultu
 Dissimulans, quid verba mihi datis, inquit? an ipse 505
 Eludar? nisi me os fallit vultusque loquentum,
 Exploratores puto. cur mandata paterna
 Non geritis? cur nec frater huc venit & alter?
 Ast illi: minime. tales ne rere, precamur.
 Per patrem patrisque Deum juramus, adire 510
 Nos iussit, nos dira fames: natu ultimus unus
 Cum patre Benjamin adolescens restitit, & spes
 Solamenque senis: nos, qui sufferre laborem
 Possumus, atque moras longarum auferre viarum;
 Venimus orantes vitam, mandata putantes 515
 Nulla opus esse istic ferri: miserere precantum,
 Et

Et miserere patris, pueri miserere relictī,
Parvorumque (potest pietas si in te ulla) nepotum.
Hic lacrimas vix continuit, convertit & ora,
Toto animo & vultu multum commotus Ioseph. 520
Inde ait: Est mihi firma, viri, sententia menti,
Frater ut huc alius veniat: vestrū hic erit unus
Obses, vos alii ad patrem frumenta feretis
Interea. haud aliter (per Regem & Numina juro)
Ulla potest vobis abeundi hinc esse potestas, 525
Neu faciem spectare meam, aut audire loquentem.
Consulte, & ternis dentur responsa diebus.
Sic ait, & custode dato victuque remittit.
Illi, inter se se postquam diversa locuti
Viderunt Praefecti animum, praestare putarunt 530
Ferri multa domum frumenta, loco obsidis unum
Dimitti, properare alios, iterumque reverti
Eunt alias fruges, alium & conducere fratrem.
Ergo nominibus scriptis fors ducitur, obses
Extrahitur Simeon. & jam lux tertia mundo 535
Clara aderat, responsa petit Praefectus, at ipsi
Enarrant decreta. igitur frumenta parari
Imperat accepto pretio: clam deinde ministros
Admonet, ut summis faccis aera omnia ponant,
Quod fuerit cujusque, datum: custodibus obses 540
Traditur: at fratres oneratis tergora asellis
Aegyptum, & multo fratrem moerore relinquunt,
Samariamque petunt: quo postquam denique ventum est,
Atque unum pater e natis sibi vidit abesse,
Clamat, ubi Simeon meus est? cur cernere natum 545
Non datur? est ne aeger? minime, pater, inquit Iudas,
Sed

Sed valet, Aegypti est obses tellure relictus,
 Dum rursus redeamus, & hinc ducamus & istum
 Benjamin. nam qui frumentum vendidit, ut nos
 Vidit vir magnus, & ab ipso Rege secundus, 550
 Quaesivit multa a nobis, numquid pater esset,
 An frater nobis alius: quae quum omnia recte
 Dixemus, vos has certe venistis ad oras
 Exploratores, inquit, mandata paterna
 Cur non huc geritis? cur non alium quoque fratrem 555
 Huc duxistis? ad haec respondimus omnia. tandem
 Summa fuit frumenta dari, nos deinde reverti,
 Adduci puerum, interea obses detur, & unus
 E nobis maneat: per Regem & Numina Caeli
 Juro, inquit, nec vos aliter frumenta feretis 560
 Posthac, nec me audire umquam aut spectare licebit.

At pater, haec postquam audivit, proh summe
 Deum Rex,

Estne adeo infelix alius pater? occidit unus
 Natorum, obses & est alius, subducitur alter
 Cum reliquis, simul ut cuncti moriantur, & ipse 565
 Exspectem, ferat haec nostras crudelis ad aures
 Nuncius: o prius hanc miseram, Dii, demite vitam.
 Talia fundebat lacrimans. circum undique nati
 Solantur, tam adversa bonos non Numina habere.
 Mox, ubi depositis solverunt vincula faccis, 570
 In summis aes omne datum pretiumque repostum
 Inveniunt: stupuere omnes, sed tristis Iacob
 Hoc deerat, nati, hoc, inquit, quod funditus omnem
 Spem raperet. nam si vobis Aegyptia ad arva
 Sit reditus, qui vos primum vir maximus ille 575
 Explo-

Exploratores dixit, nunc nomina furum
 Imponet, causam inquirens, qua perdere possit.
 Nempe ego Benjamin puerum, spem patris, & unum
 Solamen, non huic tradam fidamque periclo.
 Vos alii, si fata urgent, Divûmque voluntas, 580
 Ite, rei fidei promissae: ego, quidquid apud me est
 Aurique argentique dabo, quo vos redimatis
 Et fratrem, & si fors aderit, frumenta feratis.
 Quem contra illacrimans juvenis sic fatur Iudas:
 Care pater, nos primum audi, dein consule nobis, 585
 Atque tibi. nam quo pacto continget adire
 Illum hominem, qui juravit, per regia sceptrâ,
 Per Superos, nisi Benjamin duxerimus ipsum,
 Ille quidem nec nos, nec, qui est in carcere, fratrem
 Dimittet, faciemve ejus spectare licebit? 590
 Verum, ut de nobis sint dura & tristia quaeque,
 Vos miseri quonam pacto vivetis, & unde
 Tanta domus? capiti, quaeso, pater optime, tandem
 Fide meo, puer iste omnes servabit, & ipsum
 Te patrem. mihi praeterea duo pignora cara 595
 Sunt, nati, tu illos (concedo) interfice, siquid
 Adversî puero eveniat: depone timorem,
 Atque omnem defende domum. quod pondera faccis
 Sint aeris posita in nostris, jussisse ministris
 Id dominum certum est, incertum, fraude dolove 600
 An pietate magis. nos certe audivimus illum
 Insignem virtute omni, nos vidimus illum
 Nobiscum flevisse famem atque incommoda nostra,
 Dum teque, & parvum fratrem, parvosque nepotes
 Commemoramus. age, o genitor, ne tempora differ, 605
 Neu

Neu plures innecte moras. & talia dicens
Adjecit lacrimas. victus pater, Ibitis ergo,
Tandem ait, & puerum, & regionis dona feretis,
Stactenque, & lacrimas terebinthi, & roscida mella,
Et gummi, & liquidam styracen, & amygdala amara.
Insuper & duplex pretium portabitis, & quod
Inventum fuit in faccis, & quod data poscent
Frumenta. interea faciemus sacra parentum
Nostrorum nostrique Deo, quo cuncta secundus
Dirigat, & servos caelo prospectet ab alto. 615

Postera Phoebeos currus Aurora vehebat,
Quum pater & nati sacris de more peractis
Cuncta viae opportuna parant, & munera & ipsum
Beniamin: quem jam genitor complexus euntem,
Et lacrimans, I, care puer, felicibus, inquit, 620
Auspiciis: si te rediturum fata reservant,
Vitam oro. lacrimae vetuerunt dicere plura.
Tum simul & reliquos natos complectitur omnes,
Commendatque Deo. ast illi bona verba precati
Durum iter & longum capiunt, camposque relinquunt
Samariae, Solymenque sacram: jam confita Idumes
Praetereunt palmeta, Gerar, & Tartara vasta
Syrbotis, tandemque vident Aegyptia regna,
Optatamque petunt Memphim. quos laetus Ioseph
Suscipit: atque una fratrem de carcere solvit. 630
Ut vero admissis coram data copia fandi,
Sic Ruben: Hinc postquam discessimus, optime Princeps,
Venimus ad genitorem, illi tua maxima jussa
Narramus, fratrem duci te velle minorem
Beniamin huc istum: tum faccis ordine apertis, 635

Res

Res mira, in summis pretium atque aes omne, quod ante
Exhibitum fuerat, se offert: quis miserit, & cur,
Ignotum est, Deus est testis. verum, ut pater istaec
Audivit, viditque, imo suspiria corde

Traxit, & heu, nati, dixit, male Numen amicum 640

Nos aliquod nunc insequitur, Fortuna recessit

Illa bona. e bis sex natis amisimus unum:

In vinclis alius longinquis exulat oris:

Nunc spes & miserae solamen dulce senectae,

Beniamin abduci petitur: vos rursus abitis, 645

Nescio quo, & vereor, furum ne nomine eati,

Omnes ut tandem fato pereatis ab uno.

Nos contra miserum solari. fide parentum

Nostro & fide Deo, genitor: justissimus ille,

Ille vir est, regio quem tota Aegyptia dicit 650

Servatorem hominum, sanctumque piumque fatetur,

Et colit: hinc nihil adversum durumque timendum est.

His victus cessit tandem. Vos ibitis ergo,

Et ducetis, ait, puerum, atque haec parva feretis

Munera, quae regio fert haec, staeten, & terebinthi 655

Resinam, & liquidam styracen, & amygdala amara,

Mellaque: dein duplex pretium portabitis, & quod

Impositum fuerat laccis, & quod data poscent

Frumenta: & demum iusto natumque patremque

Commendate illi, pueri miserescat & huius, 660

Atque senis natos nimium miserescat amantis.

Talia dictabat juvenis, quum lumina Princeps

Vix lacrimis cohibens tali est sic ore locutus:

Este bonis animis, juvenes, ego munera grata

Accipio regionis, & hunc, qui adductus ab omni 665

Suspicione puer vos, omni a fraude piabit.

Ite, & fessa via, foeda & fudore lavate

Membra, viri; mox luce bona discumbite mecum.

Haec Princeps. famulorum alii in conclave lavacrum,

Vasa alii mensasque parant. haec inter Ioseph 670

Multa super regno & populis disponit alendis.

Dein redit ad fratres, magnamque educit in aulam,

Regales ubi monstrat opes, vasa aurea signis

Caelata, argentumque abacis, stratosque tapetas,

Necnon parietibus circum pendentia longis 675

Aulaea, intextis auro & bombyce figuris,

Quas dicas spirare. illic divina secutus

Iussa Abraham, puerum in silvas ducebat Isaac

Maestandum: puer ilignis onerabat asellum

Fascibus, ipse pyram genitor vittasque parabat. 680

Ille idem dextram vicina in parte levabat,

Crudelemque enssem: demissus lumina Isaac

Et flexis genibus ferituro colla parenti

Praebibat: caeli demissus ab axe vetabat

Nuncius, & dextram sublatam enssemque tenebat. 685

Parte alia fratrem fugiens tendebat Iacob

In patris antiquas sedes, cognataque regna,

Euphratem Tygrimque inter: patrue libus inde

Virginibus hauribat aquas: tum pastor ad undas

Euphratis dum pascit oves per litora Laban, 690

Rachelem vocat, & dulces decantat amores.

Talia dum laeti spectant Israële nati,

Spemque aliquam sibi promittunt, tum magnus Ioseph,

Jam genio libemus, ait: date flumina palmis,

Vos famuli: tum sede altus discumbit eburna. 695

Morte praeventus, hoc item, quod sero inceperat, absolvere non potuit.

HIERONYMI
FRACASTORII

V E R O N E N S I S

C A R M I N U M

L I B E R.

HIERONYMI
FRACASTORII
CARMINUM LIBER.

I.

ALCON,
SIVE DE CURA
CANUM VENATICORUM.



ASSIDUIS nuper fessus venatibus

Alcon,

Falleret aestivi ut fastidia longa diei,
Corvini qua se nemora excelsissima caelo
Extollunt, viridi dum captat frigus in
umbra,

Dicitur ad juvenem senior sic fatus Acastum: 5

Me segnes artus, defectaque viribus aetas,
Et superare juga, & latis discurrere campis,
Et torquere leves hastas, & ferre pharetram,
Nate, vetant, densaque indagine cingere filvas.
Sed te pulvereum cursu transmittere campum, 10
Ferre aestum frigusque, leves agitare Molossos,
Et pinguem filvis ad tecta avertere praedam
Nunc decet, ac validam pro me exercere juventam.

En arcum, pharetramque tibi, jaculumque relinquo:
Ne tamen usque adeo plenae confide pharetrae, 15
Ut postrema canum interea tibi cura putetur:
Quorum ope veloces poteris praevertere cervos,
Aut aprum ingentem, aut fulvum superare leonem.
Ergo age, & haec tecum semper mandata reserva.
Principio ut generosa canum tibi copia numquam 20
Defit, quae certam valeat promittere praedam,
Elige degeneri nequaquam semine natos,
Sed quos assidue silvis exercuit altis
Et labor indomitus, faevarum & praeda ferarum.
Nec vero parvi formamque genisque putaris: 25
Nam neque sunt animi, neque mores omnibus iidem,
Et variae diversa canum dant semina gentes.
Nam rabidas si forte feras te cura tenebit
Venari, & variis caput objectare periclis,
Spartana de stirpe tibi, de stirpe Molossa 30
Quaere canes, Libycos illis, acresque Britannos,
Pannoniosque truces, & amantes praelia Celtas
Adde, nec Hircanos, nec Seras sperne feroces.
Si vero parvos lepores, capreasque fugaces
Malueris, timidisque sequi per devia cervos, 35
Delige Paeonios agiles, volucresque Sicambros.
Quod tibi si latebras, abstrusaque lustra ferarum
Rimari certa catulorum indagine cordi est,
Hunc usum implebit Perses, & Saxogelonus.
At genere ex omni praesertim delige quae nec 40
Corpore sit gracili, nec densis aspera villis,
Sed sublime caput, vivacia lumina, & amplam
Ostendet frontem, atque ingentes oris hiatus:

Cui

Cui rectae surgant aures, cui pingua terga
Dividat in caudam descendens spina reflexam: 45
Sint armi lati, sint aequae pectora lata:
Lata alvus, quae sic costis adjungitur imis,
Ut tamen in spatium sensim se colligat arctum:
Ut cava diductis succedant ilia costis,
Excipiant ficcis quas fortia crura lacertis, 50
Ima pedum parva signent vestigia planta.
Huic similem conjunge marem, quum vere tepenti
Tangit amor genus omne avium, genus omne ferarum.
Bis quinos tamen ante dies accensus uterque
In venerem, venere abstineant: sic plena libido 55
Acrius exstimulat, viresque ad semina praebet.
Hinc major soboles, atque inde valentior exit.
Quae simulac se se numerofo protulit ortu,
Selige de multis quos jam praestare videbis
Pondere: vel stipulae flammis include sonoris 60
Ingentem turbam: prolis nam mota periclo
Egregiam sobolem, melioraque pignora mater
Ocyus eripiet flammis, & inertia linquet.
Illi igitur plenis ubi nondum viribus aetas
Accessit, parvum cursu conscendere collem, 65
Et molli assuescant se se demittere clivo.
Hinc tenerum leporem, vel crura infirma trahentem
Sectari capream, & facilem percurrere campum
Incipiat, verbisque viri parere vocantis.
Nulla mora est, ipsis crescant cum viribus anni, 70
Jam potes hos tuto densis committere silvis:
Perque altos montes, per lustra agitare ferarum:
Nec minus aut apro, aut fulvo objectare leoni.

Si modo vel capreas, vel dedignabere cervos:
Immodicis tum parce cibis, tum cursibus illos 75
Exerce assiduis: ac mox ad tecta reverti,
Vincla pati discant: ita demum libera colla,
Quum res ipsa, ususque vocat, majore feruntur
Impete, nec cursum remoratur pigra sagina.
Haectenus in silvis catulos eduximus altis: 80
Nunc quae morbosus sit cura adhibenda, docebo.
Insomnes quum forte canes occulta fatigat,
Vimque adimit febris, putrem tunc ore cruorem
Ferro emitte levi: dein Bacchica dona rosarum
Misce oleo, & rapidis simul omnia concoque flammis, 85
Terque die inserto demitte in guttura cornu.
Si vero nimio venandi langueat aestu,
Butyro lapathi succos, Siculique Lyaei
Pocula, contusumque piper simul omnia miscens
Profubige: ut certi simulac commixta liquoris 90
Praetulerint speciem, cupido canis hauriat ore.
Immodicam sed forte sitim dum sublevat atro
Fonte canis, lymphae mala si successit hirudo,
Cimiceo suffire canem nidore licebit:
Aut oleo ptisanam & spumanti melle subactam 95
Incoquere, offensoque cani praebere vorandam.
Aut quum tetra lues (clavos dixere) palatum
Afficiet misere, silvestria sesama, nec non
Bacchi acidos latices, & chartam fume perustam,
Atque Ammoniacy frustum: dein singula in unum 100
Confundens, tetrae causam superilline pestis.
Tum vero, ardentes oculos inimica perurit
Quum tabes, crebraeque fluunt a lumine guttae,
Jam

Jam frondes sacrae myrti, silvestris & uvae,
Arentesque rosas diluto concoque Baccho, 105
Hisque affecta levi citus ablue lumina dextra.
Inde oleum, atque ovi niveos immitte liquores.
Quod si nativo stimulatur coxa dolore,
Lemiulum lapidem (Meditem nomine dicunt)
Urina semel atque iterum demerge recenti: 110
Cui Bacchi dulces, acidosque adjunge liquores,
Quaque latet pestis sumta circumline penna.
Ast ubi rupta novo manabit sanguine vena,
Tum murem geminum, ac telam pendentis Arachnes
Ure foco, cineremque undanti impone cruori: 115
Proderit & ferro candenti tangere vulnus.
Obstructo vero lotii quum forte meatu
Vexari aspicias catulum, Cerealia dona
Objice lacte prius simae perfusa capellae.
At contra venis si quando sanguis apertis, 120
Pro facili urina, terram madefecerit atram,
Conveniet lente ferventi lactis aheni
Mollire, & tenues coriandri immittere succos,
Infrastructumque piper, laticemque undantis olivi,
Infertoque cani paullatim infundere cornu. 125
Quid? taceam nimio quum decidit ungula cursu?
Frangere namque juvat pallentis grana cumini
Dentibus, admotaque pedem lenire saliva:
Incipientque novi subcrescere protinus ungues.
Fit quoque ut immundo catulus juguletur ab oestro: 130
At tu silvestrem crepitantibus urere rutam
Ignibus, & fumo pariter mulcere salubri
Disce: dehinc acri perfundere vulnus aceto.

Quin

Quin aures etiam muscarum turba molesta
Impetit usque adeo, mutilatum appareat alte 135
Ut caput: ipse autem venienti occurre periclo,
Et prius has nucibus, viridique putamine tinge.
Quid quum dura canes inter se praelia miscent,
Alter ut alterius percussus dente laboret?
Tunc etenim cervi flammae subjecta voraci 140
Ossa teres, oleo subigens frondentis olivae
Unguinis in morem, ac vulnus letale perungens:
Quamquam etiam possis ramenta inducere ferri.
Namque venenifero serpentis faucibus ictu
Quo valeat, scit sponte sua reperire salubre 145
Gramen, & ipse sibi nullo auxiliante mederi.
Senserit at rabidos ubi morsus, protinus ipse
Idaeam rutae foliis, acrique Lyaeo
Junge picem, laesaeque adhibe haec medicamina parti.
At mala quum scabies miseros depascitur artus 150
Latrantum, & foede miserabile corpus adurit,
Cerussam, abdomenque bovis, resinamque tenacem,
Butyrumque recens viridantibus incoque sensim
Lentisci foliis, infectaque membra perunge.
Sed tunc praecipue solerti mente cavendum est, 155
Quum rabie accensus nunc hos, nunc impetit illos,
Ipsi infensus hero, datque insanabile vulnus.
Ergo illum primo valida compesce catena:
Inde rosae agrestis radicem pondere saxi
Contusam vivi fontis consperge liquore, 160
Ut potus speciem lino colata nigranti
Praeferat: hac sumta, revocari ad pristina tradunt
Sensa canem, ac posita rabie mitescere rursus.

Sunt

Sunt qui silvestres ficus, adipemque vetustum
Contundant: ederas alii ferventibus undis 165
Emollire jubent, donec pars una supersit
E tribus, atque ipsis foliis, tepidoque liquore
Pascere quadrupedem, Aurora surgente furem,
Nil tandem usque adeo prodest, ac prima sub ipsum
Principium morbi rescindere semina ferro. 170
Nam qua parte imo conjungi lingua palato
Cernitur, & fauces, nativo concolor auro
Occupat, in rabiemque feros agit usque Molossos
Vulnificus vermis, suffunditque ora veneno.
Quem si quis potuit ferro resecare, potentem 175
Is tanti abstulerit caussam, stimulumque furoris.
Quae superant, olim: nunc praedam ad tecta jacentem
Ferre monet praesens fugientis temporis hora:
Quandoquidem calamos posuit Coridallus acutos,
Et jam sublustras invecat Luna tenebras. 180



II.

I N O B I T U M
 M. A N T O N I I T U R R I A N I
 V E R O N E N S I S,
 A D J O A N N E M B A P T I S T A M
 T U R R I A N U M F R A T R E M.

E T S I egomet tanti casu perculsus amici
 Solamen nostris discuperem lacrimis,
 Ne mea perpetuo manarent lumina fletu,
 Pergeret aut tantus urere corda dolor,
 Attamen, ut mi animi valuit concedere amaror, 5
 Istaec moesta tibi carmina persolui:
 Quo fortasse meis consolarere Camoenis,
 Si miseros quidquam Musa levare potest:
 Ac ne tu in lacrimas paullatim totus abires,
 Liquitur ut pluvio tacta pruina Noto. 10
 Quandoquidem cari fato te fratris acerbo est
 Rumor in extrema vivere tristitia,
 Nec jam posse quietis habere, aut commoda somni,
 Sed cedente die, sed redeunte queri:
 Moerentemque, vagumque, & turpem fletibus ora 15
 Amissum totis quaerere litoribus.
 Fertur ut Eridani ripas errasse per omnes
 Anxia fraterno funere Lampetie.

Septem

Septem quam perhibent somni sine munere noctes,
Jejunam septem continuasse dies. 20

Et, quoties longo defessa errore viarum

Umbrosi in ripa concidit Eridani,
Reddite vos Phaëtonta mihi, clamabat ad undas,
O quaecumque sub hoc flumine Nympha later.

Te tamen, ullius si cuiquam morte dolendum est, 25
Iusta quidem tanti causa doloris habet.

Quandoquidem immatura morte tibi omnia frater
Commoda, teque ipsum perdidit, atque tuos:

Perdidit hei misero carus tibi frater ademtus,
Quo tibi non ullus carior alter erat. 30

Ille amor, ille tuae solamen dulce juventae,

Ille tuae fuerat spes, columenque domus:

Quicum versari semper, quicum esse solebas,

Atque animi arcana dicere consilia:

Unum mirari, atque unum praeponere cunctis: 35

Ambrosiae e cujus effluere ore lepos.

O nimium miseri nos, & genus aerumnosum,

Deterius quorum est conditione nihil.

In nos saevitum est bello, quo durius umquam

Vidit nulla aetas, nec feret ulla dies. 40

Servitium tulimus crudele, & barbara jussa,

Parisque domos caras liquimus, & patriam.

Reliquias, miserosque absumsit tabida cives

Pestis, & huc illuc saevit Erinnyes adhuc.

Nec fat erat: miseri crudelia funera COTTAE 45

Flevimus. o indigna COTTA peremte nece.

O COTTA infelix, quae te fata impia nobis

Tam subito ante tuos abripuere dies?

Jam

Jam neque finierant gemitus, & lumina siccis
Non bene cessarant tristia flere genis, 50
Quum tu, MARCE, cadis, quum nos tot tristibus actos
Deferis, heu falsos credulitate tui.
Non hoc vivida nos tua jam sperare juventa,
Hoc tua non virtus, non benefacta dabant,
Exanimem ut nos te juvenem, nec jam ulla loquentem 55
Externa miseri contegeremus humo:
Sed fore, quem fama virtus aequaret Olympo,
Unus qui multos instrueres populos.
Qualis ab aërio decurrens monte jugi fons
Communes multis sufficit unus aquas. 60
Nam quid ego aut laudes memorē, aut tua maxima laudū
Praemia? quam humano profueris generi:
Aut quam saepe animas positas jam sedibus Orci
Ad sua Apollinea membra vocaris ope?
Vos testes, Ticine, & qui inter pascua laeta, 65
Medoace, antiquos abluis Euganeos:
Illo quos fama est naturae arcana docente,
Saepe inter Nymphas obstupuisse suas:
At nunc amisso turbatis fletse sub undis,
Inque mare assuetas non habuisse vias. 70
Non tamen aut foli, nec vos magis omnibus, amnes,
Indoluitis acerbo illius interitu.
Illum etiam Grajae, & Nymphae flevere Latinae,
Illum etiam Tuscis Calliopea modis.
Quin etiam silvae, & montes gemuisse feruntur, 75
Et vos extremi fletis Hyperborei.
Sed mage Benacusque senex, & Sarca, sepulti
Qui prope vicinum praetereunt tumulum.

Sed

Sed magis ipse Athesis, olim qui corpus humandum
Condendum caram perferet in patriam, 80
Ne extra cognatos cineres, atque ossa parentum
Illum perpetuo terra aliena tegat.
Tunc vos o patrio prognatae Najades amne
Spargite odoratis plena sepulcra rosis.
Tempus erit, quum posteritas mirata nepotum, 85
Quantum isti, dicent, ah tribuere Dei!
Atque aliquis monumenta legens, & scripta jacentis
Devota ad mutos ferta feret cineres.
Interea, o vos Benaco centum patre Nymphae,
Sarcaeque ab Alpinis edite verticibus, 90
Et vos o Naci rupes, & saxa Briani,
Et nemora umbrosis densa cacuminibus,
Ferte aliqua, o nunc ferte meo solatia B A T T O,
Et tantam ex animo demite tristitiam.
Quem neque sancta potest Sophie complexa levare, 95
Musa nec assuetis sedula carminibus.
B A T T E, tamen vates, longum ut quaesisset ademptam,
Et longum fletset Thracius Eurydicen,
Nullo solatus, blando quam carmine, curas,
Nullo, quam Sophia, dicitur esse magis. 100
Illi, seu Rhodopes silvis erraret in altis,
Sive in deserti Strymonis aggeribus,
Semper Musa comes, semper pendebat eburna
Ex humero numeris docta sonare lyra.
Ille orbem immensum semper spectabat, & orbis 105
Ornatum, puris fidera luminibus,
Et maria, & montes vastos, atque irrequieta
Flumina, tum quidquid denique terra parit.

Quo

Quorum animadvertens certa sub lege tenorem,
Paullatim caram senferat Eurydicen 110
Deleri, & tristem mutari in gaudia mentem;
Tantum animos rerum forma levare potest.
Aspice lucentem Lunae Titanidis orbem,
Et cum Sole suo quae super astra micant.
Omnia sunt aeterna, & vitae juncta perenni: 115
Quae loca felices Diique animaeque colunt.
Inferior Leti regio est, sedesque malorum,
In qua est, quod felix intueare, nihil.
Quippe solum hoc ventique, imbresque, & cuncta fatigant,
Quaecumque aëria de regione cadunt. 120
Adde aestusque, hiemesque, & morborum genus omne.
Tum natura aliqua est indiga semper ope.
Nos porro desideriiis mala plurima nostris
Junximus, o praeceps in sua damna genus.
Hinc odia, & timor, & lites, & bella cruenta, 125
Et via non uni plurima aperta neci.
Attamen in tantis aerumnis est animi spes
Unica, quem melior vita beare potest.
Quippe, ubi praefulgens ulla virtute reliquit
Corporeum, sedes advolat aetherias, 130
Semideûmque domos, & Divûm morte carentum,
Hic, ubi non aestas, nec fera saevit hiems:
Nec dolor, aut desideria infelicia nostri,
Nec fors partem aliquam, nec rude vulgus habet:
At sancti heroes habitant, gens inclyta bello, 135
Ingenuique, novem qui coluere Deas:
Quique pii, justique, Deûm praecepta secuti,
Et sancta insignes qui fuerunt Sophia.

Quos

Quos inter tuus ipse recens a funere frater
Miratur caelum, Caelicolûmque domos, 140
Aeternamque diem, & felicem ex ordine gentem:
Inter quos gaudet se quoque dinumerans.
Quem circum illustres animae, PROAVIQUE, PATERQUE
Intentos oculos ore Nepotis habent,
Et pulchram effigiem agnoscunt: miratur & ipse 145
Egregiam stirpem, magnanimumque genus:
Agnoscitque suos, & facta, & nomina discit:
Tum quantum sit adhuc terra habitanda tibi.
O fortunatum nimium, tristem ante senectam
Carpere iter caeli cui potuisse datum est. 150
Quas syrtes, quos & scopulos post terga relinquis,
MARCE! tibi a quanto est salva carina mari!
Fortunate iterum: tu non incommoda vitae
Passus adhuc, non quae plurima habet senium:
Sed dulces inter Musas, & Apollinis artes 155
Fortunata nimis vita peracta tibi est.
I, decus Ausoniae juvenis, numeroque Deorum
Te immisce: culta est jam tibi terra satis.
Illa tuum, dum sidera erunt, dum flumina current,
Nomen in astra memor, & benefacta feret. 160



III.

AD JOANNEM BAPTISTAM
TURRIANUM, VERONENSEM.

BATTE, animos quando tristes, curasque levare
 Musa potest, ego nunc fortem, casusque supremos
 Ipse meos tristi solabor carmine tecum.
 Et tecum dulces natos, quos funus acerbum
 Abstulit, aeterna & pariter caligine texit, 5
 Conquerar: ut saltem tenebris, & nocte perenni,
 Quantum opis est nostrae, miserorum nomina demam.
 Quae potui, dum vita illos auraeque fovebant,
 Exhibui genitorque, gubernatorque duorum
 Infelix. primas alter vix fingere voces, 10
 Alter adhuc teneris jam tum decerpere ab annis
 Prima rudimenta, atque omen praebere parenti.
 Quos ego (sed Zephyri spes portavere paternas)
 Censueram, si fata darent, quum posceret aetas
 Fortior, ad dulces tecum traducere Musas 15
 Assiduos, citharamque humeris suspendere eburnam.
 Inde, ubi jam caelum, ac Solem, fulgentiaque astra,
 Terramque, & liquidos ignes, aequorque profundum
 Mirari inciperent, latisque animalia campis,
 Te monstrante viam, te rerum arcana docente, 20
 Mens fuerat dulces Sophiae deducere ad hortos,
 Hortos, quos ver perpetuum, quos aura Favonii
 Semper alit, semper caelesti nectare pascit.
 Hic tremulo, & longa confecto aetate parenti

Pur.

Purpureos legerent flores: senique levamen, 25
Threïcia canerent cithara, quae plurima quondam
Audissent te populea meditante sub umbra,
Divino mirantem Athesim dum carmine mulces,
Et rerum canis, & teneri primordia mundi.

Fortunate senex, si natorum ore referri 30
Fata finant, ut nata chaos antiquissima rerum
Materies visi correpta cupidine pulchri
Arserit, atque Deum thalamo complexa, jugarit
Corpora prima: quibus discordia nata hymenaeis,
Et divisa locis, suprema petiverit ignis 35
Purior, & nitidis vicinus sederit astris:
Quem juxta per inane amplum se fuderit aër:
Ima autem tellus vasto circum obruta ponto
Constiterit: quam dudum hinc inde agitantibus undis
Substerni late campi, deformiaque arva 40
Paullatim apparere supra, & concrefcere montes
Coeperunt, procul & nudas ostendere cautes,
Mox nemora, & virides undis mirantibus ornos.
Montanis tum speluncis, & rupibus altis
Exsiluere udae formoso corpore Nymphae, 45
In viridi flavos ficcantes litore crines.

O fortunatum nimium, si Numina tantum
Haec mihi servassent, si non casura dedissent.
Verum aliter Lachesi visum est, quo tempore primum
Natorum coepit producere fila duorum. 50
Quippe auram miseris, & dulcem noscere vitam,
Spemque sui dederat praebere: alia omnia ventis
Tradita, nocte atra & tenebris involverat Orci.
Non licuit firmos annis, viridesque juvena

Inspicere, & carae ad metam deducere vitae. 55
 Nec potui votis, nec ope adjuvisse paterna
 Clamantes, frustra que patris suprema petentes
 Auxilia, & nota nequidquam voce vocantes.
 Heu mortem invisam: quis te mihi, PAULLE, Deorum
 Arripit, & miserum complexibus abstrahit istis? 60
 Tu prior immiti correptus morte, parentem
 Deferis, & dulces auras, & lumina linquis.
 Quod te si tali dederant sub lege futurum
 Fata mihi, non jam fuerat moeroris abunde?
 Non gemitus? quid me e tam multis patribus unum,
 Caelicolae, lacrimisque novis, & morte recenti
 Opprimitis, caroque etiam spoliatis IULO?
 Heu, miserande puer, quanto plena omnia luctu
 Liquisti abscedens! quem non vesana Deorum
 Incuravit inops, quum te complexa jacentem 70
 Aspiceret laniata comas & pectora mater?
 Ah misera, ah male fausta parens, quid Numina fletu
 Sollicitas? jacet ille, velut succisus aratro
 Flos tener, & frustra non audit tanta gementem.
 Ah misera, ah quid sublatum complexa moraris? 75
 Ille tuus non jam est. Vos illam in funere, matres,
 Collapsam accipite, exanimemque reponite tectis.

At vos, infantes animae, carissima nuper
 Pignora (quod misero superest optare parenti)
 Semper avete mei, ut licuit, semperque valete. 80
 Seu dulce Elysium functos, umbraeque tenebunt
 Sanctorum nemorum, puro seu fidera caelo,
 Ipse ego vos semper lacrimis, vos carmine tristi
 Prosequar, & vestris persolvam justa sepulcris:

Donec

Donec me vobis tenuem conjunxerit umbram 85
Summa dies, natis aequat quae sola parentes.

Interea curas numeris, Musaeque levemus,
BATE, animos: quando rerum mortalis origo est,
Quando etiam vitae norunt vasta aequora finem.

Scilicet & quondam veniet labentibus annis 90

Illa dies, quum jam curvo sub vomere taurus
Defudet, terramque gravis proscindat arator,
Nunc ubi caeruleae rostris spumantibus undae
Sulcantur, verruntque citae freta longa carinae.

Nec vos, o liquidi fontes, aeterna manebunt 95

Secula, se tanto quamvis pater efferat amne
Eridanus, tumidusque fluat tot cornibus Hister.

Quin etiam aërii montes, mirabile dictu,
Taygetus, Syphilusque, jugo & Cymbotus opaco
Innumeras post aestates, ac secula longa, 100

Senferunt seniumque suum, supremaque fata:
Ex quo materies thalamos, primosque hymenaeos,
Atque elementa novus sensit discordia mundus.

IV.

AD DANIELEM RHAINERIUM

Veronae Praefectum, Senatorem amplissimum.

RHAINERI venerande, uno quo sospite, nondum
Justitia, & virtus terris antiqua recessit,
Multa quidem monumenta tuis sub fascibus Urbis,
Multa cadunt antiqua piorum & templa Deorum,

Et Bromii vites, & amicae Pacis olivae. 5
Verum haec ex Urbis re dilabuntur, & ipsi
Ultro etiam sua tecta volunt procumbere Divi.
Ah, saltem antiquo medicorum parcere ritu
Fasque, & fuetus amor pietatis, & inclyta virtus
Magna tui valeant. valeant hoc more vetusto, 10
Quo nostri vixere atavi, vixere parentes,
Te duce venturi longum superare nepotes.
Sanctior hic templis, hic Divum est sanctior aris,
Quem neque tempus edax potuit, nec secula tot jam,
Non belli rabies, non ipsum infringere ferrum, 15
Tantum est justitiam violari, & foedera rumpi.
Scilicet & sacra est medicina, vetusque Deorum
Inventum, & sacri medici, quibus auctor Apollo:
Qui revocare animas jam caligantibus Orci
Faucibus impositas ad carae munera vitae, 20
Aetheriosque haustus, & dulcia lumina possunt:
Qui genus innocuum, vitaeque ad publica nati
Commoda, divinas tantum didicere per artes
Exercere aevum, atque humanae praesse saluti.
Hos aequum est te praecipue, longeque tueri, 25
RHAINERI, ante alios, idem cui cessit Apollo
Ipse suas artes, & munera nobilis otii:
Quemque domos Divum docuit, perque omnia duxit
Sidera: quem Grajo insignem Latioque cothurno
Secretas dedit Aonidum percurrere silvas, 30
Et calamos, citharamque humeris suspendit eburnam.
Idem te dulces Sophiae deduxit ad hortos,
Hortos, quos ver perpetuum, quos aura Favonii
Semper alit, semper caelesti nectare pascit.

Salve

Salve, magne parens, qui tot virtutibus auctus 35
Urbem iustitia, & Divis in pace secundis
Egregiam moderare, Athesis qua flumine pulchro
Labitur, & placido secat arva virentia cursu.

Tu quoque, magna virum genitrix, urbs inclyta, salve,
Cura Deum, VERONA: tui cessere labores, 40
Aerumnaeque graves, atque horrida Martis imago,
Sanguinis & vesana sitis, & tristis Erinnyes.
Barbara jam cessit rabies, & in Alpibus atrox
Saevitiam miles, gelidumque exercet ad Albim.
Jam duros nimium servitus, & fera iussa 45
Desuemus perferre, ullos non jam urbe Tyrannos
Conspicimus, sed te, RHAINERI maxime, sed te,
Magne pater, uno tandem quo sospite, nobis
Jam bona Libertas rediit, Pacemque per agros
Laeta Ceres, Bacchique chorus comitantur ovantes. 50
Gaudete o quicumque boni speratis agrestes,
Quorum amor est sobolis, studiumque nepotibus arva
Incolere, & parvas ulmis attollere vites.
Tempus io, nunc tempus adest, quo secula Parcae
Aurea nent, tandem quae nunc te Praefide laeta 55
Incipiunt: sed erunt nobis tunc maxima, quum te
Insignem sceptro Venetum, sanctaque tiara
Regna salutabunt terris diffusa, tuumque,
Qua Sol exoriens visit, qua deserit orbem
Occiduus, late clarum feret Hadria nomen. 60

AD JOANNEM MATTHAEUM

GIBERTUM, EPISCOPUM VERONENSEM.

I LLE tuus, GIBERTE, sacras qui in montibus aras
 Melsineis tibi constituit, qui teque, tuumque
 Per nemus omne canit, perque omnia litora nomen,
 Haec enata suis mittit tibi poma sub hortis
 Aurea, quae quondam Medorum e finibus Atlas 5
 Transtulit, & magno servabat tuta Dracone:
 Mox victor sacra exspolians pomaria Perseus,
 Dum levibus nostrum talaribus aëra tranat,
 Donavit Charitae Benaci ad flumina Nymphae.
 Insuper hos, GIBERTE, tibi dat munera pisces, 10
 Qui quondam Etrusci nautae, nostraque fuere
 Effigie, nunc Benaci sub gurgite nantes
 Caerula converrunt sinuatis aequora caudis.
 Quod si forte juvat tanti miracula facti,
 Atque hominum quondam versas audire figuras, 15
 Ipse edam, Saloi quae quondam ad litora BATTUS,
 BATTUS amor Dryadum cecinit, mihi rettulit Aegon.
 Forte senex Cretae patriis Saturnus ab oris
 Ab Jove depulsus, regnum sedesque quietas
 Quaerebat Latio in magno, fataliaque arva: 20
 Jamque diem medio Sol inclinabat ab axe,
 Quum fessus, longaue via ficcatus & aestu,
 Ad vada Benaci viridi prospectat in herba
 Vescentes nautas, & puri grandia Bacchi

Pocu-

Pocula miscentes: placido quos ore salutans, 25
Ecquis, ait, vestrū, pueri, succurrit egenti,
Defessoque seni? quis pocula parva ministrat,
Exstinguitque sitim? poscenti illudere nautae,
Et ridere senem. quis enim praesentibus undis
Possit habere sitim? en flumine largius illo 30
Ebiberis, gelidaque aestum solabere lymphā.
Illusus Deus immissis in flumina palmis
Haurit aquas, pronusque bibit: tum versus ad illos,
Quo tamen e pretio, pueri, ducetis ad illas
Remigio cautes, quae fluctibus undique circum 35
Clauduntur, mediisque jacet parva insula in undis;
Ostenditque locum: pretium gens impia iniquum
Postulat. at pactus senior tamen omnia firmat,
Adjuratque Deos testes, scanditque phaselum.
Illi autem, dum nave cita liquida aequora fulcant, 40
Ignari, quisnam sedeat Deus, Eja age nobis
Fare, senex, quonam latebras pro crimine quaeris?
Anne fugam subrepto auro, dominoque relicto
In loca tuta paras? Sed te tua fata sequuntur,
Demens, quem nullae poterunt servare latebrae. 45
Nomine Carpus erat, qui tam temeraria verba
Dixerat, ingeminant comites, aurumque reposcunt,
Proferri subreptum aurum: ni proferat, omne
Vi rapiant, pulsumque rate in media aequora turbent.
Quos placidus dictis senior demulcet amicis. 50
Etrusci nautae, quae nunc mens impia suadet
Nec servare fidem vos, nec meminisse Deorum?
Dicenti jam vis, jam dextra infertur. At ille,
Qui tandem agnosci posset Deus, Impia, dixit,
Gens

Gens inimica Deûm, dabitur, quod poscitis, aurum, 55
Hoc imo sub fonte aurum pascetis avari.
Dixerat. Ast illis veniam poscentibus, & vox
Deficit, & jam se cernunt mutescere, & ora
In rictum late patulum producta dehiscunt:
In pinnas abiere manus, vestisque rigescit 60
In squammas, caudamque pedes sinuantur in imam.
Qui fuerat subita obductus formidine, mansit
Pallidus ore color, quamquam livoris iniqui
Indicium suffusa nigris sint corpora guttis.
Carpus aquas, primus Numen qui laesit, in amplas 65
Se primus dedit, & fundo sub condidit imo.
Inde alii celeri se se in media aequora saltu
Praecipitant, vacuumque ratem, & sine remige relinquunt.
Jamque Deus super unus erat: subit ipse magistri
Munus, & adductis pelagi petit ultima ripis. 70
Expositus ripa placidas conversus ad undas,
Ecquid io, Nymphae Benacides, ista superfit
Navis, & hunc amnem sacrum male faulta carina,
Et vestras fulcabit aquas? En certe ita & hujus
Criminis hoc scopulo semper monumenta manebunt.
Dixit, & in partem rupis conversa pependit
Cum remis ratis ipsa suis, ubi cernere conchas
Nunc etiam licet, externo quas litore nautae
Collectas miseri media imposuere carina.
Ex illo nunc Benaci per litora nantes, 80
Atque auri venas fundo pascuntur in imo,
Nunc etiam a primo retinentes nomina Carpo.

VI.

AD MARGARITAM VALESIAM
NAVARRAE REGINAM.*Caesaris Fregosii nomine.*

DUM me Cenomanos inter tenet Itala tellus
Zefredique arces, mens autem nescia claudi
Libera trans gelidas Alpes Rhodanumque vagatur,
Trans Ararim, caelumque beatum & Gallica semper
Regna videt, Regemque suum, tecumque moratur 5
Assidue, versatque tuas sub pectore laudes;
Ecce mihi caelata auro gemmaque nitenti
Armipotens, galeaque ferox & Gorgone Pallas
Oblata est, seu fors tulerit, seu fata dedere.
Continuo visa ante oculos effulgere imago 10
Magna tui, inque ipsa micuerunt Pallade vultus
Virtutesque tuae, moresque, & facta, decusque.
Quippe illam e cunctis sic tu mortalibus una
Assimilas, sic una refers, in Pallade ut & tu
Noscare, & Pallas in te. sive illa Minerva, 15
Seu dici Bellona velit, consensus utrimque
Est idem, ora, animi, genius, cognataque virtus.
Jure igitur tibi debetur, tibi convenit uni
Gemma, aurum, effigiesque Deae: sive est Polycleti,
Sive Myronis opus. placeat tibi munus: imago 20
Est tua: sit gratus cum munere, muneris auctor.

Quod si digressus paullum, & provectus amore

Pic-

Pierio, dum me dulces per grandia Musae
 Facta tua, & dum per monumenta heroica ducunt,
 Ipse tuas memorem laudes, quibus aethera ad altum 25
 Scandis, & illa simul referam, per quae una Minervam
 Usque adeo assimilas, juvet auscultare canentem,
 Si vacat, & solitae sunt te oblectare Camoenae.

Illa parente Deo Jove magno, fratre superbit
 Gradivo. tum forte acres in bella phalanges 30
 Si quando exacuit, late timor occupat urbes,
 Turbati tremuere hostes, ac terga dedere.

Ipsa hastam quatit, atque horrenti Gorgone faevit.
 Ante Deam dirae effigies, Terrorque, Minaeque
 Sanguineae, & dans terga Pavor, Visque impia, & Irae,
 Vinculaque, Vindictaeque astant, & Mortis imago.

At vero positis armis, atque aegide dira,
 Mollius humanas si demittatur ad artes,
 Mansuetosque usus, tum dulcia carmina cantat,
 Et facilem exercet Musam, aut heroica gesta 40
 Describit, numerisque orbes metitur & astra.

Sin autem imperiis & majestatis honore
 Gaudeat, aeternae ramis insignis olivae
 Aut justas sancit leges, aut jura ministrat,
 Aut arces struit, aut medias regina per urbes 45

Incedit, matresque super longe eminent omnes:
 Condensi agglomerant se altis clamoribus Afri,
 Spectatumque ruunt, arasque & publica ponunt
 Templum Deae: plausu resonat Tritonia ripa.

Tu pariter magno Gallorum Rege Deoque, 50
 Ac Jove nata simul, Germano Marte superbis.
 Nam Martem quisnam esse neget, seu fortia nudus

Bra-

Brachia, praevalidosque artus, atque Herculis armos
Ostendit, taurumque uno prostraverit ictu:
Sive acrem, pictisque armis spectandus & auro, 55
Pressit equum, struxitve acies, & victor in hostes,
Ceus torrens, signa atque viros sternitque fugatque;
Fulmineove Jovis tonitrus imitatus & arma
Tormento, muros & magnas diruit urbes?
Te quoque tantorum comitem, partemque secundam 60
Bellorum, si quando acies atque arma movenda
Percussae tremuere urbes, horrorque, pavorque
It campis, Mars germanam comitatur ovantem:
Attoniti spectant populi, gaudentque tueri
Nunc primum, nunc & medium, nunc agmen obire 65
Postremum, nunc pellere equum, nunc tendere in hostem,
Turbantem cuneos, & abactis agmina signis.
Assistunt comites circum Solertia, & Astus,
Et magna audentes Animi, & Tolerantia dura,
Curaque, Sedulitasque vigil, Spesque alta, Laborque, 70
Et Divum Favor, & ventis Fortuna secundis:
Pone sequens magno graditur Victoria plausu.
Nec minus horrenti a bello, partisque triumphis
Si juvat ingenii, pacisque incumbere in artes,
Nunc lauro redimita comas, imitata sorores 75
Castalias, plectis numeros, & carmina dictas,
Carmina nec rerum fato subjecta, nec aevo:
Nunc magnos dimensa orbes in templa Deorum
Attollis animos, patrioque assuescis Olympo:
Nunc tua describis vel regum gesta tuorum, 80
Aut eadem depingis acu. stant curribus altis
Et pater, & proavus, cunctique ex ordine reges,
Capti-

Captivosque hostes, & vinctos colla Tyrannos
 Ante rotas longis ducunt in templa triumphis:
 Ipsa opus & textum stupet immortale Minerva. 85
 Quam vero, o quam te dicam, quum legibus aequis
 Justitiaque feros populos frenasque, regisque,
 Et divina doces jura, & civilia ferre:
 Aut arces tollis, aut propugnacula condis:
 Aut matres inter medias, populosque frequentes 90
 Incedis Regina. Favor comitatur euntem,
 Majestasque, Pudorque, tamen qui Pallada possit
 Armatam, & Martis gradientem in bella decere.
 It dextra Pax laeta manu, & praetendit olivam.
 Applaudunt Sequani, floresque & lilia passim 95
 Effundunt, gaudentque tuas attollere laudes,
 Reginamque, Deamque, salutiferamque salutant,
 Et pace insignem, & bello ferroque potentem.
 Fortunata nimis, magnus quam Caesar, & omnis
 Suspicit admirans orbis, cui lumine tellus 100
 Felici arridet, totus cui militat aether.
 Diis quamquam visum aspectu tibi debita regna
 Paullisper privare tuo, seu crimine cives
 Id meruere aliquo, seu te tua fata reservant
 Ad majora, viamque tuis virtutibus amplam 105
 Expediunt, panduntque. Etenim jam tempora laeta
 Illa instant, quum post lacrimas, post publica vota
 Te tandem tua regna novis decorata trophaeis
 Accipiant, & iusta tibi solennia solvant.
 Jam ludi, festique dies, jam sacra parantur: 110
 Jam placidus ripa gaudet Meniascus amoena:
 In templis pueri impubes, mixtaeque puellae

Sacra

Sacra canent, ortusque tuos ad sidera tollent:
Ut nascentem ulnis primae excepere Camoenae,
Melleque, & Aonio tetigerunt ora liquore: 115
Ut Charites fovere Deae, & decus omne dedere:
Ut parva in numerum pedibus cunabula Divae
Pellentes, manibus nentes fatalia pensa
Grandia concordēs cecinerunt fata Sorores.
Stabunt ingentes sublati molibus arcus 120
Caelati gestisque tuis, factisque tuorum.
Supra omnes humeris exstans altaque corona
Frater erit, senosque ferox ex hoste triumphos
Ducet ovans. mox fortuna congressus iniqua,
Cum dura bellare Dea, & decernere dure 125
Cogetur. longe illa Euris in bella vocatis
Objicere adversos, & toto nubila caelo,
Et casus, & monstra modis minitantiā miris
Cernetur: Rex contra animis, & fortibus ausis,
Et virtute nova tandem superare cadentem, 130
Tendentemque manus: tum ferro & compede victam
Protrahere, & campo captivam ducere aperto:
Nubila diffugere, & turpi deformia monstra
Victa fuga, vario bello consumpta fameque
In caecas latebras obscuraque Tartara condi. 135
O, mihi si tantum juvenili in corpore vitae,
Et tantum det Parca mihi, haec ventura superstes
Ut videam, comiterque tuos, Regina, triumphos:
Mox etiam spectare queam & majora parari.
En erit, en umquam illa dies, quum Gallica signa 140
Attolli, & Sequanos compleri milite campos (cos,
Cōspiciam, fremere arma Rhemos, fremere arma Cadur-
Auler.

Aulercosque, Heduosque, & pictis Lingonas hastis?
 In mediis Regem secum cataphracta trahentem
 Agmina, sublimem sanctas procedere ad aras, 145
 Per caput & sacram regum de more coronam
 Jurantem, & Solymas repetentem debita sceptris
 Regna suis: te parte alia fortes Ituriscos,
 Andelos, Biturasque feros in bella moventem:
 Consiliis, tantoque operi comitemque ducemque 150
 Ascitam: nec non tanto sub Rege coactam
 In ferrum ruere Italiam, & socia arma trahentem
 Signa sequi. mox o liceat Caeloque secundo,
 Et praesente Deo, tot se se addentibus una
 Prospicere immensum consterni puppibus aequor, 155
 Carmelique procul rupes, & litora Ioppes
 Laeta Dei classem, & victricia vela vocare,
 Et trepidum Euphratem, & magni tremere ostia Nili.
 Tunc ego non alium Martem mihi, Pallada poscam
 Non aliam mihi: Rex Mavors, tu maxima Pallas 160
 Sola eris. o ego tunc gemino sub Numine tutus
 Per medios hostes videor densosque maniplos
 Victor agi, videorque mea sub cuspide fractos
 Munera magna tibi captivos ducere reges:
 Nec non & spolia ampla tuis addenda triumphis 165
 Jungere, barbaricas vestes, regumque tiaras,
 Armaque, Mygdoniosque arcus, Lyciasque pharetras:
 Cernere & exanimem fuso cum milite portas
 Caucaseas atque Hircanos inquirere saltus
 Maumethem, & se se extremis occludere Bactris. 170
 Haec, precor, haec propere eveniant felicibus astris,
 Si qua fata dabunt, votis si Jupiter adsit.

Inte-

Interea, five haec te cura, & gloria tangit,
 Seu pacem Europae miserae moliris, & arma
 In Superûm saevos hostes avertere tentas, 175
 Magnanimo assistente tuis conatibus ANNA,
 ANNA spectato meritis, cui summa potestas
 Tradita, quo rerum moles onerosa recumbit,
 Quidquid agis, si quando animum convertis ad ipsam
 Italiam (neque enim teneat non haec quoque cura) 180
 Tunc dicas, Caelo ante alios mihi fidus in illo est,
 Qui nisi pro Rege invigilans noctesque diesque
 Illic res Italas, & regia munera tractet,
 Gallica suspiret regna, & tabescat abesse.

Praeterea, Dea bellipotens, quae munera CAESAR 185
 FREGOSUS, parva illa quidem, sed congrua mitto,
 Haud ingrata tibi Latiis accedat ab oris,
 Una eadem, faciesque tui, faciesque Minervae.
 Quinetiam, quoties Divam spectare juvabit,
 Te toties spectare puta. Sed, me quoque tanti 190
 Si facies, si me tali dignabere honore,
 Quum memor ipsa mei fueris, tum nomine nostro
 Longaevamque diem, & felicia cuncta precata,
 Diva, tuum salvere jube super omnia Martem,



VII.

AD M. ANTONIUM FLAMINIUM,
ET GALEATIUM FLORIMONTIUM.

DUM vos fatidicos vates, arcanaque sensa
Volvitis, atque animum caelesti nectare alentes,
Alloquiis, magnoque Dei consuecitis ori
Felices duce Giberto, Campense magistro:
Quid dicam miserum me agere, & quam ducere vitam
Irrequietum animi, & quaerentem indagine vana
Naturam semper fugientem: quae se ubi paullum
Ostendit mihi, mox facies in mille repente,
Ceui Proteus, conversa sequentem eludit, & angit
Moerentem senique horas, cassumque laborem? 10

Nuper enim tenues species, simulacraque rerum
Quae fluere ex ipsis dicuntur, perque meare
Omnia, dum sector meditans, tacitusque requiro
Avia silvarum, & secreta silentia solus,
Cognovi tamen his spectris illudier ipsis: 15
Ut sensus feriant nostros, semperque laceessant,
Perque fores, caulasque animae ludantque, meentque,
Ac remeent, ipsamque nec inter somnia linquant.

Ergo hoc elusum studio, fessumque labore
Tandem me miserata suos abduxit in hortos 20
Musa memor, tetricumque animum somno, atque quiete
Curavit, numerisque & blando carmine fovit.
Tum mihi: Quo tandem, o semper mortalia quaerens,
Hanc

Hanc colere usque voles terram? numquamne relinques
Has tenebras, numquamne in lucem lumina tolles?
An nescis, quaecumque hic sunt, quae hac nocte te-
guntur,

Omnia res prorsus veras non esse, sed umbras,
Aut specula, unde ad nos aliena elucet imago?
Terra quidem, & maria alta, atque his circumfluit aër,
Et quae consistunt ex iis, haec omnia tenues 30
Sunt umbrae, humanos quae tamquam somnia quaedam
Pertingunt animos, fallaci & imagine ludunt,
Numquam eadem, fluxu semper variata perenni.
Sol autem, Lunaeque globus, fulgentiaque astra
Cetera, sint quamvis meliori praedita vita, 35
Et donata aevo immortalis, haec ipsa tamen sunt
Aeterni specula, in quae animus, qui est inde profectus,
Inspiciens, patriae quodam quasi tactus amore,
Ardescit. sed enim, quoniam hic non perstat, & ultra
Nescio quid sequitur secum, tacitusque requirit, 40
Nosse licet circum haec ipsum consistere verum,
Non finem: verum esse aliud quid, cuius imago
Splendet in iis, quod per se ipsum est, & principium esse
Omnibus aeternum, aetate omnem numerumque, diemque.
In quo alium Solem, atque aliam splendescere Lunam 45
Aspicias, aliosque orbes, alia astra manere,
Terramque, fluviosque alios, atque aëra, & ignem,
Et nemora, atque aliis errare animalia silvis:
Denique cuncta alia cernas vegetantia vita.

Ergo, umbras quum jam fatis, & specula illa, superque
Spectaris, longa jamdudum in nocte pererrans,
Fas tandem lucem, atque ipsum perquirere verum.

Quod quoniam longe sejunctum est corpore ab omni,
 Nec nexus habet, aut affinem sensibus ullis
 Naturam, scito esse animum tibi dissociandum 55

Corpore, purgandumque omni contage recepta,
 Terrena labe, & mortalis luminis haustu:

Quaerendaeque aliae silvae, callesque tenendi
 Sunt alii, meliorque, Deum quae semita monstrat.

Haec Musa. o si te comitem dent rura beata 60

Bardolena mihi, o qui nos propter amoenum
 Benacum viridi silvis in litore sistat:

Atque olea, lauroque tegat, detque abdita vatum
 Senſa, & utramque Dei praecepta evolvere legem.

Rura, oro, GIBERTE, tuo Benacea vati 65
 Da, viridesque oleas, & multa protege lauro.

Ille tuas laudes primum canet, & tua facta
 Inclyta Maeoniis numeris ad sidera tollet.

Ut puerum mirata sacro cum Tybride Roma
 Ante annos meritis titulis & honoribus auxit. 70

Ut res Romana, & sacrorum tradita jussu
 Pontificum tibi summa in te uno saepe resedit:

Ut septem fremuere novis applausibus arces.
 Maſte animis, maſte ingenio, tu trajicis aequor

Barbaricum, & ferro reges in bella ruentes 75
 Alloquiis frenas, & coeptos ore tumultus,

Armaque, & hostiles animos, & praelia sedas:
 Foedera, amicitiasque feris, pacemque reportas

Italiae, populisque Dei. nec te tamen ingens
 Terra capit. toto juvenem tot plaufibus Orbe 80

Exceptum, tua te pietas, tua maxima virtus
 In caelum vehit, & terrae dat ſpernere honores:

Dat

Dat contemnere opes, unique incumbere Olympo,
Ac solis Divorum epulis, & nectare pasci.

Haec ubi perpetuo cantavit carmine, & omnes 85
Respondent latè rupes: tunc concitus oestro
Fatidico, plenusque Deo, Davidica vates
Ipse etiam pater interpret oracula solvit,
Dignus, qui ante omnes citharam pertractet eburnam,
Quam quondam Solymae stupuere arcesque Sionis. 90

VIII.

AD FRANCISCUM TURRIANUM

VERONENSEM.

TURRI, si aut mihi villa & lar sit laetior, aut tu
Ferre domum tenuem possis, parvosque penates
Urbe procul ruri se se abscondentis amici,
Quantum ego te his mecum CAPHIS in montibus optem
Montibus his, ubi, si querulae nemora alta cicadae 5
Non rumpant, equidem vix norim aestatis adesse
Tempora, tam leni mitescit Julius aura!
Sed quid, si est angusta domus, dum pulvere & omni
Munda situ: dum sit nullo turbata tumultu,
Nescia curarum, nullius conscia culpa: 10
Alta ubi per totum sit pax, & amica Camoenis
Otia, & integri per magna silentia somni?
Quid refert, alius minio laquearia rubra
Si inspicere, ipse velim fuligine nigra videre?
Si non dejectum caelo Jovis igne Typhoea 15

Terrigenasque alios, spirantia signa, videbis
 Admirans opus aeterni memorabile Julî;
 At bona Libertas aderit, quae rura beata
 Praecipue insequitur, simplexque incedit & exlex.
 Hic tibi, si paullo digitus sit inunctior, aut si 20
 Potanti insonuit cyathus, vel si pede utroque
 Non steteris, nemo objiciet, nemoque sedentem
 Arguet, hoc illi si fors super incubuit crus.
 Stare, sedere, esse ex libito, & potare licebit.
 Forfitan &, mihi quid vitae, quid sit studiorum, 25
 Nolle optas, quo vel damnes, vel singula laudes.
 Mane venit, juvat Auroram Solemque videre
 Nascentem, qui non alio confurgit Eco
 Pulchrior, unde nova laetantur singula luce,
 Et silvae, scopulique, & pictis nubibus aër. 30
 Parte alia Benacum alto de colle saluto,
 Centum cui virides invergunt flumina Nymphae:
 Ipse sinu magno Genitor magno excipit amne.
 Tum juvat aut spectare boves mugitibus alta
 Complentes nemora, aut pulsas in pascua capras. 35
 Prae caper it, cui barba jubat, cui cornua pendent
 Intorta, & grandes olido de corpore setae.
 Pone gregem reliquum compellit arundine virgo
 Upilio, multo armantur cui baltea fuso.
 Interea natos discentes rustica amare 40
 Numina, vicini nemoris gelidam voco in umbram,
 Qui libros, qui secum horae solatia portent.
 Hic legitur, viridique toro, saxove sedetur
 Glandifera sub fago, aut castanea hirsuta.
 At variae circum silvis, & frondibus altis 45

Assue-

Affuetae ludunt volucres, atque aethera mulcent.
Tum densum nemus, atque umbrae per gramina laeta
Jejunas nos invitant spatiarier horas.
At fessi haec inter pueri sitiuntque, dolentque
Plus aequo retineri, & jam Musasque, librosque, 50
Et Pana, & gelidi pinus odere Lycae.
Ergo praecurrere, & aquas, & vina pararunt
Lucenti in vitro, & flores sparsere nitentes.
Advenio. primas atro lita mora cruore,
Aut grossi menfas ineunt, cors cetera, & hortus 55
Sufficit. Interea crebro sonat area pulsu,
Increpitat seges, & duri sub Sole coloni
Alternis terram feriunt, & adorea flagris.
Fit clamor, resonat tellus rupesque propinuae,
Et paleae fursum strepitu jactantur inanes: 60
Laeta Ceres alto ridens despectat Olympo.
Umbra diem reliquum, somnus, librique, viaeque
Producunt, dum ficcam aestu Canis excoquit urbem.
Verum, ubi caeruleis ferus se se extulit undis
Vesper, & in caelum surgentia sidera vexit, 65
Vicina e specula, magni admirator Olympi,
Alta rupe sedens natis astra omnia monstro:
Accendoque animos patriae caelestis amore.
Illi admirari, & cognoscere sidera discunt
Cepheaque, Arctonque, & servantem plaustra Bootem.
Haec ergo praeferre urbi, & contemnere magna
Si possis, quid te teneat, ne tu ocyus ad nos
Accurras? etiam has sedes, haec limina magnus
NAUGERUS subiit, nec dedignatus adire est
BATTUS amor Musarum, ipsum quo tempore primus 75

Pana, atque antiquos cecinit Telluris amores.
 Hic me etiam defueta Deae, medicumque, senemque
 Carmina iusserunt canere, & ridere beato
 Illudentem urbem, & male fani murmura vulgi.
 Verum, haec GIBERTUS ne viderit ipse, caveto: 80
 Ni forsan Bubulone animum, curasque relaxans
 Propter aquam viridi laetus confederit herba
 Qua placidus leni descendit Tartarus amne.
 Scilicet hic numeros non aspernatur, & audit
 Nos etiam, & nostram, quamvis sit rustica, Musam. 85
 Verum, ubi se sibi restituit, mentemque recepit
 Illam alto intentam caelo, seu sacra sacerdos
 Munera obit, totum seu contemplatur Olympum,
 Tum supra & Musas, & ruris Numina supra est,
 Vitam agitans Divum, Diis se caelestibus aequans. 90

IX.

I N M O R T E M

A L I P R A N D I M A D R U T I I.

IMPOSITUM quum te pheretro, miserande MADRUTI,
 Cerneret illacrimans Caesar, circumque videret
 Et spolia, & victis erepta ex hostibus arma,
 Et modo victrices juxta moerere phalanges,
 Quantum, inquit, tua Mors nostris inimica triumphis 5
 Laetitiae, decorisque adimit! spes quanta futuri
 Tecum, ALIPRANDE, cadit! Sed non tua vivida virtus,
 Ut te hunc aspicerem, tua non promiserat aetas:
 Sed

Sed fore, qui Solymis mecum atque Oriente subactis,
 Barbaricis regum spoliis & mille trophaeis 10
 Olim magna tui decorares templa Tridenti.
 Invidit Mors tanta tibi. Vos nobile corpus
 Ferte Ducis vestri, juvenes, & reddite matri
 Exanimi: sed & haec miserae solatia ferte,
 Tantum ipsam peperisse virum, qui Caesaris usque 15
 Et comes, & bene gestarum pars maxima rerum,
 Caesaris ex animo nullo delebitur aevo.

X.

AD ALEXANDRUM FARNESIUM

CARDINALEM AMPLISSIMUM.

PRISCAE virtutis, Romani & sanguinis haeres,
 FARNESI, quoniam nec Dii munuscula laeta
 Despiciunt, hominum spicas, ac ferta rosarum,
 Libaque, & exigui devotum turis honorem:
 Tu quoque (si mores imitari, ac facta Deorum 5
 Praecipue Heroum est) non dedignabere parva
 FRASTORI quae dona tui natusque, paterque,
 Perpetui affectus monumenta, ac pignora mittunt,
 Hos tibi patre Lyco, Scylla genitrice gemellos
 Dat natus sua dona canes. Scyllae inclyta origo 10
 A Nilo est: Lycus a magno descendit Araxe.
 Qui quondam Euganeas transmissi munus ad oras
 Praestabant cunctis, sive aprum figere morfu
 Esset opus, rapidum cursu seu vincere cervum.

Horum

Horum igitur sobolem natus tibi ab ubere matris 15
Nutriit ablatam, & nostris exercuit arvis
Venatu assiduo, & vires durante labore,
Nostrorum famam nemorum, geminumque ferarum
Terrorem, nunc ille tibi quam mittit habendam,
Romanis eadem in campis si forte sequetur 20
Gloria, & ignota fors in regione juvabit.
At genitor, nati cum munere, carmina mittit
Haec tibi: quae, quamquam tristi fugiente senecta
Laetitias cantusque, tamen voluere Camoenae
In te unum, dominaeque mei, nimiumque potentes, 25
Ut canerem, Musaeque canes comitarer amica.
Ergo tot rerum curis, ac pondere tanto,
Quo premeris, dum rem Romanam, ac publica curas,
Si quando defessum animum, mentemque remittes
Liber, & ad dulces poteris te vertere Musas, 30
Haec quoque nostra leges: ea si dignabere tanti,
Inter Romanas ut eant spectanda Camoenas.
Quod si etiam recreare animum corpusque juvabit
Venatu, & latos saltus ac densa ferarum
Lustra fatigare, & capreas agitare fugaces, 35
Tum canibus miscere tuis, tecumque vocare
Ne pigeat nato missos. hirsutior ille
Cuncta niger, tantum pedibus & gutture canus,
Non invitus herum Tiberonis voce sequetur.
Asthiso (namque hoc alter de flumine nostro 40
Nomen habet) nec cursu impar, nec dente minaci
Segnior, anguineo suffusus terga colore,
Frontem albo pictus discrimine, pictus & albo
Cervicem, caudamque imam, pectusque, pedesque,
Addi-

Addictus lateri numquam discedet herili: 45
Tantus amor domini: nisi forte cupidine praedae
Conspectae impatiens etiam retinacula rumpat.
Hic tu, vel pulchro Calai, vel Tyndaridi alto
Polluci similis, silvas latratibus omnes
Complebis, rupestque hominum clamoribus altas, 50
Vectus equo Haemonio, & fulgenti clarus in ostro.
Attonitae visu discent nemora inter amare
Rusticae Hamadryades, discetis amare, Dianae
Insuetae Comites: volucris sed concitus ille
Fertur equo, vestrosque alio deportat amores, 55
Insequiturque feras. ah, ne illum accensa cupido
Venandi, excitos silvis impellat in urfos:
Ne in saevos impellat apros: tibi cura, Dione
Aeneadum genitrix, sit custodire Nepotem,
Et juvenem ilicea defessum sistere in umbra. 60
Sat silvis animoque datum est: illum sua Roma
Poscit, & exspectat lati res publica Mundi.
I, spes magna Urbis, rebusque vocantibus adsis.
Interea, quando mihi Divus habere semper,
Ipse tibi CAPHIS sacras in montibus aras 65
Institutam, qua se summo de vertice collis
Tollit, & aequatum Benaci prospicit aequor,
Et virides olea ripas, Patriamque Catulli.
Hic tibi solennemque diem, & renovanda quotannis
Sacra, tuo statuam semper de nomine dicta. 70
Tunc rosa, tunc violae, tunc purpurei hyacinthi,
Verbenaeque senem deceant, tunc texere flores,
Et viridem cano capiti imposuisse coronam,
Laetitiaque diem & multo producere Baccho,

Fal-

Fallentem senium, & curas de corde fugantem. 75
 Forfitan & Musarum aliqua, & tibi fautor Apollo
 Plectra mihi, citharamque dabit: Deus ipse canentem
 Perque tuos annos, perque acta illustria ducet.
 Infanti ut prima impellens cunabula Pallas
 Accinuit cantu Grajo, cantuque Latino, 80
 Scilicet & fari lingua assuefecit utraque.
 Ut puerum Aonio perfusum labra liquore,
 Per dulces Musarum hortos & amoena vireta
 Perduxit, nunc Uranie, nunc Calliopea,
 Nunc Clio monstrante viam, nullaue Sororum 85
 Non donante rosas, & ferta virentia lauro.
 Tum mores animumque dedit, sensumque senilem,
 Atque Urbem regere, ac sacro splendere galero.
 Nec jam Roma capit, sed lata in regna vocatum
 Ad pacem Europae, non te maria alta fatigant, 90
 Non juga, non toties superatis nubibus Alpes.
 Te Poeninae arces, celerem te Norica saxa
 Spectarunt rapido montana per ardua cursu,
 Quantum Sol caeli, tantum telluris obire
 Matre Dea comitante, & iter monstrante Nepoti. 95
 Nec fatis haec: majora urgent. Germania nuper
 Grata Deo, nunc ingeniis elata superbis
 Detrectare jugum Imperii, & se opponere Patrum
 Sanctorum placitis, & sacris legibus audet:
 Nec jam Pontificum, nec jam ullos Caesaris audit 100
 Infelix monitus, sed laevo numine Divum
 Arma parat: socium Caesar te poscit in hostes,
 Pro sceptro Imperii, pro religione Deorum.
 Tunc primum attonitae gentes videre Latinae
Te,

Te, Fratremque tuum patria virtute, animisque 105
Invictis pariter, res duri & munera belli
Tractantes: gemini quales duxisse feruntur
Tyndaridae pulchri Grajas in bella cohortes.
Tunc primum Romana acies, antiquaque virtus
Visa fuit: Ducibus tantis Mavortia pubes 110
Magnanimi Aeneadae, memores virtutis avitae
Bella cient: Italo pleni jam milite campi
Densantur: jam procedunt longo ordine signa
Sublata in ventos, lateque inimica minantur.
Nec mora, jam summis Romanus miles, & arma 115
Alpibus apparent: concussae motibus illae
Fuderunt gemitus: longe vagus audiit Oenus,
Obrigitque gelu: riguerunt flumina Rheni,
Et pavidus fluxit demissis cornibus Hister.
Romanum ad nomen planxerunt pectora matres, 120
Caraque in Hercynias traxerunt pignora silvas.
Sed quo me rapitis, Musae? quid facta revolve
FARNESI? Majora animo jam concipe, teque
Impavidum, invictumque, aliis accinge triumphis.



XI.

A D E U M D E M

ILLUSTR. ET REVERENDISS. CARDINALEM

ALEXANDRUM FARNESIUM,

Cui Libros de Contagione dedicavit.

HAEC ego florentes Sophiae digressus in hortos,
 Italiae decus o Juvenis, FARNESIA proles,
 Condebam, lectasque tibi de more sacrabam
 Primitias, dum tu magni inter Caesaris arma,
 Gallorumque acies, recti pacisque sequester 5
 Res miserae Europae fractas componis, & omne
 Robur, & arma Dei Maumethem vertis in hostem,
 Percurrisque omnem, veluti Sol aureus, Orbem.

Fortunate nimis, quem cunctae applausibus urbes
 Excipiunt, Pacisque vocant Patremque, Deumque, 10
 Inque caput, sacrosque sinus, humerosque, manusque
 Et nigras violas, & candida lilia jactant.

Cui magna Italia, & terrarum maxima Roma
 Assurgit, festosque dies, & sacra Nepoti,
 Solennesque agitat pompas. densi undique circum 15
 Stant populi, & studio ingenti, & clamore secundo
 FARNENSUM genus omne, alto de sanguine ductum
 Aeneadum longa serie, super aethera tollunt
 Patres, atque Duces, & partos mille triumphos:

Assen-

Afsensu refonat Tybris, & Tyrrhena resultant 20
Litora: septeni refponfant gaudia colles.

O nimium dilecta Deo, praelataque longe
Progenies, five imperiis & Marte regendae
Sint res Romanae, seu Relligionis habenis.

Atque equidem e fracto Imperio, Romaque cadente 25
Servatam hanc stirpem fato, statuentibus & Diis
Crediderim, quo Romanum per secula nomen
Staret, & ara Dei, quae primum maxima magnis
Auspiciis fundata fuit, fit maxima semper.

Quo me, PAULLE, rapis, quo tuque Neposque vocatis 30
Laudibus heroum insuetum? tu maximus ille es,

Uni cui Regni triplicis capite alta tiara
Confurgit, cui summa uni terna illa potestas
Terrarum, Caelique data est, vastique Profundi,
Illorumque aperire fores, & claudere posse, 35

Qui PETRI, CHRISTIQUE Ratem turbante procella
Ventorum varia, & remorum parte revulsa,

Tempestatem omnem, atque adversos discutis Euros.

Nec sanctam sine honore finis, sine remige certo
Fluctibus in tantis agitari turbine Cymbam, 40

Maecte animo Romano, & maecte ingentibus ausis.

At tibi quas, Juvenis fortunatissime, dignas

Attribuam laudes, generis spes altera tanti,

Inclyte ALEXANDER, puerum quem plurima Virtus,
Canaque confurgens teneris Prudentia in annis, 45

Et spondens majora astris felicibus Aether

Ad summos meritum ante annos evexit honores,

Et sacri gestare dedit decora alta galeri?

En quantum de te sacri sibi Pastor ovilis

Spon-

Spondet Avus tuus ille, animo quae gaudia versat.
Forſitan & proprio non tam gaviſus honore,
Quam ſpe ſublatus, tanti & virtute Nepotis,
Neſcio quid majus praefaga mente volutat:
Scilicet & gnarus fatorum, & praefcius aevi
Venturi, illa videt felicia tempora, quum tu 55
Sede ſua, folioque Dei, Diis proximus ipſis
Confideas, quum Pontifici tibi maximus Orbis
Gratetur, ſupplexque tuis ferat oſcula plantis.

O mihi poſtremae tantum dent Numina vitae,
Ipſe etiam ut tum te tremulus, conſectus & annis 60
Aſpiciam, ſanctosque pedes proſtratus adorem.
O & ſi poſſim canere, & tua dicere facta,
Et ventura novo tecum ſecula aurea Mundo.
Nam video ſub te victum, longeque fugatum
Maumethem ſe Caucaſeis includere portis: 65
At Pacem viridi redimitam tempora oliva
Ire per Europam magnam, atque invifere terras:
Quam pia Relligio, & junctis Concordia dextris,
Et Probitas, & Amor recti comitentur euntem.

Salve, magne Tybri. Salve & tu, maxima rerum 70
Roma parens, ſalvete arces, collesque Latini;
Aurea qui primi longo meminiftis ab aevo
Secula, quum nulli variarent jugera fulci,
Sponte ſua ſed terra ferax daret omnia, & ipſae
Praeberent dolci victum de robore glandes; 75
Et nunc venturis eadem ſperetis ab annis.

XII.

A D J U L I U M III.

PONTIFICEM MAXIMUM.

MAXIME Divini Pastor gregis, inclyte JULI,
 In terris cui summa uni est concessa potestas,
 Sceptra vicesque Dei gerere, & regna infera Ditis,
 Caelorumque fores aperire, & claudere posse:
 Si tu, dum magnae Italiae, dum prospicis omni
 Europae, & vasta Mundi sub mole laboras,
 Paullisper potes a tantis secedere curis,
 Et potes agrestes pastorum audire Camoenas,
 Nunc aures adhibe placidas mihi: Nāque ego, quae Pan,
 Pan magnus cecinit nostros ventura sub annos,
 Nunc referam, tua, Magne Pater, pars maxima quo-
 rum est,
 Cujus ab auspiciis Parcae nova secula volvunt.
 Nec te poeniteat pastorem audire canentem,
 Quando etiam Admeti tauros formosus Apollo
 Pavit ad Amphrysi ripas, tenuique cicuta
 Non puduit cantare Deum sub tegmine acerno:
 Et Veneri dilectus oves ductavit Adonis.
 Scilicet & tu etiam post grandia nomina Pastor
 Diceris, atque hoc in primis cognomine gaudes,
 Et pecudes curare soles, pecudumque magistros.
 Forte ego, dum medio terras Sol excoquit aestu,
 Ipse Suesani pastor puer incola campi

Ducebam pastas viridi de valle capellas
 In nemorum secreta, umbras & frigora quaerens,
 Qua placidus cursu descendit in aequora Lyris. 25
 Est lucus, prisca quem sacra vere Latini
 Silvano: in cuius medio densa ilice cinctum
 Est pratum, agrestes ubi Dii persaepe videri
 Audiri que solent: hic capripedes Satyriscos
 Pastorumque manum junctis per mutua palmis 30
 In gyrum canere, & laetas agitare choreas
 Invenio admirans. medius Pan magnus ovanter
 Ad calamos, cantusque regit ducitque coronam.
 Dumque Deus canit ipse, filet tum cetera pubes.
 Dum filet ille, alii thiasos, cantusque, sequentes 35
 Instaurant, repetuntque Dei postrema canentis.
 Ingeminat postrema nemus, respondet & Echo.
 Tum me respiciens, mihi sanguine proximus Anthus,
 Anthus, Aquinatis pastor gregis, huc, puer, inquit,
 Huc ades, o Neore, & te his adijunge choreis: 40
 Aut, spectare magis si te juvat, aggere ab illo
 Prospice, dum saturae sua ducant otia caprae.
 Cui ego: Quin potius juvet hoc de cespite vestros
 Spectantem lusus, molli requiescere in herba.
 Et tum forte Deus buccas sandyce rubentes 45
 Inflans, & picea frontem praecinctus acuta,
 Ad calamos circumfiliens, haec carmina cantu
 Fatidico insanus latas fundebat ad auras:
 Dicite io, Satyrisci, & io geminate, coloni;
 Aurea felici nascuntur secula Mundo. 50
 Excipiunt juvenes, iterat nemus, assonat Echo:
 Aurea felici nascuntur secula Mundo.

Tum

Tum sequitur Deus. ante tamen Rex magnus Olympi
Bellumque, horribilemque famem, diramque flagellis
Armatam Alecto e tenebris, & faucibus Orci 55
Immittet terris, genus ut mortale coercens
Castiget, fraudesque hominum, fastusque superbos,
Et luxus, & spes miseras, & gaudia vana:
Dum tandem se se, atque Deos cognoscere discant.
Mox tantum expectatum illud, quod carmine sacro 60
Tot Vates cecinere pii, felicibus astris
Adveniet tempus, quo Mons ille arduus, ille
Mons ingens, sublime caput super omnia tollat
Culmina, fidereum qui vertice tangat Olympum:
Quo neque vis ventorum adeat, non fulminis ignes. 65
Dicite io, Satyrisci, & io geminate, coloni;
Aurea felici nascuntur secula Mundo.
Hoc in Monte Dei pecudes pascentur & agni,
Graminis aeterni pingues, & velleris aurei.
Exsiliunt & aquae vivae, quibus ubera caprae 70
Grandia distendant, distendant ubera vaccae.
Non malus hic serpens, non noxia creverit herba,
Non fentes, sterilisve filix, non frigida taxus,
Sed bis lecta seges, sed bis gravis uva racemis:
Corticibusque cavae sudabunt balsama pinus. 75
Hinc magnis praestantem animis, & fortibus ausis
Fortunata nimis Pastorem haec secula habebunt,
Qui virtute regat populos, & legibus aequi,
Divinas qui pascat oves, & pascua late
Extendat, pecudesque ipsas, & ovilia servet. 80
Hic primum diram Alecto, & Cocytia monstra
Caucasea aerata religabit rupe catena.

Inde famem miseram e Latio populisque Deorum
Pellet in hostiles gentes, & barbara regna.

Tum laeta Ubertas, segetumque onerata manipulis 85

Alma Ceres Italas spicis venerabitur aras:

Quam circum pueri salient, & rustica pubes,
Ridentisque jocos, in comtaque carmina dicent.

At noti Musis Damones & Alphefiboëi

Vota Patri magno, laudesque & sacra canentes 90

Aeternis illum numeris ad sidera tollent,

Heroëmque, Deumque, salutiferumque vocabunt.

Dicite io, Satyrisci, & io geminate, coloni;

Aurea felici nascuntur secula Mundo.

Ille animum mox ad pacem, & discordia regum 95

Pectora convertet, sanctisque hortatibus iras,

Atque odia, & caecos regnorum & laudis amores,

Horrendamque sitim caedis, fusique cruoris

Sedabit, pelletque feri mala semina belli.

Tum Pax alma ferens ramos felicitis olivae, 100

Atque Amor, & junctis pariter Concordia dextris,

Et Genius comitum, & generis Hymenaeus amator

Invisent late populos, Latiiue per arva

Laetitiam, risusque ferent: tum iusta cupido

Bellorum, piaque arma, Dei vertentur in hostes. 105

Jam video augustis late plena aequora velis

Fervere, jam trepidare vagi septem ostia Nili,

Euphratemque, Tygrimque suo se condere in amne.

Jam nec Bactra ipsum capiunt, non India tota

Maumethem fugientem, ipsum non Caucasus ingens, 110

Non qui tot silvas, iuga tot comprehendit Imavus.

Dicite io, Satyrisci, & io geminate, coloni;

Aurea

Aurea felici nascuntur secula Mundo.

Quaenam, quae properant tantae per caerula puppes
Devotae ad Tiberim, magnaeque ad moenia Romae,
Ceu densae ad nidos latum per inane columbae?

Agnosco gentem innocuam, numerumque beatum,
Felices animas, fatis ab origine prima
Dilectas, quae caelo olim, Divisque fruantur.

En jam sanctam Urbem, jam septem in collibus aras 120
Impositas, summique pedes Pastoris adorant.

Hos inter, video, & nostri longa aequora fulcant
Arcades, Italiamque petunt, fataliaque arva

Arcades. o soli quondam cantare periti
Pastores, quos Justitia e tellure recedens 125
Postremos liquit, nunc rursus laeta revisit.

O sancti, properate; vocat Deus aethere ab alto:
Vos alius jam grex, aliudque exspectat ovile.

Quin venit illa dies, quum nos quoque Maenala nostra,
Arcadiumque omnem, qua immani a gente repulsi 130

Fugimus in Latium, longo post tempore tandem
Visamus, dulcemque auram. o placidissime Peneu,

O Ladon, vos o gelidi pineta Lycae,
Quando ego per vestros meditabor carmina lucos?

Maenalios quando recinet mea tibia versus? 135
Maenalus auritas, dantesque oracula quercus

Semper habet, semper doctas ille audit avenas.

Concipe Maenalios, mea tibia, concipe versus.

Talia cantabat memorans Pan magnus: at Anthus
Haec referes, puer, inquit, & hoc tibi munus habeto 140

Nunc parvum: ventura dies majora reservat.

Tum mihi fiscellam dono dedit optimus Anthus,

Dicere & occasus astrorum, dicere & ortus,
 Et quid quaeque ferat tellus, quae commoda Baccho,
 Quae Cereri, quidnam ventos, quid nunciet imbres, 145
 Quae tempestatum, caeli quae signa sereni:
 Denique quae cunctis natura sit indita rebus.
 Virtutem in primis & honestum, quemque docere,
 Ac vitii ipse expers, aliena notare paratus.
 Et jam tempus erat pastum deducere capras. 150

XIII.

I N C I D E N S.

B A T T U S amor Dryadum defunctum pastor IOLAM
 Flebat. eum Fontes, Alpinaque Numina circum,
 Sarcaque, pumiceoque sedens Benacus ab antro
 Moerentem lacrimis consolabantur obortis:
 Ille autem nulla accipiens solamina, tantum 5
 Deserta sub rupe, in litoribus Benaci,
 Talia nequidquam furdas jactabat ad undas.
 Immites Divi, & crudeles vos quoque Parcae,
 Crudeles nimium Parcae: vos ibitis amnes,
 Aëriae stabunt rupes: nusquam amplius ipse 10
 His terris, numquam hoc caelo agnoscetur IOLAS
 Ut cecidit? semel in pratis ut purpureus flos,
 Quem tetigit vel hiems, vel iniquo Seirius astro.
 Currite jam, fluviorum undae, & producite vitam,
 Et, rupes, durate: tamen non alter IOLAS 15
 Hos pecus in montes, non haec ad flumina ducet.

XIV.

XIV.

INCIDENS

AD JOANNEM BAPTISTAM

TURRIANUM, VERONENSEM.

ILLA colum exercens saxo confedit aprico,
Laeta tepore novo, & liquefacta Sole pruina:
At juxta nemore in magno grex pascitur omnis.

XV.

HIEMIS.

AD EUMDEM.

FRIGIDUS at silvis Aquilo si increverit, aut si
Hiberni pluviis descendunt nubibus imbres,
Nos habeat domus, & multo lar luceat igne.
Upilio ingentem aut fagum, vel scissile robur
Sufficiat, tum vos, claro quando igne soletis, 5
Juniperi, suaves circum diffundere odores,
Et vos, Palladiae, flammis imponat, olivae.
Ante focum tibi parvus erit, qui ludat, IULUS,
Blanditias ferat, & nondum constantia verba.
Ipse legam magni tecum monumenta Maronis. 10
O fortunatos nimium, si fata, quod aevi
Nos manet, hanc una dederint producere vitam.

XVI.

V E R.

A D E U M D E M.

JAM veniet Ver purpureum, juvenisque revertens
 Annus aget Zephyros, & caelo desuper alto
 Deducet pleno genitalia femina cornu:
 Unde hominum genus, & pecudum, vitaeque natantum,
 Et pictae volucres, & amantes roscida plantae 5
 In Venerem caeco aeterni rapiuntur amore.
 Gaudete, o quicumque bonum speratis, agrestes,
 Quorum amor est sobolis, studiumque nepotibus arva
 Incolere, & parvas ulmis attollere vites:
 Annus io, novus annus adest: mutatur & aetas, 10
 Et meliora novo nascuntur secula Mundo.
 Bella pater procul, & diras Saturnus Erinnes
 Arcebit caro e Latio, ac sub Tartara mittet.
 Tum Lethum, & caecus Furor, & vesana Cupido
 Perpetuis extra terras religata catenis 15
 Perfolvent poenas scelerum: at Pax alta per omnem
 Italiam magno populos sub Caesare viset.
 Ille autem insignis spoliis, & mille trophaeis
 Instituet festos alta ad Capitolia ludos.
 Stabit onusta ingens, Tarpeji ad limina templi 20
 Quercus honore sacra, & praenuncia temporis aurei.
 Tum vescae glandes, tum terra sponte ferente
 Omnia: comparibus disjunget colla juvencis

Agri-

Agricola, & rudibus mirabitur hordea fulcis
 Sponte adolere sua, & nullo frumenta colono 25
 Undantem laetis segetem flavescere campis.
 Noctibus in silvas & mollia prata serenis
 Aetherio dulcem commixtum nectare rorem
 Sudabit caelum: tenera qui lectus ab herba
 Mortales saturet mensa dapibusque Deorum. 30
 Salve, magne Tybri, & vos, natae Tybride Nymphae,
 Tuque, senex pater Eridane, & qui flumine Tusco,
 Benace, in nostro placidus perlaberis agro.
 Tuque, Athesis, cunctique amnes salvete Latini,
 Dique omnes magnae Hesperiae, qui secula soli 35
 Aurea Saturni primo meministis ab aevo:
 Quum sepes vel limes adhuc communibus agris
 Non foret, aut ulli variarent jugera fulci;
 Sponte sua sed terra ferax daret omnia, & ipsae
 Praeberent dulci victum de robore glandes. 40

XVII.

INCIDENS AD EUMDEM.

QUARUM pars brumae impatiens, & condita terrae,
 Exspectat ver egelidum, flatusque Favonii:
 Pars passura hiemem, laeta ab radice virescit,
 Emittitque comam, ficulumque atque altera beta,
 Atque ari virides, & odoriferae calaminthae, 5
 Atque olus, atque rumex, & falsi gramina crithmi.
 Quas inter suaves mollesque aspirat odores
 Nunc decus hortorum, menta: at, si vera loquuntur,
 Nym-

Nympharum quondam pulcherrima Grajugenarum .
 Tum juvat & frondes apii, & sisymbria laeta, 10
 Intubaque, & toto florentes frigore fonchos
 Incolere, atque hortis Aquilonem arcere nocentem .

XVIII.

A L I U D .

NOx venit, & pastae redeunt ad tecta capellae .
 Prae caper it, cui barba jubat, cui cornua pendent
 Intorta, & grandes olido de corpore setae .
 Pone gregem reliquum compellit arundine virgo
 Upilio, multo armantur cui baltea fuso. 5
 At mater longaeva, igni dum brassica fervet,
 Mulctra effert, gravidoque recens lac ubere mulget .
 Rusticus interea pinguis collector olivae,
 Interea & validus prima de nocte bubulcus
 Advenere domum: congesta tum focus orno 10
 Ingenti, aut fago, vel fragmine roboris, ardet .
 Tolluntur laetae flammae, lateque relucet .

XIX.

ALIUD INCIDENS AD EUMDEM.

AT nemora, & liquidis manantia fontibus arva,
 Et placidus myrteta inter, laurosque virentes
 Vicinus nitido Benacus labitur amne .
 At focus, & circum pueri, vernaeque canentes,
 Dum

Dum caena undanti coquitur silvestris aheno, 5
 Grandiaque exurunt crepitantes robora flammæ,
 Suspensæ e summis pendent laquearibus uvæ,
 Malaque, castaneæque, & passio fistula ventre.
 Hiberna de nocte, boum stabula alta petuntur.
 Una omnes matresque, virique, omnisque juvenus 10
 Insomnem exercent noctem: pars pensâ fatigat:
 Pars texit teneros Amerino vimine qualos:
 Atque anus hic aliqua interea, dum vellera carpit,
 Et teretem tremulo propellit pollice fusum,
 Languentes oculos fabella fallit inani. 15

XX.

A L I U D.

MANE domi validos pluvia ut conclusit agrestes,
 Caeditur iliceo distenta sagimine porca.
 Laeta domus. tum sollicita in farcimine mater
 Pingue suis niveum, & dissecti frustra cerebri,
 Et niveum lac purpureo cum sanguine miscet. 5
 Tum semen marathri, atque arentis gramina thymbræ
 Adjicit, & coli insperso sale concava complet.



XXI.

I N N A T A L E M D I E M

JANI FREGOSII, CAESARIS F.

SACRORUM si plena Deo sunt pectora vatum,
 Si norunt triplices fata futura Deae:
 Fortunate Infans, verus tibi gloria vates,
 Grandia concordēs concinuere Deae.
 Ecce tuo felix nasci novus annus ab ortu 5
 Incipit, atque omen nomine habere tuo.
 Cresce cito, magnique Patris mirarier acta
 Incipe, & invicti CAESARIS arma sequi.
 Tempus erit, tibi quum partis jam mille trophaeis,
 Et fessi rebus compositis Latii, 10
 Barbaricis captis opibus, Ducibusque subactis
 Multa tibi circum tempora laurus eat.
 Tum laeta ante tuum stabit Victoria templum,
 Claudet & aerata limina athena fera.



XXII.

D E P A R T U

VICTORIAE FARNESIAE
GUIDI UBALDI FERETRII.*Urbini Ducis, Conjugis.*

LUCINAE Junonis opem VICTORIA supplex
Quum peteret, placido sic ait ore Dea:
Sis licet Aeneadum & Veneris de sanguine avito
Nata, Puella, tamen digna favore meo es.
Quam Charites tanto junctae comitantur honore, 5
Grandia quam Parcae fata manere canunt.
Quippe ubi Junonis flos & Saturnia quercus
Jungantur, faustis currere Isauron aquis,
Promittique tibi sobolem, qua pristina virtus
Italiae, & priscus restituatur honos. 10
Nascere, magne Puer, Patremque imitatus Avosque,
Magna aude, non vos Umbria magna capit.
Et jam Infans sanctasque manus, Divamque secutus
Optati in lumen aetheris exierat.
Ergo & quod potuit, risu agnovitque Parentem, 15
Praesentisque dedit nuncia signa Deae.

XXIII.

TUMULUS FRANCISCI MARI

M O L S A E M U T I N E N S I S .

QUOD MOLSÆ fuerat mortale, hac conditur
 urna,
 Extruxere suis quam Aonides manibus.
 Coetibus at Superūm fruitur nitidissimus almīs,
 Itque comes magno spiritus HIPPOLYTO,
 Quem MEDICA de gente satum pulcherrima Virtus
 Extulit, & caeli templa tenere dedit.
 Quemque unum ante omnes coluit dum fata sinebant,
 Arque oculis Vates praetulit ipse suis.

XXIV.

AD JOANNEM LIPOMANUM,

ex Veronensi Praetura decedentem.

HADRIACUM, LIPOMANE, Athesis dum curre
 in aequor,
 Dum meritis reddetur honos & gratia, semper
 Praetori tibi debebit Verona, patrique
 Linquenti monumenta annos mansura per omnes.
 Illa tibi semper divinos solvet honores,
 Et condet tua perpetuis annalibus acta.

I, spes

I, spes o Venetûm, & quem jam moderamina parva
 Non capiunt, i, te majoribus inferere sceptris:
 Et lacrimas, & vota, quibus comitamur euntem
 Accipe, discessusque tui dona ultima porta.

XXV.

I N M O R T E M

JOANNIS BAPTISTAE MONTANI,
 MEDICI VERONENSIS.

DUM medica, MONTANE, doces ope vincere fata,
 Et Lachesi invita vivere posse diu,
 Laethaeo indignans pressit te Parca sopore,
 Et secuit vitae grandia fila tuae.
 Sic, animas & tu, Asclepi, dum subtrahis Orco, s
 Te quoque saevorum perdidit ira Deûm.

XXVI.

AD JO. MATTHAEUM GIBERTUM,
 EPISCOPUM VERONENSEM.

MELSINAEAE rupes, subjectaque litora Tusci
 Quae suprema sonans alluis unda lacus.
 Annuite: agrestem dum, votum pauperis, aram
 E vivo Thyrsis cespite tollit humo.

Nunc

Nunc herba struit, atque hederis & floribus ornat: 5

Et, GIBERTE, tibi rustica sacra facit.

Ast olim auratam niveus tibi taurus ad aram

Cornibus auratis victima magna cadet.

XXVII.

A D E U M D E M.

NAJADES hoc, GIBERTE, tibi Benacides antrum,
Et qui muscoso fons cadit e lapide,
Sacrayere. tibi sit cura & fontis & antri:

Et quandoque Deus ad tua sacra veni.

Et sacer est, & habet spirantes suaviter auras 5

Hortus: & est nullo gratior umbra loco:

Et nusquam est longaeva mage, & felicior arbor,

Pulcher Adoni, tua; pulcher Apollo, tua.

Hic canere, & tenuem posse exercere Camoenam

Ille dedit: sanctus qui mihi semper erit. 10

Hic herbas, succosque tuos, artemque relinquo,

Phoebe: soles Musas tu quoque amare magis.

XXVIII.

A D E U M D E M.

IPSA tibi, GIBERTE Deus, lego lychnida Leuce
Melfineis Leuce cognita litoribus.

Et pulchram cyanum, & canentia lilia necto:

Illa colore magis, haec & odore placent.

Roma

Roma caput sacro decoret tibi magna galero: 5
Non tamen & Leuce, non sua ferta dabit.

XXIX.

A D E U M D E M.

ET laurum, & citrum hanc teneram de matre
revulsam

GIBERTO sacram Thyrsis utramque ferit.

Hanc, Venus, ast illam Juveni servabis, Apollo,

Ne noceant aestus, ne noceatve gelu.

Tu quoque Benaci vicino, Naïs, ab amne 5

Clam gelidas teneris frondibus affer aquas:

Dumque feres, dic: Sancte, humili tibi nunc Dea rivo,

Quum venies, toto serviet amne tibi,

XXX.

D E M A R S A N G O

FLUVIOLO, PROPE VILLAM

JOANNIS BAPTISTAE RHAMNUSII,

in Agro Patavino.

QU i te populea cingit, MARSANGE, corona,
Dulce ut in umbrosis cornibus aura sonet:

Ac ne umquam inficiat lutulenti sordida plaustri

Te rota, sub firmo dat tibi ponte viam,

L

Vicinae

Vicinae cultor villae, RHAMNUSIUS, horti, 5
 Agrique, & dominus ripae utriusque rogat;
 Lenis vere flue, atque nivali providus undae
 Arida in aestivi sidera parce Canis.
 Sic tibi grata Nape geminabit ferta quotannis,
 Et tua par magnis annibus ibit aqua. 10

XXXI.

D E E O D E M.

QUI modo fons, MARSANGE, humilis, modo
 cornibus ingens
 Per salicum rapido laberis amne nemus.
 Vere novo, MARSANGE, mihi flue lenior undis;
 Uberior, sitiens quum coquit arva Canis.
 Frigentes aestate tibi RHAMNUSIUS umbras 5
 Sparget, & ad gelidas ipse sedebit aquas.
 Vere rosam violasque feret: pictasque corollas
 Pulchra tibi hinc Naïs, hinc Galatea dabit.



Quae

Quae sequuntur, sumpta sunt de libris,
quos FRACASTORIUS soluta
oratione conscripsit.

In calce Homocentricorum.

Sed jam me rapidi diversa volumina caeli
Dimensum satis, & numquam requieta secutum
Sidera, per varios cursus variosque recursus,
Hac juvet insudasse tenus: nunc ultima fessum
Accipiat, finemque meo det meta labori. 5
Vos aeterni orbes, aeternique aetheris ignes,
Qui tacito circum labentes tempora cursu
Ducitis, & longum per secula volvitis aevum,
Si non aeternum (neque enim fas poscere tantum)
At saltem durare diu, & producere vitam 10
Hoc concedite opus, videant ut vestra nepotes
Secula, & aeternis vos admirentur ab annis.
Mirenturque vias, quum jam non tramite fueto
Curreret iter solitum Titan, sed purpureum ver
Et juvenem signis conversis invehet annum. 15
Tuque etiam, seu te tua tanta inventa, novosque
Admirantem orbes, puro fulgentia caelo
Templa tenent, seu Threïciae testudinis audens
Tangere ebur plectris, numeros & carmina dictas,
Qua via fidereo candescit lactea caelo, 20
TURRI, ades, inventisque tuis, nostroque labori
Da, sancte, augurium, atque optatis annue nostris.

Postremo Capite Libri Primi de Contagiosis Morbis.

Saepe exiguus mus
 Augurium tibi triste dabit, tellure sub ima
 Quem non ullus amor tenuit, sed in aëra apertum
 Erupit scrobibus, vitaeque, atque immemor usus,
 Et parvos natos, & dulcia tecta reliquit. 5
 Ipsa etiam tellus ceu non ignara futuri,
 Quum tremit, atque intus gravida suspirat ab alvo,
 Signa dabit: tremuere urbes, & vertice toto
 Formidavit Athos, timuitque sub aequore Nereus.

Capite Septimo Libri Tertii de iisdem.

Proderit & latos stipularum incendere campos,
 Et nemora intacta, & sanctos exurere lucos.

Dialogo de Poëtica.

Huc ades, o Thelayra: quid ah quid grandia farra
 Aestivo sub Sole teris, medioque sub aestu,
 Nec parcis tibi, saeva? ah te ne immitis adurat
 Seirius: ah teneras ne rumpat pustula palmas.
 Demens, o Thelayra, patri concede laborem, 5
 Cui Cereris cura est: melior te cura Diones
 Sollicitet. tu, dum fervet tritura sub aestu,
 Dum crepitat seges, & multo sonat area pulsu,
 Clam te operi furare, & aquas effinge ferendas.
 Hic nitidus fons est: hic plurima populus umbram 10
 Suffi-

Sufficit, & gelidae summittit frigora ripae.
 Vos aurae, Alpinis placidae de montibus aurae,
 Haec illi portate: aut, si pater obstat eunti,
 Saltem aestum lenite, gravem lenite laborem.

Libro Primo de Intellectione.

Natalem, Thelayra, tuum lux crastina reddet.
 Crastina lux mihi sancta. tuos age, Lucifer, ortus
 Profer, & Auroram propero dux evehe curru:
 Evehe, sed sero tardus cede, Hespere, caelo,
 Longa ut eat, felixque dies. lege lychnida, Leuce, 5
 Et viridem violis intextito amaracon albis.
 Serta duo mihi neſte: unum, quod poſtibus ipſe
 Appendam, Thelayra, tuis, mea maxima dona
 Nota tibi: aſt aliud, quod feſta luce laborum
 Immunes decoret plena ad praefepia tauros. 10
 Tu vulgo Venerique palam formoſa videnda
 Comtaque, ſed clam pulchra tuo, ſed comta Myconi
 Incedes, tacitiſque Deam venerabere votis,
 Ut mea tu, tuus ipſe ut ſim: Dea maxima votis
 Annuet. at tu omnem, Thelayra, abrumpe pudorem 15
 Tum, quum exſpectatum diſſabit tibia cantum,
 Ardentesque ſono in choreas accendet amantes.
 Tum dextram laevamque manus jungamus amicas,
 Invideantque omnes, neque enim te doctior uſquam
 Ulla ſalit, non ipſa Iole, non nata Lycotae. 20
 Me vero quales in caelum tollere ſaltus
 Aſpicias, Thelayra! modo & te ſectere in orbem,
 Et modo te contra ſtantem mira arte movere

Ante retroque pedes, spatio nec cedere ab uno!
 Ipsa Venus caelo ridens spectabit ab alto.

25

Eodem Libro.

Ollis divina super mens
 Astat, magna, micans: cujus radiata nitore,
 Quae fuerant obscura prius simulacra, repente
 Fiunt coram anima, claraque in luce refulgent.
 Non aliter, quam quae caeca sub nocte tenentur, 5
 Si feriat rutilum Solis jubar, omnia late
 Splendescunt, pulchraque petunt in luce videri.

In calce ejusdem Libri.

Lyncas nec acres advehe, neu gere
 Thyrsos, venustum nec tege casside
 Horrente vultum, sed tenero veni
 Cinctus tempora pampino:
 Tuisque mitis & placidus sacris 5
 Adesto, qualem te memorant, jugo
 Baëtris subactis, in medio Deum
 Convivam Jove cum patre
 Sedisse, circum Diis resonantibus
 Euoë: pharetra quum posita tuas 10
 Laudes eburna grandiloquus lyra
 Latona cecinit fatus.
 Ereptus igne ut fulmineo Jovis
 Bis natus infans duceris ad Deos,

At

At tibi magnis plausibus omnium ad- 15
rigit Caelicolûm cohors .

Namque ore pulchro talis erat color ,

Rubente qualis enitet in rosa .

Tum prominebat exsiliantibus

Sacrum corniculis caput . 20

Tyrrhenus ut te navita deprecans

Sero , furoris , numinis & tui

Expertus iras squammeus in mare

Piscis defiliit rate .

Sensit Lycurgus vitibus impiam 25

Ausus securim immittere : sensit &

Cohors Gigantum trudere tum rata

Alto Caelicolas polo .

Tu Gange victo miles ab ultimis

Indis triumphos victor io refers : 30

Et redeunti Susa & Achaemenes

Aras constituunt tibi .

Fremunt in altis orgia montibus

Euoë : solutae per juga Thyades

Crines in auras , raucifonis replent 35

Altum cornibus aethera .

Libro Secundo de Intellectione .

Carpe fugam , Galatea ; ferus petit æquora Cyclops :

Carpe fugam , pelagoque procul speculator ab alto ,

Te quis amat , dignumque tuo se censet amore .

Humano primum rorantem sanguine barbam ,

Et foedum os , oculumque unum , quem fronte patentem

Ipse gerit media, multo lavere aequore cernes;
 Pectere dein rastro crines, apioque virenti
 Assimiles, laudare: silens tum consulere aequor,
 Et se spectatis formosum dicere ab undis.

Te vero, Galatea, quod hunc contemnis aman-
 tem, 10

Nec pecoris numerum, nec avenae sibila curas,
 Crudelem, & pistri natam Scyllaque vocare:
 Crudelesque Deos: si Dii tamen aethere in alto
 Vel mare sunt aliqui; neque enim se posse putare
 Ullos esse Deos. demum tibi dira minari. 15

Nam fore, ut ictu uno magno cum fragmine montis
 Teque tuumque Acim medium disperdat in aequor.

At tu tuta mari magno, Cyclopi amoris
 Despiciens, ridensque minas, & inania verba,
 In nostros, Galatea, sinus, formosa, recurre. 20
 Ille inter pecudes & amore uratur, & Aetna.

Eodem Libro.

Telamonius Ajax

Arma rapit, Superosque furens in praelia poscit.
 Jamque hominum hos nunc insequitur, nunc percu-
 tit illos.

At tacitus moerensque hominum consortia vitans
 Bellerophon solos errat male sanus in agros: 5
 Bellerophon, quem Martis honos, quem gloria curruum
 Per deserta fugit, nec amor comitatur equorum.

Dialogo de Anima, non procul ab initio.

Ne timeas, Trojane Puer, quod in ardua tantum
Tolleris a terra: quod rostro, atque unguibus uncis
Te complexa ferox volucris per inania portat.
Audistine umquam sublimis nomen Olympi?
Audistine Jovis tonitru, qui fulmina torquet, 5
Qui pluit in terras, cui templa arasque dicatis
Vos homines, taurosque tua mactatis in Ida,
Quique etiam vestri est, si nescis, sanguinis auctor?
Ille ego sum. non te haec volucris, sed Jupiter est, qui
Haud praeda captus, cari sed amore Nepotis 10
In summum amplexu innocuo te portat Olympum:
Astra ubi tot spectare soles, ubi pulcher obit Sol
Ortusque occasusque suos, ubi candida noctes
Currit Luna nitens, Auroram Lucifer anteit.
Hic ego te in numero Superum, domibusque Deorum,
Ver ubi perpetuum, felix ubi degitur aetas,
Aeterna & semper viridis florensque juventa,
Consistam: aequalemque annis pubentibus Heben
Officioque dabo comitem, qui pocula nobis
Laeta ministretis. reliquum caelestibus una 20
Astragalis choreisque diem exercere licebit.
Pone metum, dilecte Jovi, melioraque longe
Prospiciens, caram, Puer, obliviscere Trojam:
Neve Deum te jam, & Divorum regna petentem
Ulla canum, aut Idae nemorosae cura sequatur. 25

Eodem

Eodem Dialogo.

P S Y C H E.

Huc, Amor o dilecte, ades, o dilecte Cupido:
 Formosum tua te P S Y C H E formosa requirit,
 Et poscit te Dia Deum, puerumque puella.
 O tibi tam similis si te peramatque cupitque,
 Nonne & amabis Amor illam, cupiesque Cupido? 5
 Est eadem nobis patria: est caelestis origo
 Ab Jove: nos terris pariter, nos aethere in alto
 Versamur pariter, conjunctaque munera obimus.
 Ipsa bonum pulchrumque modis in pectora miris
 Insinuo, tu corda feris, tu suggeris ignes, 10
 Accendisque ardore novo: genus unde animantum
 Concipitur, crescitque, sua & connubia jungit.

Me miseram, quod & ipsa meis in me artibus usa
 Ah nimium tenera, & pulchro nimis apta moveri,
 Ut te conspexi, ut novi, pulcherrime rerum, 15
 Continuo facibusque tuis, & Amoris amore
 Exarsi. juvat hoc, paribus si & tu ignibus ardes.
 Tolle, Puer, vittas, atque in me lumina solve,
 Nempe & amabis Amor pulchram, cupiesque Cupido.
 Ipsa tibi tenuem, qua cingas tempora, vittam 20
 Intertextam auro, & molli bombyce laboro:
 Pictus ubi Narcissus hiat, Maeander oberrat.
 Hic ego te latas terras, atque alta volatu
 Nubila tranantem fingo, & maria uda secantem:
 Cuncta tibi imperio subdentem, hominesque, ferasque,
 Et

Et pictas volucres, &, quae nant aequore, monstra.
 Diis quoque nec parcis: curru rex Jupiter aureo
 Invehitur, cinctus humeros & brachia ferro.
 Quos inter tua P S Y C H E etiam religata catenis
 It moerens, sequiturque tuos captiva triumphos. 30

*Vetus Epigramma, in calce Sententiae
 de Vini temperatura.*

Infantem Nymphae Bacchum, quo tempore ab igne
 Prodiit, inventum sub cinere abluerant.
 Ex illo Nymphis cum Baccho gratia multa est,
 Sejunctus quod sit ignis, & urat adhuc.

HIERONYMI FRACASTORII

Carminum Finis.



ILLU.

OLIM PARVUS ERAM, VIXQUE ULLI COGNITUS AMNIS:

IT MEA NUNC TUMIDO LYMPHA SUPERBA PEDE.



ARGUTOS ETENIM PAVI NAUCELVS OLORES,

QUI SE, MEQUE SUO CARMINE IN ASTRA FERANT.

ILLUSTRUM
 ALIQUOT POETARUM
 CARMINA
 AD FRACASTORIUM,
 ET DE FRACASTORIO.

ANTONII MARI.

FRASTORI venerande, anima mihi carior ipsa,
 Ut valeas, quidnam juncto pede, quidve soluto
 Scribas, scire velim, dum te Marpesia celso
 Colle tenet, placidi sectantem commoda ruris.
 An medicas herbas Phoebos monstrante per agros
 Colligis, ut caros cives a funere serves?
 An Dryadum mistus choreis, Faunisque jocosus
 Agresti ludis calamo: quae Tityrus olim
 Cantet, & umbroso miretur Nais ab antro?
 An potius volucris raptus super aethera mente,
 Colloquio fruere TURRI, secumque vagaris,
 Ignotasque vias stellarum, orbisque tueris
 Ignotos, veterumque palam commenta refutas?
 Felix, quem populi de tempestatibus atris
 Ereptum, claro sistit Sapiencia caelo.
 At nos indoctae sequimur vestigia turbae,
 Parvaeque miramur, quia numquam cernere magna
 Contigit. hinc vana deludit imagine mentem

Auz

Aut spes, aut metus: invadit nunc falsa voluptas,
 Nunc falsus dolor. in primis me torva feroci
 Pauperies vultu terret, ceu tristis Erinnyis,
 Quum pavidum flammis ultricibus urget Orestem.
 Saepe loquor mecum, tacitusque haec corde voluto:
 Incipe sorte tua contentus vivere, teque
 Liber, & impavidus fortunae oppone superbae.
 Nemo pauperie miser est, aurove beatus.
 Oppressum morbo Chromilum de paupere lecto
 Transfer in auratos thalamos, & stragula picta,
 Non tamen aegroto decedet corpore febris.
 Impatiens, aestuque amens vigilabit. at idem,
 Quum validus silvis apros venatur, in alta
 Hibernas noctes nive dormit suaviter. aegrum
 Sic animum nec divitiae sanare valebunt,
 Nec mentem sanam vel magna offendere egestas.
 Quare age, si carus Superis, si carus amicis
 Esse velis, animum semper cole: cetera mitte.
 Cuncta potest sprevisse aliquis, nemo omnia habere.
 Ille opibus vincet Craesos, illi fluet Hermus,
 Cui licuit contemnere opes. sunt denique certae
 Divitiae, Virtus, Sapientia: quas neque bellum,
 Nec mors suprema potis est rapuisse favilla.
 Haec mecum. Sed cuncta fluunt animo, simulatque
 Tabentes artus, & commoda multa volentem
 Aspicio miseram juvenili in flore senectam.
 Crudeles Parcae, dulcis nec dona juventae
 Carpere, nec lentos finitis finire dolores.
 Non mea vos pietas, tremuli non vota parentis,
 Non lacrimae vestras potuerunt flectere mentes.

*At tu, quem Phoebus letales pellere morbos
Edocuit, citharaque amnes cantuque morari,
Huc ades, o FRASTORI, aversaue Numina flecte
Carminibus, tabemque meo de corpore pelle.*

MARCI ANTONII FLAMINII.

FRASTORI venerande, cui medendi

*Usum pulcher Apollo, carminisque
Artem donat habere, nonne cernis,
Tuum FLAMINIUM perire dira
Tabes? Non recreat cibus misellum,
Non grata vigiles quiete ocelli
Teguntur: macie vides suprema
Corpus confici, ut umbra inanis esse
Jam plane videar, modisque miris
Pallor occupat ora, languidosque
Artus vix traho, nec juvare possunt
Dulci carmine candidae Camoenae,
Nec blando alloquio boni sodales:
Ipsa sed mihi lux amara, & atrae
Noctis tempora sunt amariora
Felle, & Thessaliae malis venenis.
At tu, candide amice, vel sodali
Fer tuo auxilium, vel ipsa morbi
Si vis tabifici recepta venis,
Humanis opibus, magistræ & arti
Nescit cedere, carminum tuorum
Lepore advoca Apollinem, rogaque,
Ne prima miserum sinat juventa
Tam crudeliter interire. cur ah*

Culto-

Cultorem patitur suum sub ipso
 Flore aetatis abire moestum ad umbras
 Pallentes Erebi? quid ergo prodest
 Ipsi, & Aoniis suis puellis
 Cuncta posthabuisse? quidve prodest
 Vita puriter acta? nunc misello
 Nunc o subvenias, Apollo sancte,
 Et preces teneri tui Poëtae
 Audi dexter, opaca sive Cynthi
 Umbra, sive Heliconii recessus
 Te tenent nemora aureo sonantem
 Plectro carmina, quae beata lauri
 Discit silva. ades, o Deum voluptas,
 Ades numine dextro, & imminentem
 Orcum jam capiti meo repelle;
 Ut FRASTORIUS ob suum sodalem
 Salvum, & incolumem tibi rependat
 Mille carmina, te canens, tuamque
 Matrem, & virgineos tuae Sororis
 Mores, & studia, & pharetram, & arcum, &
 Currum noctivagum aurea inter astra,
 Quo se candida Diva fert Olympi
 Per campos, lavis ipse quum rubente
 Fessas Oceano tuas quadrigas.

JOANNIS BAPTISTAE AMALTHEI.

In obitum HIERONYMI FRACASTORII.

NEC Sol ab ortu pulchrior aureum
 Ostendit axem, nec magis Hesperus,
 Quum pura nox invexit astra,
 Sidereos micat inter ignes,

Quam vera Virtus munere Caelitum
 Terris refulsit. quam neque fulminis
 Exterret ictus, nec minaces
 Martis equi, nec iniqua bella.

Sed Ditis atri quem semel horridis
 Adjecit umbris dura necessitas,
 Non dia Virtus, non Camoenae
 Aetherias revocant ad auras.

Nec Musa quondam restituit parens
 Fatis ademtum Threïcium Orphea,
 Quamquam ille dudum corda molli
 Flexerat Eumenidum querela,

Ausus profundos flebilibus modis
 Excire Manes, nigraque Tartara,
 Noctemque damnatam subire,
 Dum miseram Eurydicen reposcit.

Nec morte functum candida Pieris
 Ad lucis oras, ad nitidum diem
 FRACASTORIUM vatem reducit
 Saepe Deos precibus fatigans;

Seu flexuoso Tcthyos e sinu
 Phoebus recurrens explicat aureas

M

Equis

*Equis habenas, & rubente
 Exhilarat sua regna curru:
 Seu noctis udae praeuius Hesperus
 Sacros reliquit Nereïdum choros,
 Et Luna rorantes aperto
 Extulit Oceano jugales.
 Illum gementes Aonio in specu
 Flevere Musae; nec mel apes, neque
 Dulcem dederunt astra rorem, &
 Flumina destituere cycni.
 Nunc plena luctus omnia: nunc humi
 Phoebea laurus, nunc hederæ jacent.
 Nunc caeca nubes sidus urget
 Pierium Stygia sub unda.
 Sic puppis atro mergitur aequore,
 Quæ bella nullis gentibus inferens
 Fulgebat insignis Sabæis
 Muneribus, Phariaque merce.
 Declivis alto Sol ruit æthere
 Fessas reclinans Oceano rotas:
 Sed luce terras vestit idem
 Purpureo rediens Eo.
 Nos ut severa turbidus alluit
 Cocytus unda, fataque Gnosius
 Iudex athena movit urna,
 Ad Superos via nulla ducit.
 Quis victa morbis, victa doloribus
 Firmabit herbis membra potentibus?
 Quis verba devolvat rotata
 Ambrosio nivis instar ore?*

*Tardasque neētet fluminibus moras
 Carmen decoro pectine temperans?
 Carmen, quod argutis ab antris
 Saepe loquax iterabat Echo?
 Tu, Phoebe, testis, quum tibi fervida
 Sacrabat alto pectora numine
 Oracula edoctus Pelasgum,
 Sanctaque templa animi recludens.
 Sive ille fati praepetis obvias
 Tardaret alas Poeonis artibus,
 Seu voce mallet, seu canoris
 Pronum Athesim fidibus morari,
 Qua pulchra labens per vada libero
 Amnis natatu Naiadum sacros
 Pertentat amplexus, & udam
 Mordet aqua fugiente ripam.
 Sed pone luctus, anxia Pieri:
 Non ille magni cultor Apollinis
 Urgetur obductus perenni
 Nocte oculos, gelidoque somno:
 Qui sempiternae mensus iter plagae,
 Et se beatis sedibus inferens
 Accessit astris, & nitescit
 Altior invidiae tenebris.*

ADAMI FUMANI VERONENSIS.

LONGE Vir unus omnium doctissimus,
 Verona per quem non Marones Mantuae,
 Nec nostra priscis invident jam secula,
 Virtute summam consecutus gloriam
 Jam grandis aevo hic conditur FRASTORIUS.
 Ad tristem acerbae mortis ejus nuncium
 Vicina flevit ora, flerunt ultimae
 Gentes, perisse musicorum candidum
 Florem, optimarum & lumen artium omnium.

LUDOVICI NOGAROLAE COMITIS.

Ad Paullum Rhamnufium Venetum.

FRASTORII monumenta hoc tu dum, PAUL-
 LE, libello
 Colligis, e caecis eripiens tenebris,
 Scilicet ut Vates, Medicaque excelluit arte,
 Percurritque domos aetherias animo,
 Ingentes VERONA refert tibi nunc mea grates
 Cum Baldo, Benacoque suo, atque Athesi.
 Qui tanto assurgent plausu, quantum ipsa labore
 Fama sui civis se efferet aucta tuo.

JULII CAESARIS SCALIGERI,
cujus etiam inter Poëmata libellus exstat, quem inscripsit:

ARAE FRACASTOREAE.

OS FRACASTORIO nascenti defuit, ergo
Sedulus attenta finxit Apollo manu.
Inde hauri, Medicusque ingens, ingensque Poëta;
Et magno facies omnia plena Deo.

JOANNIS MATTHAEI TOSCANI
de FRACASTORIO, Poëtarum sui seculi vere Principe.

QUI FRACASTORIUM titulo fôrtaſſe ne-
gabit,
Quem Vati tribuit pagina nostra, parem,
Aut non Pieriam gustaverit ille, Marone
Quae demto nulli vena secunda fluit:
Aut ſi guſtarit, nec mecum ſentiat, ille
Jam penitus guſtu judicioque caret.

E J U S D E M.

ANTE ſuo quamvis tumuit Verona Catullo,
Et fuit e claris urbibus una diu:
Attamen invidit primam tibi, Mantua, palmam
Haec non laeta ſatis proximior gradu.
Atque aliquem, poſſit quem magno aequare Maroni,
Sollicita Phoebum det ſibi voce rogat.
At FRACASTORIUM laetis excepit ut ulnis,
Plus aliquid votis dat mihi Phoebus, ait.



EXCUDEBAT JOSEPHUS COMINUS.
CIC IDCC XVIII.

JOANNIS
COTTAE
VERONENSIS
CARMINUM
LIBELLUS.

S E L E C T A
DOCTORUM VIRORUM
DE JOANNE COTTA
EJUSQUE SCRIPTIS
TESTIMONIA.

*Lilius Gregorius Gyraldus Dialogo I. de Poëtis suorum
temporum pag. 538. Edit. Lugduno-Batavae.*

JO. COTTAM juvenem adolescens vidi multi ingenii ac
judicii, ultra quam aetas sua illa ferebat: nam humili loco
natus in varias Italiae partes peregre profectus, tandem Liviano
Venetorum Imperatori adhaesit. Sed capto Liviano a Gallis,
illius mandato ad JULIUM PONTIF. profectus, morbo interiit.
Hic ergo in cursu juvenis cecidit. Ejus complures versiculos
aliquando legi, quos & legisse juvat, idemque ut vos faciatis
identidem moneo. videbitis miram juvenis indolem, cui
si fata longiorem vitam concessissent, inter bonarum literarum
proceres haud immerito COTTA connumeraretur.

*Joannes Pierius Valerianus de Literatorum
Infelicitate Libro I.*

Neque vero minorem in JOANNE COTTA Veronense
jaeturam fecerunt bonae literae. Juvenis is multa rerum omnium
cognitione egregius, disciplinarum nostrarum non ignarus, Mathematicarum
optime peritus, in condendo vero Poëmate elegantiae, & venustatis
incomparabilis, quique antiquum illum leporem aetate nostra
revocare coeperat. Is, inquam, dum Viterbii apud JULIUM II. magnis
de rebus Orator agit, pestilenti oppressus febre in ipso aetatis
flore defecit, scriptis ejus & hic, & illic magna ex parte
dissipatis, ut neque posteritati, neque nomini suo prospicere
potuerit. Vivet tamen, & doctissimorum omnium testimonio
celebratus iniquae fortunae invidiam superabit.

Paul.

*Paullus Jovius in Elogiis Virorum
Literis Illustrum.*

JOANNES COTTA apud Alieniacum pontem (id est oppidum supra Athesim) humili genere ortus, praealtum in literis ingenium ostendit: in agresti enim ore, generosi spiritus indoles ita latitabat, ut in sermone, scriptoque mira felicitas emineret. Hauserat enim pertinaci studio, evolutis utriusque linguae optimis Auctoribus, tantas eruditionis opes, ut a stupenda memoria clarus haberetur, & antiquae dignitatis carmina perscriberet. Aperuerat ludum Laudi Pompejæ, quod ibi nupta erat ejus matertera. Sed demum inde Neapolim ad Pontanum se contulit, secutusque aliquamdiu Sanseverinum, & Cabanilium proceres, transivit ad Livianum Venetorum ducem, qui Musarum liberalis hospes Academiam in agro Tarvisino ad Portum Naonem instituerat, evocatis in contubernium praecellentibus Poëtis, in quibus longe demum clarissimi (praeter COTTAM) Fracastorius, Naugerius, & Hieronymus Borgius evaserunt. Ad Abdum autem ex ipsa Gallorum victoria, Liviano fuso, captoque COTTA, insigni pietate se totius calamitatis & carceris comitem obtulit. Sed Galli inhumana acerbitate non misero tantum comitem, sed libros & calamum, ac omnia denique tenebrosi otii solatia denegarunt. Implevit alterum officii munus COTTA: susceptisque a Liviano mandatis, quum ad JULIUM PONT. Viterbium pervenisset, paucos post dies oborta pestilenti febre octo & viginti annorum juvenis interiit. Epigrammata, & Orationes ejus existant, sed Chorographiae opus nobile versibus inchoatum, & in Plinium erudita Scholia perierunt.

*Giovangiorgio Trissino nel Libro XXIV. dell' Italia
Liberata da' Goti, dove nomina molti de' più
celebri Letterati, che a que' tempi
florivano.*

E l' ottimo Pontano, e' l Sannazaro,
E' l Sadoletto, col Flaminio: e' l Bembo,
E' l Fracastorio, e' l Navagero, e' l COTTA.

*Bernardinus Parthenius de Poëtica Imitatione Libro II.
inducens Triphonem Cabrielium cum Trissino, &
Manutio loquentem, judiciumque de qui-
busdam Poëtis ferentem.*

COTTA Veronensis, argutulus: ex cujus Scriptis, etsi paucifima sint, ingenii tamen, judiciiue in scribendo vim, quae aetatem superabat, facile comprehendimus. post pauca. Quantum audio, ac sentio, ejusmodi sunt ii (nempe Sannazarius, Pontanus, Fracastorius, Vida, Bembo, Naugerius, COTTA, Flaminius) inquit Manutius, ut in veterum Poëtarum numero aurei illius seculi reponi merito posse videantur. Quamobrem aetati nostrae gratulemur, quam superioribus ingeniorum felicitate antestare videmus, quum extincta jam sit illa barbaries, illa labes, quae terras, ne dicam literas, impurissimis sordibus inquinabat.

2. Marius Corradus Libro XIII. de Lingua Latina.

Luserunt alia doctissimi viri, Pontanus, Castilio, Varchius, Jo. Baptista Arcucius, COTTA, Naugerius, Fracastorius, Amaltheus, Marullus, Gambara, Fascitellus; quorum tamen scriptis non minus, quam Virgilii, Horatii, aliorumque veterum, posteritas omnis adjuvabitur.

*Onuphrius Panvinus Antiquitatum
Veronensium Libro VI.*

JOANNES COTTA oppido agri Veronensis Liniaco ortus, doctissimus Orator & Poëta, elegantissimum Epigrammatum Libellum scripsit.

Item Orationes aliquot, quae exstant. *
Chronographiae quoque opus nobile versibus inchoavit, & in Plinium erudita Scholia, quae perierunt, edidit.

Fu-

* Eas tamen, quum a diligentissimis viris frustra perquisitae sint, nusquam exstare compertum est.

*Julius Caesar Scaliger Poëtices Lib. VI.
qui & Hypercriticus.*

COTTA quum se se ad Catulli mollitiem totum effinxisset, tantam numerorum nequitiam addidit, ut etiam affectasse palam sit. Epigrammata igitur duo, versibus Hendecasyllabis conscripta, & illius exprimunt, & Catullianorum explent animum. & *infra*. Elegiacum Epigramma ad Lycorim adeo molle est, ut vel conatum, vel etiam vota superarit: tantum enim habet amatoriarum gratiarum ut nihil addi, nihil demi, nihil mutari in eo genere dicendi possit.

*Jo. Matthaeus Toscanus Pepli Italiae
Lib. II. pag. 35.*

COTTA ad Alieniacum pontem in agro Veronensi natus est. Qui concivis sui Catulli stylum ita expressit amatoriiis versiculis, ut Scaligeri, ac Flaminii judicio, quem inuitabatur, superasse judicaretur. Obiit plane juvenis. Ejus Poëmatia saepius sunt typis excusa.



JOANNIS COTTAE

VERONENSIS
CARMINA.

I.

AD LYCORIM.



AMO, quod fateor, meam Lycorim,
 Ut pulchras juvenes amant puellas.
 Amat me mea, quod reor, Lycoris,
 Ut bonae juvenes amant puellae.
 Huic ego, ut semel hanc videre visus
 Se se ostendere fixiore oculo,
 Quando, inquam, mea lux, mei laboris
 Das mi praemium? meique cordis
 Tot incendia mitigas, Lycori?
 Hic illa erubuit, simulque risit.
 Ridebat simul, & simul pudebat.
 Dumque molliculos colens amores
 Colit virgineum simul pudorem,
 Quid negem tibi, dixit? & capillum,
 Qui pendens levibus vibratur auris,

15
Et

Et formosa vagus per ora ludit,
Hunc secans trepida, implicantque in auro,
Haec fila aurea, & aureum capillum
Pignus, inquit, habe meique amoris,
Meique ipsius: hoc tuum puellae 20
Tuae pignore lenias calorem.
Eheu quid facis? hei mihi, Lycori,
Haec sunt flammea texta, non capilli:
Sunt haec ignea vincla: ni relaxes,
Qui tanto valeam valere ab aestu? 25
Anne ignem juvat ignibus perire?
Comae flammeolae, subite flammās:
Crines igneoli, venite in ignes:
Sat me, flammea vincla, nexuistis:
Nunc vos solvimini, & subite flammās; 30
Ussistis nimis, ignei capilli,
Nunc vos urimini, & valete in ignes.
Hos meos age laetus ignis ignes
Perge exstinguere, tuque flamma, flammam
Exedas, mea corda quae exedebat. 35
At tu, sic reliqui tui capilli
Vernent perpetuum tibi, Lycori:
Quod tuos ferus usserim capillos,
Parce: nam volo amare, non peruri.

II.

A D L Y C O R I M .

O F A C T U M lacrimabile, atque acerbum!
Nunc certe lacrimaberis, Lycori:
Digna res lacrimis, tuoque luctu.
Namque lumina nostra, lumina illa,
Illa lumina, quae, Lycori, amabas, 5
Quae tuis solita anteferre ocellis,
Non sunt, o mea lux, amanda ut ante;
Non sunt lumina, sed malae tenebrae.
Illa, ut impia fata te, Lycori,
Abstulere mihi, tuoque longe 10
Me a vultu voluere abesse caro,
In rivos abiere lacrimarum:
Quodque amarius, atque praeter omnem
Lacrimabile cogitationem,
Quantumcumque habuere lacrimarum, 15
Jampridem evomere: nunc ad ipsum
Ventum est sanguinem, ab intimoque cordis
Ducto flumine turgidi, horridique
Sanguinem lacrimant miselli ocelli,
Et cum sanguine amata diffluit lux; 20
Ac sic enecuer seque, meque,
Dum meum miseri igneum furorem
Quaerunt diluere, & rigare mentem,
Heu mentem, Enceladi, Typhoëique
Aestuosa anima aestuosiore. 25

III.

III.

EPITAPHIUM QUINTERII.

ME longe effigie venustiore
 Narcissi, vel Apollinis comati
 Parcarum Lachesis nimis severa
 Isti Quinterium dedit sepulcro.
 Cur non flosculus exeam, requiris,
 Quum tantum fuerim puer decorus?
 Tellus est nimis arida, o viator,
 Nostri facta perustione amoris:
 Sed si lacrimulis tuis madescet,
 Forfan flos novus ibit e sepulcro.

5

10

IV.

AD NAUGERIUM, ET

JO. BAPTISTAM TURRIANUM.

JAM valete, boni mei sodales,
 NAUGERI optime, tuque, amice TURRI,
 Vere candidi, & optimi sodales,
 Quos numquam sat amaverim, licet vos
 Quam fratres mage, quamque me ipsum amarim. 5
 Quibus perpetuum frui per aevum,
 Vota si mea Dii audiant benigni,
 Sit una ampla animi mei voluptas.

Quod

Quod quanto cumulatius futurum est,
Una si liceat mihi beatis

10

Vestri colloquiis adesse B E M B I !

Verum dura necessitas repugnat,

Invitumque alias adire terras

Cogit, atque alios parare amicos.

Vos ergo memores meo esse vestri

15

Fixam in pectore imaginem, bonamque

Vobis partem animae meae relinqui,

Jam valet, boni mei sodales .

V.

AD GEVARAS FRATRES.

R I D E T E , o lepidi mei G E V A R A E ,
Et vestri facinus probate C O T T A E .

Dum suae Anysius mihi puellae

Partem pernegat, hunc ego a puella

Huc in exilium ad Caloris amnem

5

Traxi blanditiis, bonisque verbis,

Quasi ad delicias novas vocarem.

Hic hunc molliculum, atque delicatum

Probe testibus, arbitrisque vobis

Apicii volo macerare in aestu,

10

Usto ut ore, peraridoque vultu

Reversum tenera horreat puella .

Sic evenit Anysio, quod ajunt,

Tota perdere, tota qui requirunt.

VI.

A D A N Y S I U M.

A M E O dulcia (ne verere) & iidem
 Salſa ſcribimus ambo, doctè A N Y S I,
 Scis quæ, uti ſumus uno amore juncti,
 Uno carmina ſcribimus libello:
 Scis cervum quoque, quem ſibi educarunt, 5
 Suum ut Silvia delicata virgo,
 Noſtri filiolæ boni Gevaræ:
 Ille tam cupide illa devoravit,
 Ut omni fale falſiora, & omni
 Poſſes noſcere dulciora melle. 10
 O teſtem lepidum, bonique A N Y S I I
 Raram carminis approbationem!

VII.

A D C A L O R E M F L U V I U M.

O C E L L E fluminum, C A L O R, C A L O R pulcher,
 C A L O R bonarum cura, amorque Nympharum,
 Quem caeruleum fovens caput ſinu blando
 Montella ſecum amore vincit æterno;
 Dic o mihi annis conſcie, anne nunc forte 5
 Pulchra illa, ſimplexque adeo, & omnibus felix
 Soluta curis mea Rubella per ripas
 Tuas oberrat? & vel ex odoratis

Pin-

Pingit corollas floribus, vel in densa
Silva sibi suavi sopore blanditur? 10
Anne potius cum aequalium choro ludit,
Qua primum oriris ipse, quaque miscetur
Nitens nitenti Balnius Politinae,
Tuosque laeti confluunt in amplexus?
Argenteumque pedem, atque nuda formosos 15
Artus per undam, & aureum lavit crinem?
Sic est: ibi illa membra eburnea, atque ipsas
Papillulas beata frigeras lymphæ:
Atque inde flammeo calore concepto
Hucusque flammæ in mea ossa transmittis: 20
Dum te subinde candidæ memor Nymphae,
Qua jam recepta Samnii tumes unda,
Samnii & vetustas limpidus rigas urbes,
Exsul, miser, suspiriosus inviso.
At tu, CALOR, sic olim amoenus auratis 25
Dicare cornibus, arduusque Vulturno
Ferare victo, illique jam auferas nomen,
Fontem ad tuum recurre, dic meae luci,
Meo te ab igne posse saepe ficcari,
Meo nisi de fletu identidem crescas. 30
Dic, me amplius nequire tanta celare,
Nequire ferre vulnera, ac mori semper.
Tum, si ipsa prorsus haud sit immemor nostri,
Si fors amara illi mea, & fides grata;
Dic, me libenter ferre quidquid est duri. 35

VIII.

DE VICTORIA LIVIANI.

O QUAE alma grato carmine fortium
 Mori, Thalia, facta vetas virum,
 Nunc & per ora LIVIANUM
 Omnium, & omne feras per aevum.
 Dic, ut superbae contuderit minas 5
 Germaniae, atque a Caesare barbaro
 Fessae tot annos imminentem
 Ausoniae arcuerit ruinam.
 Nam quis malorum eheu veterum memor
 Non expavebat? quum populos truces 10
 In nos remotis usque ab oris,
 Qua glacie riget Amphitrite,
 Audiret armari: asperaue Alpium
 Jam vincere altis cum nivibus juga
 Feris inaccessa, atque fines 15
 Undique jam populare nostros?
 At LIVIANUS in trepidis docens
 Audere rebus, qua violentior
 Vis hostium ingruit, citatis
 Obvius agminibus cucurrit. 20
 Ductore tandem hoc scilicet Italas
 Videre montes insoliti manus:
 Tormenta, atque equos, & arma
 Alpicolae stupuere Fauni.

Tan-

Tandemque nostra impune nimis diu 25
Bacchati in arva Theutones horridi
Sensere in antiquumque robur,
Inque novum Marium incidisse;
Quum caesa, pubis flos Alemanicae,
Repente in alta valle Cadubrii 30
Phalanx nives cruore tinxit
Purpureo, rapidumque Plavem,
Arx & recepta est; pectora militum
Quum saeva nostrorum ardua non via,
Non faxa, non arcere muris 35
Terrifici potuere nimbi,
Cadente athena fulminis in modum
Contorta ab igni sulphureo pila,
Qua terra subsultat, nigerque
Cum sonitu ferit astra fumus; 40
Dirum repertum: & ingenium male
Sagax, sacrumque, quo truculentius
Nil invenire atrox Megaera,
Saeva nec ira potest Deorum.
Sed cuncta praesens horrida temnere 45
Dux acer urget, hunc sequitur cohors
Secura; praesentemque mortem
Magnanimo Duce freta vincit.
Diis cura nostri est, & Venetus pater
Probe Latinae consuluit rei, 50
Quum jus tibi omne copiarum,
LIVIADE, tribuit suarum;
CORNELIUMQUE mox socium dedit
Magno e Senatu, cui sapientia

Insignis, ac fortuna avorum 55
 Scipiadum reparant honores.
 Non Imperatorem ille queat sibi
 Optare, Mavors quem mage diligit:
 Non tu Senatorem ferendis
 Confiliis animosiores. 60
 Vos nuper hostium unanimes feram
 Fregistis audaciam, ac pavidos patres
 Firmastis, ac suam attulistis
 Semianimis populis quietem.
 Vos jam timebit barbarus, ac suis 65
 Pedem cavebit tollere finibus,
 Ni laeva mens est, Diique nostros
 Accumulare volunt triumphos.

IX.

A D L Y C O R I M.

NE tua ne mea mi cane carmina, cara Lycori:
 Mi vox ista avida haurit ab aure animam.
 Et vela faciem: me me liquat ipsa videndo,
 Et trahit intentis ex oculis animam.
 Et mihi conde sinum: istis dum paro pressa papillis 5
 Basia, mi rapiunt ore ab anhelio animam.
 Nec mi ostende manum: illa mihi potis est aperire
 Pectus, & e medio evellere corde animam.
 Et mi ostende aliquid: moribundo abit aegra mihi mens;
 Nil video, quum te, lux mea, non video. 10
 Quid

Quid tamen optarim ostendi mihi? quid tibi in isto est
 Corpore, quo viso non subito peream?
 Tolle precor tunicam tantillum, & pascere ocellos
 In pede languentes me sine candidulo.
 Sed quid ego optavi mihi? paullo ante iste tuus pes 15
 Me incessu tenero dimidium abstulerat.
 Quod si tunc imis e vestibus exseruisset
 Unum vel minimum forte aliqua digitum,
 Liquere me cupide vidisses, me simul omnem
 Affusum dulci dulce mori digito. 20
 Verum age jam cane, lux mea; jam mihi, lux mea, totam
 Te retege, atque omnes mi face delicias.
 Nam si mors obeunda, inhians in te, mea, malim,
 Vita, mori, quod vita est mihi amabilius,
 Quam tristis desiderio tabescere amati 25
 Corporis, unde miser sim, & decuplo peream.

X.

A D L Y C O R I M.

SI V E aliquid, seu forte nihil mea lumina cernunt,
 Dixi, ea te semper, vita, referre mihi;
 Stulta ego sim, dixti, si credam talia: amantes
 Talia fallaces fingere multa solent.
 Ergo non credis mihi? non mihi credis amanti? 5
 At, formosa, oculis crede, Lycori, tuis.
 Tu propius nostris tua firmes oribus ora;
 Inque meis figas lumina luminibus.

Dispeream, nisi, ut in speculo te te ipsa tueris,
 Sic oculi referent te tibi, vita, mei. 10
 Quod si ita sit, meritis tum tu des oscula ocellis;
 Ipse ubi mi libeat, dem tibi basium.

XI.

E P I T A P H I U M C A N I S.

C A P A R I O N ego sum, quem vivum maxime amavit
 L I V I A D E S, tumulum post dedit & titulum.
 Plura cani ingenuae de se sibi non licet: at mi
 Nunc audita meo accipe de Domino.
 Latrantem me forte phalanx Germana per umbras 5
 Ut vidit, de more affore herum timuit,
 Et fugit trepida. at ridens ait una Dearum,
 Quae ante Jovis solium ferrea pensa trahunt:
 Ne trepidate: semel fatis est timuisse: neque illum
 Quem fugitis, prius huc fata venire sinent, 10
 Quam Gallos male foedifragos demiserit Orco,
 Et quisquis vexat barbarus Italiam.
 Quisquis ades, Domino haec referas, precor; haec
 quoque pauca
 Addito: amat te etiam trans Styga Caparion.

*Quae sequuntur, sumta sunt ex Jo. Gagnaeji Collectione
Epigrammatum Doctissimorum sua aetate Italorum,
edita Lutetiae per Nicolaum Divitem.*

XII.

IN LAURENTEM,

pro libertate Patriae Tyrannicidam.

TEMPORIBUS Patriae, LAURENS, tua maxi-
ma virtus

Adfuit, & facinus fortiter ausa pium est.

Et si libertas non illi est inde secuta,

Quod causam cives deseruere suam:

At tibi magna tamen debetur gratia facti

Egregii, atque alti pectoris atque animi:

Quod tua crudelem confecit dextra Tyrannum:

Idque erit ut numquam oblitteret ulla dies.

Despiciet Fesulas dum silviger Apenninus,

Dumque Arni Fesulis despicientur aquae.



XIII.

XIII.

AD VERONAM.

VERONA, qui te viderit,
 Et non amarit protinus
 Amore perditissimo,
 Is, credo, se ipsum non amat,
 Carerque amandi sensibus,
 Et odit omnes gratias.

S

JOANNIS COTTAE

Carminum Finis.

ILLU-

ILLUSTRUM
 ALIQUOT POETARUM
 DE JOANNE COTTA
 VERONENSI
 CARMINA.

ACTII SYNCERI.

SPERABAS tibi docta novum Verona Catullum:
 Experta es duros bis viduata Deos.
 Nulla animum posthac res erigat: optima quando
 Prima rapit celeri Parca inimica manu.
 Quae tamen ut vidit morientis frigida COTTAE
 Ora; suum fassa est crimen, & erubuit.

HIERONYMI FRACASTORII.

Ex Elegia ad Jo. Baptistam Turrium, de obitu
 M. Antonii Turrii Veronensis, fratris.

Reliquias, miserosque absumsit tabida cives
 Pestis, & huc illuc saevit Erinnyes adhuc.
 Nec sat erat: miseri crudelia funera COTTAE
 Flevimus. o indigna COTTA peremte nece.
 O COTTA infelix, quae te fata impia nobis
 Tam subito ante tuos abripuere dies?

M. AN-

M. ANTONII FLAMINII.

SI FAS cuique sui sensus expromere cordis,
 Hoc equidem dicam pace, Catulle, tua:
 Est tua Musa quidem dulcissima; Musa videtur
 Ipsa tamen COTTAE dulcior esse mihi.


JO. MATTHAEI TOSCANI.

COTTAM ad sidera dum meis vocare
 Pararem numeris, nec invenustis,
 Quidam de trivio scholae magister
 Consuetus miseras juvenculorum
 Nates scindere sibilante flagro,
 Me supercilio truci notavit.
 Ecquid COTTA tuus leporis, inquit,
 Quod non surpuerit prius Catullo,
 Praefert? furta putas honore digna?
 Illi contra ego pauca: Sic habeto,
 Hircosissime carnifex juventae,
 Primum in non modica Catullianos
 Poni laude, dein suum Catullum
 COTTAM sic imitarier, Catulli
 Proclive ut minus aemulum aemulari
 Sit, ipsum quam imitarier Catullum.

EJUS.

E J U S D E M T O S C A N I .

QUI Musas, Veneresque, Gratiasque
 Vis coetu socias videre in uno,
 Hunc unum aurcolum legas Libellum,
 Quo Musae neque sunt politiores,
 Ipsa nec Venus est magis venusta,
 Nec gratae Charites magis. quod ulli
 Si fortasse secus videtur, ille
 Iratas sibi noverit misello
 Camoenas, Veneremque, Gratiasque.



OLIM PARVUS ERAM, VIXQUE ULLI COGNITUS AMNIS:
IT MEA NUNC TUMIDO LYMPHA SUPERBA PEDE.



ARGUTOS ETENIM PAVI NAUCELVS OLORES,
QUI SE, MEQUE SUO CARMINE IN ASTRA FERANT.

205
JACOBI BONFADII,
ADAMI FUMANI,
NICOLAI ARCHII,
COMITIS,
VERONENSIVM POETARVM,
CARMINA
NONNULLA.

D E J A C O B O B O N F A D I O.

*L' Abate Girolamo Ghilini nella I. Parte del
suo Teatro d' Uomini Letterati.*

NAcque il BONFADIO in Gazano, Luogo picciolo della Riviera di *Salò*, il quale tanto meritò di lode d'ingegno, quanto scrisse con ingegno leggiadrissimo, ed eccellente. molto valse nella Filosofia, e fu gran professore di Belle Lettere, ed in particolare d' Istoria. Servì tre anni in Roma il Cardinal di Bari per Segretario, dal qual' ebbe tutti quei particolari favori, che poteva desiderare; venuto poi quel Signore a morte, la qual se ne portò via tutte le speranze, e tutti i frutti della servitù sua, servì nel medesimo grado il Cardinal Ghinucci, nel quale perseverò fin' a tanto, che la disgrazia d' una malattia, che gli fu grave, e lunga, lo tolse da quella servitù. riavuto dell' infermità, e sazio della Corte, si risolse di veder il Regno di Napoli, per il quale quasi errando camminò molti mesi: e poi n' andò a Padova, e finalmente a Genova, ove pubblicamente lesse la Politica d' Aristotile. Dall' istessa Città fu anco richiesto a leggere la Rettorica; ed essendosi acquistata buona opinione presso a quei Cittadini estremamente desiderosi, che i loro figliuoli facessero nell' eloquenza, e nelle buone discipline profitto, li mandavano alla sua casa, perchè apprendessero i veri precetti di quella ornata scienza, come felicemente a quei giovanetti riusciva. Crescendo poi in quella Repubblica vie più famoso il nome del BONFADIO, il quale con la varia, e ben fondata sua dottrina s' aveva di già lasciati addietro tutti gli altri Letterati de' tempi suoi, fu onorato del carico di scrivere gli Annali di Genova, acciò per mezzo della sua dotta penna trapassassero alla memoria de' secoli futuri. alla qual' impresa tanto più animosamente s'accinse, quanto maggiormente s'accorse esser quella Città da gran desiderio accesa di vedere le varie sue azioni, e cose accadute, per mezzo della Cronica ravvivate; al che fare anco si mosse con gran fervore, invaghito, ed allettato da una buona, e larga mercede, che da quella Repubblica per un' Opera tanto utile, ed egregia sperava. Ma il pover' uomo non tan-

O

tosto

toſto ebbe a così onorevole imprefa dato principio con cinque Libri di quei Annali, che per aver egli troppo liberamente, e forse più di quello conveniva ad Iſtorico, mordacemente ſcritto d'alcune famiglie di quella Città, nella qual'azione biſogna eſſer molto circoſpetto, fu accuſato falſamente di un' infame delitto. ſopra di queſta imputazione fu ſubito carcerato, e da' teſtimoni convinto, fu condannato al fuoco *, nel quale finì i ſuoi giorni l'anno 1551. Il giorno deſtinato alla miſerabil morte ſua, ſcriffe a Gio: Battiſta Grimaldi una breve lettera, nella quale così a lui, come a Domenico Grillo, e Cipriano Pallavicino, principali Genoveſi, e tutti aniciffimi ſuoi, raccomandò un ſuo nipote chiamato Bonfadino, e nell'iteſſa lettera ordinò, che il ſuo corpo foſſe ſepolto nella Chieſa di S. Lorenzo di quella Città. Ha laſciato queſto Letterato Ingegno le ſeguenti Opere: *Annalium Genueſium Libri quinque*; i quali Annali per eſſer veridici, ed eleganti, furono da' profeſſori d'Iſtorie caramente accettati: *Orationi: Lettere famigliari*, di grazioſe bellezze ripiene: e le *Poeſie* così Greche, come Latine, ed Italiane; le quali Opere uſcirono co'l mezzo della ſtampa all'onore della fama, ed alla gloria dell'immortalità. Gio: Matteo Toſcano, ſtudioſo ingegno, e gentiliffimo Poeta, laſciò onorata memoria di GIACOMO BONFADIO co' verſi del tenore ſeguente, co' i quali pare, che taſſi i Genoveſi, come ſe aveſſero ingiuſtamente fatto morire il BONFADIO.

De JACOBO BONFADIO.

Haud minus intumuit nuper Benacus alumni

BONFADII, ac Muſis, culte Catulle, tuis.

Bis tamen infelix: rapuit nam Roma Catullum:

BONFADIUM leto das, ſcelerate Ligur.

Genua BONFADIUM quamvis, & Roma Catullum

Abſtulerint; doctos non rapuere modos.

JA-

* Da verſi però di Paolo Manuzio, che qui appreſſo ſi leggeranno, manifeſtamente apparisce, che il BONFADIO non foſſe abbruciato, come ſcrive il Ghilini; ma bensì, che gli foſſe mozzato il capo, per le iſtanze efficaciffime d'alcuni Grandi, ſuoi Protettori, che molto ſi adoperarono per liberarlo, ma indarno; non avendo potuto ottenere dalla durezza del Giudice altra coſa, che lo ſcambiamento del ſupplicio, e ciò ancora a gran fatica.

JACOBI BONFADII

VERONENSIS
CARMINA.

I.

GAZANUM, VICUM

DESCRIBIT.



OENIA quum Saloi, & Benaci lito-
ra linquo;
Dextra iter ingressum per opaca, &
florida rura
Me brevis, & facile acclivis via ducit
apricum

In collem, Cereri placitum, patrique Lyaeo,
Et placitum Altrici semper frondentis olivae. 5
Planities jacet in summo cultissima. primo
Hujus in ingressu oppidulum est. Salaminus olim
FADIIUS egressus patria, Patavique secutus
Fundatorem urbis, posuisse in litore sedem
Dicitur; atque plagae mox acri incensus amore 10
O 2 Hunc

Hunc optasse locum G A Z A E, quam dives avito
 Thesauro secum extulerat: tum nomine ab illo
 G A Z A N U M dixisse. propinquis collibus arces,
 Claraque magnanimûm stabant monimenta virorum.
 Sed rerum absumtrix, retroque abstrusa vetustas 15
 Obruta in obscuris secum omnia condidit umbris.
 Hinc aciem procul in campos, terrasque jacentes,
 Lataque Benaci protendere in aequora possum.
 Vicini montes Boreae de parte, reducit
 Et quâ Sol radios, quaque altas abdit in undas; 20
 Circumstant. facies spectanti celsa theatri
 Formam offert. saepe indigenae videre sedentem
 Pana Deum Arcadiae, calamos quum inflaret in altis
 Rupibus; & Nymphas per sibila laeta vocaret,
 Nymphas, quae plexis redimitae tempora fertis, 25
 Pastorum loca sola petunt, silvasque pererrant,
 Omnia complentes lusu, dulcique cachinno.
 Naiades quibus assultant de rupibus imis;
 Solem ubi ad Hesperium praepingui e valle volutus
 Flectit iter rapido, atque sonanti flumine Clisis: 30
 Quem dulces aurarum animae comitantur, & alis
 Per placidum levibus volitantes aëra circum,
 Omnem divinis miscent afflatibus oram.
 Dilecta ora mihi, Italiae ridentis ocelle,
 Naturae laetantis opus, sancta ora Deorum, 35
 Quam laetus gelidos fontes, flexusque tuarum
 Lympharum, Tempeque soli, caelumque reviso!
 Quamque libens vix ipse mihi credo aequoris undam
 Tyrrheni, & Calabrûm saltus liquisse nivales,
 Inque tuo incolumis gremio residere virenti! 40
 Sal-

Salve, altrix antiqua, boni salвете recessus;
Et gaudete: Genique loci tu candide fidi,
Vosque Lares, placidi vestro cum numine amico
Este mihi; & nostrum tandem lenite laborem.
Te vero & moneo, &, quantum me diligis, ALCON, 45
Oro, care ALCON; quamquam tua rura reliqui
Invitus; partemque fui mens aegra requirit;
Ne mihi commemores Athesim, neu tecta venustae
Alta Coloniolae. juvat hic consumere totum
Sextilem, & dulces invisere saepe sodales: 50
Qui lateri nostro se se agglomerare solebant
Olim, quum primis colludebamus in annis.
Horum in complexu vis prisca emergit amoris,
Ut satis aequo animo non me divellere possim.
Sed, quum se primum decrescens fregerit aetas, 55
Ridebit placido quum Villia Doris in antro,
Me feret aurifluo vaga gurgite cymba repostas
FLAMINII ad sedes, ripae ulterioris in arvis.
Huc occurre mihi: simul ad tibi grata vireta
Formellii, & laetos Amathuntidis ibimus agros. 60
RODULPHO interea, qui se caelestibus aequans
Divis, purpureo, atque ardenti in murice fulget;
Quemque viam monstrantem aequi, magnum inclyta
patrem
Roma colit; statuam patriis in montibus aras.

II.

DE VILLA COLONIOLA.

EST collis, geminas recto qui limite valles
 Scindit, & hinc Suavum prospicit, hinc Latios.
 Accessu in primo sunt formosissima Tempe,
 Culta peregrinae rura COLONIOLAE.
 Huc me Verona digressum duxerat ALCON, 5
 Magnae ALCON filvis cognitus Hesperiae:
 Nympharum castos qui sacra per otia fontes,
 Vestraque, Pierides, Numina sancta colit.
 Frondosi hic nemoris dorso dum forte vagarer;
 Et leni omne nemus perstreperet Zephyro; 10
 Ad Corylos Phyllis contexens fraga sedebat,
 Perdito amore nimis Phyllis amata mihi.
 Talis in excultis visa est Cytherea viretis,
 Necteret in sertum quum tibi, Adoni, rofas.
 O Sol, o mihi Sol radiis fulgentibus orte! 15
 O mihi felices inter habenda dies!
 Nam quae furtivum olim abscondebatur amorem,
 Quaeque fugax semper, si obuius inciderem,
 Se se alio avertens, tacito pede reflectebat,
 Lumina tum facilis torisit amica mihi. 20
 Accessi; atque errans, incertus corpore toto,
 Protinus optatum prosilui in gremium.
 Illi Amor aureolis spargebat floribus ora;
 Quos e maternis extulerat calathis.

Hic

Hic mihi (vos Coryli, testes, sanctaeque latebrae) 25
Dum capio mistum suaviolum ambrosia,
Se se anima ipsa in labra eiecit; meque relicto
Ad sibi dilectam Phyllida transfiliit.
Illa, ubi me aspexit moribundum, amplexa fovere
Coepit, suaviolum dulcius ingeminans. 30
Tum, mea dum insueto perfundit labra liquore,
Ore fovens, sensim transiit ad me anima.
Nunc vivo; & vita est multo mihi carior, in me
Quum memini, de quo venerit illa loco.
Salve, o terra beata, mihi, gratissima terra 35
Diis Superis: salve, dia COLONIOLA.
Nomen fama tuum immortalibus in monumentis
Protendat; nec te deruat ulla dies.
Haec lingua ante meis haerebit faucibus, ante
Haec dextra attractis concidet articulis: 40
Quam memori ex animo, & nostro de pectore migret
Saepe vocanda mihi cara COLONIOLA.
Et vos o Coryli, quarum sub mollibus umbris
Haec insperanti sunt mihi nata bona,
Sitis felices. non vestros Eurus honores, 45
Non aestus, non vos frigida tentet hiems.
Quum sitiunt silvae, veniant pede Naïdes udo,
Atque humore vagae roscido Hamadryades;
Vos & alant sibi delicias, seu gramine molli,
Sive velint ramis ludere ab umbriferis. 50
Phyllis amet Corylos; illas si Phyllis amabit,
Una mihi Corylus maxima semper erit.

III.

AD CARD. RODULPHUM PIUM,

C A R P E N S E M.

BENACI in ripis, agitur nunc tertius annus,
 Pro nostris posita est viribus ara tibi.
 Hic ego tum coepi non infelicibus ausis
 Te canere, & sacris urere tura focis.
 Gaudebat Geniusque loci, nostrique nitentem 5
 In lucem laeti se explicuere lares.
 At postquam gelidis illa est infessa pruinis,
 Et deserta tuo numine sola fuit,
 Ipsi etiam montes deploravere querelam
 Nostram, Benacus sensit & ipse pater; 10
 Et ferruginea sparsit caligine ripas:
 Omniaque ex illo tristitia visa mihi.
 Magne Pater, veluti aethereus praesentia fulgor
 Qui late ardenti tempora luce replet,
 Aureus e gelidis Titan jam flexibus anni 15
 Vertit ad aestivum lumina clara diem.
 Tu quoque jam propior factus, converte benignos
 Ad me iterum aspectus, lumina amica tui.
 Non erimus dono indecores. quod si tibi cura
 Pulsa mei, nec jam te ratio ista movet; 20
 At moveat natura tua inclyta: quique sub alto
 Antiquae laudis pectore vivit amor.

Et

Et placidae excellens moveat praestantia mentis
Illa tuae; quae Diis te facit esse parem.
Tu Princeps, tu sacrum oraculum: hic munera nobis
Et mens, & manus, & vox tua pollicita est.
Ne, quaeso, ne destituas, neu temne dicari
Meque, laresque meos, & mea sacra tibi.
Interea ardentis semper te mentis habebunt
Templa meae: tibi in his uram animam, atque animam.
Sentiri nequit hinc odor; & si possit, odores
Vincat Panchaeos, vincat & Assyrios.

F I N I S.



ILLU.

ILLUSTRUM
 ALIQUOT POETARUM
 DE JACOBO BONFADIO
 VERONENSI
 CARMINA.

PAULLI MANUTII.

ad eos, qui pro salute BONFADII laborarunt.

DILECTAE Musis animae, Jovis unica cura,
 In quibus & rectum, & longos exstincta per annos
 Nunc demum exorients virtus antiqua relucet;
 Et tu, qui docti dux inclytus agminis anteis,
 Magnanime o juvenis GRIMOALDE: quis ille, quis esse
 Tam culto ingenio possit, tam divite vena,
 Officium vestrum qui versibus exprimat aptis?
 Lapsus erat miser in culpam BONFADIUS: index
 Detulerat patribus; nec inani teste probarat.
 Quid facerent legum custodes? legibus uti
 Coguntur: dignum est. servantur legibus urbes.
 Continuo infelix in carcere conditur atro.
 Nuncius interea tristis percusserat aures
 Omnium amicorum. vestris dolor haesit acerbis
 Mentibus: afflicti propere concurritis omnes.
 O pietas, o prisca fides! vos crimine duro
 Oppressum, & multis invisum, non tamen ipsi
 Pen-

Pendentem extremo casu liquistis amicum.
 Pugnastis precibus, fletu pugnastis amaro;
 Si possent flecti sensus, mentesque severae.
 Est etiam minime dubio sermone relatum,
 Argento, atque auro multos cupiisse redemptum.
 Docta cohors, quid agis? turbatis navigat Euris
 Spes tua: vana petis, portuque salutis aberras.
 Ne lacrimas, ne funde ultra: desiste precari.
 Suscipis ingratum studium, sterilemque laborem.
 Fixa manet duris sententia legibus atrox.
 Si fecit, pereat: factum patet, ergo peribit.
 Horrendum carmen, tamen immutabile: quod non
 Frangere vis hominum, non flectere gratia possit.
 Exprimitur tandem hoc invito a iudice, vivus
 Ne comburatur, crepitanti deditus igni.
 Tum se carnifici saevo BONFADIUS ultro,
 Mente Deum spectans, animo imperterritus, offert.
 Ille ministerio propere functurus iniquo,
 Terribilis rigidam suspendit ad alta securim.
 Quem feris ah, scelerata manus? quam nobile collum
 Percutis, ignoras, & quo te sanguine tingis?
 Hic, qui prostratus jugulum tibi porrigit, a te
 Fortiter expectans extremi vulneris ictum,
 Dulcibus & numeris, & molli doctus avena,
 Quum caneret versus Musis, & Apolline dignos,
 Aërio sacras descendere monte Camoenas,
 Atque habitare tuo, Benace, in litore jussit.
 Hic & Romano eloquio, & praecellit Etrusco,
 Mansuetus, facilis, dulci sermone disertus.
 Haec tu non audis: sed inanibus irrita ventis

Man-

*Mandantur, quaecumque loquor. tu parcere nescis.
 Eximios, humilesque feris discrimine nullo.
 Sic visum est Superis: mutari fata nequibant.
 Fixum erat, ut damnatus, & acri iudice victus,
 BONFADI, ante diem Ligurum morereris in Urbe.
 Urbs praeclara viris, Urbs classe insignis, & armis,
 Barbaricae gentis magnis decorata trophaeis,
 Cur veterem a nobis, cur fidum avellis amicum?
 Non tamen obscurus perit, aut inglorius. exstant
 Scripta Viri: quae posteritas mirabitur omnis.
 Tu quoque in Historiis seros memorata per annos,
 Genua, florebis viridi cum laude, & ab illo,
 Quem tu exstinxisti, tibi lucida gloria surget.
 At tu; cui miser extrema BONFADIUS hora
 Aspersam lacrimis misit per scripta salutem;
 Flos Ligurum, GRIMOALDE, tuae decus Urbis, & Orbis,
 Et vos o Phoebos sacri, studiisque decoris,
 Egregii Juvenes, moestum lenite dolorem.
 Jam sat honorifico celebrastis funera fletu:
 Jam satis officio, satis & tribuistis amor:
 Nec vestrum studium, pietas nec vestra latebit;
 Sed clarorum hominum semper notescet ab ore.
 Et quas ille truci correptus morte nequivit
 Officio, studioque pares persolvere grates,
 Has qui perpetua vobis cum laude rependat,
 Forsitan alter erit, vel jam est; multique sequentur.
 Vive diu, studiosa manus; doctamque Minervam
 Excole: quae vestras divino nectare mentes
 Pascet; & extremum tribuet per secula nomen.*

NON minus intumuit nuper Benacus alumni
 BONFADII, ac Musis, docte Catulle, tuis.
 Bis tamen infelix : rapuit nam Roma Catullum;
 BONFADIUM leto das, scelerate Ligur.
 Historia aeternum cujus, fera Genua, vivis,
 Immeritum saeva lege necare potes?
 Mitius est, quod te spumanti vortice marmor
 Tundit; & es scopulis durior ipsa tuis.

BONFADIUS, in Veronensi agro, ad Benacum natus, in
 Epistolis familiaribus Etrusca lingua, tenui stylo ac presso compo-
 sitis, omnium princeps habetur: scripsit & pari candore Latina
 Carmina. Genuensium inchoavit Historiam, a quibus indignissime
 necatus est, & flammis absumentus.



S O N E T T O

DI M. ALESSANDRO PICCOLOMINI,

A M.

JACOPO BONFADIO,

per le Storie ch'egli scrive de' Genovesi.

BONFADIO mio, che con stil chiaro, e pieno
 D'alta prudenza, eterne l'opre fate
 De la ricca, onorata, alma Cittate,
 Che tien tant'anni già Liguria a freno:

*Tema non fia, che vostre carte sieno
 Sospette mai; che'l ver cotanto amate,
 Che nè scrivendo, gli altrui gesti alzate
 Più che convien, nè fate illustri meno.*

*Così secur fà'l cor virtute in voi,
 Che d'invidia, o d'amor soverchio affetto
 No'l può da'l ver cammin torcer' un punto.*

*Dunque direm de' vostri Scritti poi,
 (Quel che forse di rado in altri è detto)
 Così scriss' ei, così fu fatto a punto.*

S E L E C T A
DOCTORUM VIRORUM
DE ADAMO FUMANO,
ET USQUE SCRIPTIS
TESTIMONIA.

*Lilius Gregorius Gyraldus Dialogo II.
de Poëtis suorum temporum.*

HORUM ferme (id est Romuli patris, & Pompilii filii, *Amasaeorum*) aequalis est ADAMUS FUMANUS, Veronensis, bene ac pie literatus, qui quum alumnus Giberti fuerit, Veronensis Antistitis, ejus vitae & morum rationem sectatus, D. Basilii, & alia quaedam ex Graeco Latina fecit. Et horum quidem trium, ut multa oratione soluta leguntur, ita pauca admodum carmine scripta circumferuntur; quae tamen mihi videre contigit, non sine Venere & Gratiis esse visa sunt, & de his vobis hoc loco pauca recensui.

*Onuphrius Panvinius Antiquitatum
Veronensium Libro VI.*

Vivit adhuc Veronae ADAMUS FUMANUS, Ecclesiae nostrae Canonicus, vir utraque lingua disertissimus, quod facile ex Basilii Magni Asceticis magnis, & parvis, ab eo in Latinum sermonem e Graeco versis, intelligi potest. Quum autem Poëticae peritissimus sit, multa edidit elegantissima Epigrammata, Elegias, & alia id generis Carmina, suavi modulatione referta.

*Marc' Antonio Giusto in una sua Lettera scritta a M.
ADAMO FUMANO, che si legge a carte 70.
del Libro III. delle Lettere raccolte da
Paolo Manuzio.*

Io aveva già ferrata l'altra lettera, quando sopraggiunsero i vostri versi bellissimi; i quali mi sono stati mandati dal nostro M. Carlo scritti, e stampati. quanto mi siano stati cari, non accade, che io vel dica; ma dirò pur questo, che da qualunque altra persona fossero stati compolti, mi sariano carissimi per la loro eccellenza: ma, perchè sono vostri, mi sono mille volte più grati; sì perchè i beneficj che si ricevono da gli amici, sono precipuamente grati, come dice Terenzio: sì perchè il vostro Testimonio è gravissimo, e di grande autorità; ed io sono imperfettissimo, e confesso d'aver piacere d'esser commendato da pari vostri. ec.

*M. Dionigi Atanagi nella Tavola del Secondo
Libro delle Rime da esso raccolte.*

ADAMO FUMANO, uomo di dottrina, e di bontà rara, e dignissimo Canonico della nobilissima Città di Verona.

Maurizio Moro nel Poemetto de' Fregi di Verona.

D'un' ADAMO FUMANO ancor risuona
Su queste sponde, e per quest'aria il grido.



A D A M I F U M A N I

V E R O N E N S I S

C A R M I N A.

I.

S U B E F F I G I E

A T H I L A E H U N N I.



FAX Orbis ille, incendium, pallor,
 pavor,
 Europa monstrum quem novum ge-
 nuit parens,
 Matris ferus quod carnifex foret suae,
 Qui barbaro superbus ipse spiritu,
 DEI FLAGELLUM, nomen indidit sibi;
 Terris furens satelles irati Jovis,
 Per quem fuere secla facta ferrea,
 Quum quaque mores usque fudit barbaros;
 Quo se ore vivens ferre fuisset A T H I L A,
 Tabella J O V I I haec indicat planissime.

P

II.

II.

S U B E F F I G I E T O T I L A E.

IMMANIS ille, pestis Urbis, barbarus
 Quae barbararum gentium terror, fui
 Ad Ortum ab Occidente fines Imperi
 Olim feroci Marte dilataverat;
 Qui nostra vastitate cuncta perculit 5
 Vicos, agrosque, civitates, oppida
 Ritu procellae, turbinisque acerrimi,
 Deo atque hominibus abominatus T O T I L A,
 Hac in tabella pictus, hospes, an vides
 Ut saevus, importunus, impotens, adhuc 10
 Stragem minetur ore, caedem, sanguinem?

III.

S U B E F F I G I E

M A R T I N I T U R R I A N I.

RUEBAT ECCELINUS acer Italus
 Fretus tremenda militum ferocia
 Tremendus ipse diritate barbara,
 Urbem superbam, maximam, perlucidum
 Sidus togatae ut perdomaret Galliae: 5
 Tyrannus ECCELINUS ille pessimus,
 Illud Deo atque hominibus infestum caput,
 Quot-

Quotquot fuere , quotque sunt , quotque umquam erunt
 Longe Tyrannus omnium teterrimus :
 Ab corde cujus exfularat funditus 10
 Fas , jus , pium , rectum , pudorque , aequum , & bonum :
 Qui tenera membra parvulorum ab ubere
 Matrum revulsa , diffecare per scelus
 Mucrone duro suetus ipse durior :
 Quin (proh nefas !) & mulierum praegnantium 15
 Exenterare amabat (o dirum nefas !)
 Exenterare amabat alvos impius
 Horrente scalpro : te nihil , mater , verens ,
 Lucina , justis quae vocata partibus
 Nitentium audis pia lacrimosas preces : 20
 Quae saepe saepiusque repetitae , illius
 Numquam feroces spiritus , numquam feri
 Durissimum mollire pectus quiverunt .
 Et hoc Patavii novit alma civitas ,
 Vicinaque illi fertilis Vicetia , 25
 Tuque urbs frequens , vetusta , magna , nobilis ,
 Verona , mater urbium pulcherrima ,
 Novisti , & ante tu beata Brixia ,
 Tum facta ab illo urbs omnium miserrima .
 Ruebat E C C E L I N U S acer Italus , 30
 Qualis sonantis vis corusca fulminis :
 Quum T U R R I A N U S ecce vir fortissimus
 M A R T I N U S , indignatus , ut spumans aper
 Lucanus , aut Sabellus , aut Libys leo ,
 Getula pubes quem veruta perpulit 35
 Exire notis saltuum recessibus ,
 Clamora pubes , & Numidicorum canum

Animosa vis latratibus faevis ferit,
 Quum colla & armos vestientibus jubis
 Caudae flagello idemtidem graves sibi 40
 Villosa terga verberans iras ciet,
 Secumque caeco murmure dubitat ferus,
 Quae prima mordens obterat venabula:
 Sic ille, acerbae ut servitutis imminens
 A civibus propelleret jugum suis, 45
 Formidoloso & ipse cinctus agmine,
 Virtute fretus exsilit mirabili
 Seni incitatus obviam acerrimo,
 Primaque pugna vulnerat, vivum capit,
 Asportat, inque claustra caeci carceris 50
 Contrudit; ubi post dirus is, diris modis
 Squalloreque ac pedore tetro, pessimis
 Suis sceleribus debitas poenas luit.
 Quo pervagante tam beato nuncio
 Late per agros Italûm, perque oppida, 55
 Passim puellae virgines ductis choris
 Laetae canebant voce tinnula simul,
 MARTINE TURRIANE, MARTINE inclyte,
 Tu liberator urbium, tu patriae
 Servator exstitisti, & omnes omnium 60
 Laudes tulisti: nempe nostra tu omnibus
 Nobis dedisti habenda, quum nefarios
 Latronis ausus contudisti, & omnibus
 Mentem addidisti civibus trepidis tuis:
 Tibi & mariti conjuges, & conjuges 65
 Debent maritos, atque utrique liberos,
 Debent parentes liberi tibi quoque:

Tibi

Tibi nos pudicitiam, tibi decus, tibi
 Nostram incolumitatem, tibi jam denique
 Nos nostraque en debemus haec tibi omnia. 70

IV.

S U B I M A G I N E

C A N I S S C A L I G E R I.

SCALIGER, anne tua istaec, CANIS inclyte,
 imago est?

O cari capitis cara mihi effigies.

Illene tu, profugis quondam qui vatibus unus

Portus eras, arx, spes, praesidium, columen?

Gaude, heros redivive, heros bellicae domique 5

Illustris, juncto viribus ingenio.

Ecce tibi ut veteres Jovius renovavit honores,

En te ut honoratis junxit imaginibus!

Macte, tuum tersa nitidum rubigine nomen

Factum, jam poterit nulla abolere dies. 10



V.

DE FRANCISCO CARMAGNOLA.

SEDULA apis veluti maturis advolat uvis,
 Ut liquido vacuas distendat nectare cellas;
 Ad te sic mea se celeri tulit impete Musa,
 Bellica quem ad magnos virtus evexit honores,
 FRANCISCE, aeternum Pietas per secula nomen 5
 Cui peperit; cuncto procerum quum adstante senatu
 Ac magnis una tecum de rebus agente,
 Ad scabrum haud veritus confestim exire parentem es,
 Fortiaque infirmo circumdare brachia collo.
 Scilicet hoc unum malit, quam mille referre 10
 Gesta tua praeclara, & victo ex hoste trophaea,
 Magnorum decus Insuabrum, Dux inclyte. tandem
 Orta licet subito fractum te adtriverit ingens
 Tempestas, Caurique, importunaeque procellae;
 Ne dubita, tua te pietas, tua maxima virtus 15
 Venturo meritis cumulabit honoribus aevo.



VI.

VI.

IN IMAGINEM

A N D R E A E G R I T T I ,

VENETORUM PRINCIPIS.

U T VIGILI doctoque ratis simul acta magi-
stro est,

Undique ut aërii verrant freta caerula venti,

Nec ventos, validasve timet secura procellas;

Credere sed pelago, ac magnis se fluctibus audet:

Sic Duce te Urbs prognata mari sic Principe, GRITTE,

Bellorum ut sciret magnos instare tumultus,

Bellorum metuit nullos interrita casus;

Sed Martis dare se magnis cita motibus ausa est.

Ut ratis illa eadem docto si cassa magistro est,

Ut nulli nusquam turbent freta caerula venti; 10

Et ventos validasque horret male firma procellas,

Credere nec pelago, aut ullis se fluctibus audet:

Sic Duce te Urbs, bone GRITTE, eadem sic Prin-
cipe cassa,

Bellorum ut videat nullos instare tumultus,

Bellorum metuit cunctos exterrita casus;

15

Nec dubiis dare se Martis cita motibus audet.

Ut gregibus tauri, turres ut moenibus altis

Sunt decori, ut pelago naves cingentibus undis,

Sidera uti radiis internitet aurea Phoebe;

Sic tu, sic Venetûm imperii dum sceptrâ gerebas, 20
 Notus eras proceres inter, bone GRITTE, superbos
 Corporis eximia specie, virtute, animisque.
 Nostratum o salve Heroum ter maxime; tu nunc
 Et nostra posthac semper celebrabere Musa.

VII.

ADVENTANTE SENECTUTE

SE TOTUM DEO DICAT.

JAM cana rugis asperat
 Frontem senecta: corporis
 Jam membra facta languida,
 Sensim recedens in dies
 Vitalis ignis deficit.
 Sed hoc quid ad me, fervida
 Patris supremi caritas
 Me continenter si suis
 Fovere pergit ignibus?
 Ergo, o beata vivida
 Caelestis ignis flammula,
 Magis magis me tu in dies
 Fovere perge singulos.
 Perge, o beata, perge dum
 Mihi usque perge amburere
 Mihi usque perge absumere
 Cor, ossa, nervos, viscera,
 Venas, medullas, sanguinem,

5

10

15

Ipsam.

Ipsamque mentem ac spiritum,
Ut totus ardeam tibi: 20
Ut atra quum mors frigidas
Afferre mihi volet manus,
Sic flamma totus flammeis
Alis Amoris lucidi
Hinc expeditus, aetheris 25
Altas ad oras subvolem:
Cognata ubi inter sidera
Non jam amplius memor mei,
Unum te amem, ac tua omnia.
Immo ardeam perenniter 30
Factus tui ter maximi
Scintilla parva incendii.

F I N I S.



MAR-

MARCUS ANTONIUS FLAMINIUS
AD ADAMUM FUMANUM.

QUUM, FUMANE, tuus meusque nuper
Scripsisset mihi Turrianus, omnes
De tua medicos salute parvam
Tam spem habere, dolor meam occupavit
Sic mentem, ut fugeret quies ocellis,
Nec flendi modus ullus esset. ergo
Tam bonum mihi mors acerba amicum
Prima surripiet juventa? amicum,
Quo nec candidior fuit, nec alter
Erit, cui dederat loqui rotundo
Ore pulcher Apollo, sive Graecos
Versus conderet ille, seu Latinos.
Haec, & quae dolor improbus querenti
Suggerebat, amice, sum locutus,
Vix parcens Superis. sed ecce laeta
Venit litera nunc, tuae salutis
Felix nuncia, qua meum revixit
Cor, ut flosculus igne semiustus
Solis, quem reficit benigna Luna
Rore frigidulo: nec ulla mater
Natum depositum videns Deorum
Dono restitui, magis triumphat
Gaudio. Bone Jupiter, benigno
Quem tu numine janua rapacis
Nunc Orci eripuisti, eundem eodem
Serva numine plurimos in annos.

IDEM

I D E M,

A D E U M D E M;

De obitu Violantillae, uxoris Romuli Amasaei.

I NVITUS tibi dico, ADAME; nostri
 ROMULI periit pudica Conjux,
 Tam pudica, domusque tam regendae
 Sciens, tam sobolis ferax venustae,
 Quam facundus, & artium est bonarum
 Doctus, qui fuit illius Maritus.
 Hoc ducente bonus Poëta factus,
 Oratorque bonus, bonum Magistrum
 Consoleris oportet & soluto,
 Et juncto pede; sic levabis aegram
 Mentem illius, & Eloquentis ipse
 Et Pii simul assequere nomen.



DE

DE NICOLAO ARCHI COMITE.

JULII CAESARIS SCALIGERI.

ILL E decus Latii, patriae mellitus alumnus,
 Cujus honorata est Roma superba chely:
 Calliopae in gremio numerosa voce relicta,
 Quaque novos superat, quaque laceffit avos:
 Dum TURRII laudes effusis ambit habenis,
 Est factus Genio grandior ipse suo.
 Crescere qui potuit tantus? res mira. putetur,
 Quem caneret, factus plenior esse Deo.

JOANNIS MATTHAEI TOSCANI.

Ex Pepli Italiae Lib. III. pag. 89.

ITALIS ora tuis, Benace, feracius undis
 Nil habet, in geminum qua patet illa fretum.
 Utque oleas sileam, vineta, & citria ripis
 Imposita, & placido quod natat amne pecus:
 Oppida quot, liquida quae aspergine lambis aquarum,
 Omnigena exultos arte tulere viros?
 Quos inter Dominus praecelsi internitet ARCHI,
 Exseris ipse caput, quo modulante, vadis.
 Cujus longa dies abolebit carmina, quum tu
 Flammivomo amissas sidere flebis aquas.

NICOLAUS ARCHIUS, Comes, venustissimis verbis amatorie lusit, haud eruditione minus, quam sanguine nobilis.

N I C O L A I A R C H I I

C O M I T I S

C A R M I N A.

I.

A D S U O S O C U L O S.



UID tot, procaces, lacrimis finis
frustra

Rigatis, oculi? quid cruore manatis?
Hoc est, quod inquit, sapere Phry-
gas fero.

Tum lacrimari, tum dolere oportebat,

Quum vos, scelesti, meque perditum iretis. 5

Quoties rogavi, dicite, quoties supplex

Per me obsecravi, per measque fortunas,

Ut haec rosetis aequa labra Paestanis,

Vultumque cerni lubricum caveretis.

Nil me, scelesti, miseret, aut piget vestri: 10

Cordis dolet solius; quod modis miris

Poenas furoris innocuum luit vestri.

II.

II.

P E D I B U S S U I S.

A M A R O, quo me, lassuli pedes, fertis,
 Vix sustinentes semimortuum corpus?
 An ad cruentum limen, ad fores illas,
 Ubi hanc miselli pene liquimus vitam?
 Quid ah, quid ultro convolatis ad mortem?
 Quid sponte in acres ponitis manum flammās?
 Ni vos (sed olim viderit fator Divûm)
 Tot ejulatus, lacrimasque pertaesi,
 Utcumque tantis quaeritis malis finem.

III.

I N T U M U L O M. A N T O N I I T U R R I A N I.

A N T E annos scivisse nocet : nam maxima Virtus
 Persuasit Morti, crederet esse senem.

IV.

I M I T A T I O A R E O S T I.

D U L C E S lacrimulae meae puellae,
 Quas desiderium pium movebat;
 Quae vultus modo candidos rigabant
 Guttatim; & roseis genis fluebant:

Ac

Ac si rivulus irrigaret unda
 Flores purpureosque candidosque,
 Ac per mollia prata laberetur.
 Tam suavi in pluvia nitens Cupido
 Infidebat, uti solet volucris
 Ramo, vere novo, ad novos tepores,
 Post Solem accipere aetheris liquorem,
 Gestire & pluviae ore blandiendo.
 Has inter lacrimas, & hunc dolorem
 Quassabat geminas faces Cupido,
 Exire ut faceret novas favillas.

V.

*Versus LUDOVICI AREOSTI, quos imitatus est
 ARCHIUS, hi sunt, ex Libro XI. ROLANDI
 Furentis; ubi Poëta ille maximus Olympiae formam
 elegantissime describit.*

Mentre parlava; i begli occhi sereni
 De la donna, di lagrime eran pieni.

Era il bel viso suo, quale esser suole
 Di primavera alcuna volta il cielo,
 Quando la pioggia cade, e a un tempo il Sole
 Si sgombra intorno il nubiloso velo.
 E come il rosignuol dolci carole
 Mena ne i rami allor del verde stelo,
 Così a le belle lagrime le piume
 Si bagna Amore, e gode al caldo lume.

E ne la face de' begli occhi accende
 L'aurato strale, e nel ruscello ammorza,
 Che tra vermigli e bianchi fiori scende;
 E temprato che l'ha, tira di forza, ec.

V.

AD CORNELIUM RUFUM.

CORNELI, tibi quis scelus hoc persuasit, amici
 Ut scripta amata perderes?
 Scripta mei numquam satis admirata Triphonis,
 Labore lecta maximo,
 Fulvo auro pretiosa magis, viridique zmaragdo, 5
 Qualem aequor Indicum tulit.
 Scilicet ut scombris tunicas, * barroque parares,
 Daresque caseo togam?
 Haec promissa fides, haec sunt mandata, tibi quae
 Dedi, rogans, & obsecrans? 10
 Ut gemmas inter servares, digna perenni
 Cedro, vel arca eburnea.
 Gratia nil Fortunati, nil fama Triphonis
 His, impudice, profuit.
 Infelix ergo qui te manet exitus? in te 15
 Atrox Iambus irruet.
 Invisusque tibi, laqueo vitam, improbe, claudes,
 Vel igne dilues notam.
 Aut si non homines curant tua facta nefanda,
 Dii non inulta liquerint. 20

F I N I S.

IN-

* Vox corrupta, ut videtur.

I N D E X

E O R U M

Quae hoc Volumine continentur.

E <i>Pistola ad Lectorem.</i>	
<i>Hieronymi Fracastorii Vita.</i>	Pag. i
<i>Exemplum ex Actis Consiliorum Magnificae Communitatis Veronae, pro erigenda Fracastorii statua.</i>	xxiii
<i>Testimonia Doctorum Virorum de Hieronymo Fracastorio.</i>	xxv
<i>Syphilidis, sive de Morbo Gallico, Libri tres.</i>	I
<i>Joseph Libri duo.</i>	53
<i>Carminum Liber.</i>	99
<i>Carmina Illustrium Poëtarum ad Fracastorium, vel de Fracastorio, nempe Antonii Marii, M. Antonii Flaminii, Joannis Baptistae Amalthei, Adami Fumani, Ludovici Nogarolae Comititis, Julii Caes. Scaligeri, & Jo. Matthaei Toscani.</i>	173
<i>Testimonia Doctorum Virorum de Joanne Cotta.</i>	185
<i>Carmina ejusdem.</i>	189
<i>Actii Synceri, Hier. Fracastorii, M. Antonii Flaminii, & Jo. Matthaei Toscani Carmina de eodem.</i>	203
<i>Jacobi Bonfadii Elogium a Hieronymo Ghilino Italice conscriptum.</i>	209
<i>Ejusdem Bonfadii Carmina.</i>	211
<i>Paulli Manutii, Jo. Matthaei Toscani, & Alexandri Piccolominei Carmina de eodem.</i>	218

Q

Testi-

Testimonia Doctorum Virorum de Adamo Fumano.

223

Carmina ejusdem.

225

M. Antonii Flamini Epigrammata duo ad Fumanum.

234

Julii Caesaris Scaligeri, & Jo. Matthaei Toscani Epigrammata duo de Nicolao Archi Comite.

236

Ejusdem Nicolai Archii Carmina.

237

NOI RIFORMATORI

dello Studio di Padova.

A Vendo veduto per la Fede di Revisione, ed Approvazione del P. Frà Tommaso Maria Gennari, Inquisitore, nel Libro intitolato: *Hieronymi Fracastorii Veronensis Poëmata omnia, nunc multo, quam antea, emendatiora. &c.* non esser cosa alcuna contra la Santa Fede Cattolica; e parimente, per attestato del Segretario Nostro, niente contra Principi, e buoni costumi; concediamo Licenza a *Giuseppe Comino*, Stampatore in Padova, che possa essere stampato, osservando gli ordini in materia di Stampe, e presentando le solite copie alle Pubbliche Librerie di Venezia, e di Padova.

Dat. li 12. Agosto 1718.

{ Francesco Soranzo Proc. Rif.

{ Michiel Morosini Rif.

Agostino Gadaldini Segr.

Catalogus Librorum , qui haëtenus pro- dierunt Patavii ex Typographia Co- miniana, sumtibus Vulpiorum instituta.

- J**oannis Poleni , in Gymnasio Patavino Philosophiae Ordina-
riae Professoris &c. De Motu Aquae Mixto Libri duo. Quibus
multa nova pertinentia ad Aestuaria , ad Portus , atque ad
Flumina continentur. 1717. cum figuris. 4.
- Joannis Baptistae Morgagni , in Patavino Gymnasio Primarii Ana-
tomes Professoris , Adversaria Anatomica Altera. Observatio-
nes complectuntur distributas in L. Animadversiones ad Li-
brum I. Theatri Anatomici Cl. Viri Jo. Jacobi Mangeti , Se-
reniss. Regis Prussiae Archiatri. 1717. 4. chart. major.
- Ejusdem Adversaria Anatomica Tertia. Observationes comple-
ctuntur distributas in L. Animadversiones ad Partem I. Libri
II. Theatri Anatomici Jo. Jacobi Mangeti. 1717. 4. chart. major.
- Andreae Naugerii , Patricii Veneti , Oratoris & Poëtae clarissi-
mi , Opera omnia , quae quidem magna adhibita diligentia
colligi potuerunt ; curantibus Jo. Antonio , J. U. D. & Caje-
tano Vulpiis Bergomensibus fratribus , cum effigie Naugerii in
aes incisa. 1718. 4. chart. major.
- Gabrielis Faërne , Cremonensis , Fabulae Centum , ex antiquis
Auctoribus delectae , carminibusque explicatae. Accesserunt &
alia ejusdem Opuscula. 1718. 4. chart. major.
- La Coltivazione di Luigi Alamanni , e le Api di Giovanni Rucellai ,
Gentiluomini Fiorentini . La prima delle quali Opere si è copiata con
somma diligenza dall' Esemplare impresso in Parigi l' anno 1546. da
Ruberto Stefano , Regio Stampatore ; l' altra dall' antica Edizione che
se ne fece in Venezia l' anno 1539. Colle Annotazioni di Ruberto
Titi sopra le Api , e con gli Epigrammi Toscani dell' Alamanni . Si è
aggiunta una dotta Lettera del Sig. Giovanni Checozzi Vicentino , in
difesa del Trissino , due copiose Tavole non più stampate , e varie No-
tizie intorno alla vita , e agli scritti de' due Poeti . Col ritratto in
rame di Luigi Alamanni . 1718. 4. chart. major.*
- Joannis Poleni de Castellis per quae derivantur Fluviorum Aquae
habentibus latera convergentia , Liber . Quo etiam continen-
tur nova Experimenta ad Aquas Fluentes , & ad Percussionis
Vires pertinentia . 1718. cum figuris.


Hieronymi Fracastorii Veronensis Poëmata omnia, nunc multo, quam antea, emendatiora. Accesserunt Joannis Cottae, Jacobi Bonfadii, Adami Fumani, Nicolai Archii, Poëtarum Veronensium, Carminum reliquiae. cum effigie Fracastorii in aes incisa. 1718. 8. chart. major.


Jacobi, sive Aëtii Synceri, Sannazarii Poëmata. item Gabrielis Altilii, & Honorati Fascitelli Carmina nonnulla. cum effigie Sannazarii in aes incisa. 4. sub praelo.


Brevi prodibunt Jo. Baptistae Morgagni Adversaria Anatomica Quarta, Quinta, & Sexta. item Prima denuo recudentur; additis figuris.


Nec non Liber ita inscriptus:


Marmi Eruditi, ovvero Lettere sopra alcune antiche Inscrizioni, Opera Postuma del Conte Sertorio Orsato, Cav. del Serenissimo Senato Veneto, raccolta dal P. D. Giannantonio Orsato, Monaco Benedettino della Congregazione Casinese, Nipote del suddetto; e da esso di varie Annotazioni illustrata.











24 Collated and Perfect

